

WANTOK

NIUSPEPA BILONG OL PAPUA NIUGINI STRET

36 pes Namba 1065 Wik i stat long Fonde, Novemba 24, 1994. 40 toea

12-pela man dai pinis long pait long Simbu

**Las sans!
ol entris bai stop
long Mande
Novemba 28.**

Raun antap long
Melanisia
Discoverer i go long
Trobriand I Allan
insait long 7-pela de



Kompyuta masin
bilong yu yet Apple
Macintosh LC575 wan-
taim 5MB RAM 160MB
HD CD ROM pilala i
kam long Business
system



Wanpela Rheem 300litre sola hotwara
sistem na tu wanpela Honda jenere-
ta EM4500SX i kam long Steamship
Hardwre.



Lukim pes 25 na 26
long kisim save

YAKAM KELO i raitim

BIKPELA pait i stap yet antap long Simbu provins bihain long wanpela man i rausim meri pikinini na bihain i pait gen long kisim bek pikinini tasol na lusim mama.

Dispela pait i stap long hap bilong Dom long Simbu provins we wanpela meri bilong Aurogama klen i go marit long Nuragauma klen tasol man bilong em i kirap na rausim em wantaim pikinini.

Man ya i rausim meri

wantaim pikinini bikos em i ting pikinini ya i no bilong em. Em i ting meri ya i bin mekim pasin paul pastaim long tupela i marit olsem na em i rausim meri ya wantaim pikinini i go bek long ol lain bilong em.

Provinsel Plis Komanda, Sif Inspekta Edward Kilamon i tok man ya i bin rausim meri ya long 10 Oktoba long dispela yia.

Tasol i no longtaim na man ya i go long ples bilong meri na i askim long kisim pikinini tasol.

Mista Kilamon i tok papa bilong meri ya i tok strong long ol yet bai lukautim pikinini boi ya bikos man

ya i tok em i no pikinini bilong em. Long dispela as na em rausim pikinini wantaim mama.

Ol lain bilong meri long Aurogama klen i laik bekim bek ol moni na pik samting em man ya i bin lusim long taim em i baim

meri ya. Tasol man ya i strong long kisim pikinini olsem na pait i kamap.

Mista Kilamon i tok pait ya i stap yet na planti lain i kisim bagarap pinis. Ripot i soim olsem 12-pela man i dai pinis long dispela pait long mun Oktoba i kam


nau.

Provinsel Plis Komanda i tok dispela pait i kamap na taim plis i kamap bungim ol, ol i giaman stapim pait na tripela o foapela de bihain, ol i kirapim gen. Dispela pait i no stop yet.

LUKIM INSAIT :



• Stori bilong garamut
long Is Sepik - p13



Aipas senta bai kisim ol meri tu long neks yia

• Dispela em i wanpela aipas man bilong Moun Sion Senta bilong ol Aipas long Goroka, Isten Hailans provins. Senta ya i save lukautim na lainim ol aipas pikinini man tasol long mekim ol samting em ol gutpela manmeri save mekim. Long neks yia, senta ya bai kisim ol aipas meri tu. Lukim ful ripot long pes 16.

KRISMAS GRITING:

Salim gritings bilong yu i kam long Wantok. Lukim pes 30 na 31.

DELTA

**STRONGPELA TRU NA INOPILAI NABAUT TRAK...
DABOL KEBIN BILONG DABOLIM PLANTI MOA
MANMERI INSAIT!**

Daihatsu Dan



Ela Motors
OLGETA HAP LONG
PAPUA NIUGINI

PORT MORESBY 229400 • LAE 422322 • RABAU 921988 • MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

**Plis
RIPOT**



Prais bilong buai dia long hailens

SAPE METTA I raitim

BANZ, Westen Hailans: Plis long Westen Hailans i tok ol i painim pinis rot we wanpela kriminel grup i save mekim wok nogut bilong ol namel long Tupela provins bilong Simbu na Westen Hailans.

Provinsal plis komanda John Wakon i tok plis i bilivim olsem dispela grup i save stilim ol ka, autim ol pats na salim.

Em i tok bikos long gutpela helpim bilong Nondugl komyuniti kramim grup, plis i holim pasim pinis foyapela man nogut long las wiken na sasim ol. Dispela em ol lain husat i stilim ka bilong wanpela Luteran Sios misineri.

ENGA: Tripela man i dai pinis na faivpela i stap long haus sik wantaim bikipela bagarap bihain long wanpela birua ol i bungim long ka long Enga provins.

Provinsal plis komanda, Allan Kundi i tok wanpela diwai long maunten i pondaun antap long ka taim em i ron long dispela hap rot na em i kilim dai tripela pipel insait. Sampela lain i katim diwai ya tasol ol no pinisim wok na bihain em i pondaun na kamapim birua long ol lain long ka.

Mista Kundi i tok ka we i kisim bagarap em i wanpela nupela Toyota Staut ka. Em i lusim Laiagam na wok long go olsem long Wabag taim em kres long diwai ya na bungim birua.

Em i tok diwai ya i pondaun i kam long maunten na kres antap long ka. Faivpela man i stap nau long hausik wantaim ol bikipela bagarap taim tripela poroman bilong ol i dai pinis. Faivpela man ya i stap nau long Sopas haus sik na ol i kisim marasin.

Long narapel plis nius, plis i holim pasim eitpela man long Laiagam taim ol i no harim oda we plios i putim long ples.

Mista Kundi i tok plis i putim privensen oda long ol wanpinis bilong Kilo na Kaloko. Bikos ol i pait namel long ol yet. Pait namel long Pyapila na Tandapi wanpinis i stat long Sarere bikmoning las wik we tupela man i dai long en. Planti samting we pe bilong ol inap long tausen kina i bagarap long dispela reid.

Plis i painim tu ol samting bilong pait long dispela reid. Em long ol gan, katres, ol hap long masin gan na ol arapela moa samting olsem.

PRAIS bilong Kopi long hailens i go antap, tasol sisen bilong kopi i pinis olsem tasol i wankain long buai. Sisen bilong buai i no pinis tasol prais bilong em i go antap tru.

Long ol planti hap long Papua Niugini olsem Lae, Popondeta, Sepik, Madang na ol ailans rijon, prais bilong buai i go daun tru. Ol manmeri long dispela provins i save baim 10 toea long tipela o 4-pela na 8-pela o 10-pela long K1.

Tasol nau long olgeta hailens provins stat long Yonki i go inap long Mendi na Tari long Sauten Hailens, prais bilong buai i go antap tru. Nau long dispela taim long hailens, i nogat wanpela buai bai ol i salim long 10 toea. Prais bilong buai nau i

stat long 20 toea na i go antap inap long K1.

Long planti kona long Goroka taun long Isten Hailens, planti manmeri i wok long salim buai long 20 toea, 30 toea, 50 toea na tripela ol i bungim wantaim em K1.

Planti mama long hailens na tu ol sampela long Lae, Madang na Wewak i save lap long wanem ol i save pulim planti mani long taim ol i salim buai. Dispela em sans bilong ol long wanem planti manmeri i no save wari long hamas mani ol i save givim long baim buai.

Planti manmeri tu i stat long kaikai kafifi (wel buai) long wanem ol iken baim long 10 toea long tripela o 4-pela. Pais bilong kafifi tu i go antap. Long wanpela rop, ol i save salim long K1. long yia i go pinis. Tasol long dispela yia prais i go antap long K5. na K6. long wanwan rop na tu ol i save salim 10 toea

long tupela tasol. Las yia ol i save salim 10 toea long 10-pela.

Wantok Niuspepa i bungim wanpela liklik mangi nem bilong em Tom Gana husat i gat 14 krismas i salim buai long wanpela liklik 10 kilogram bek. Em i tokim Wantok olsem dispela liklik bek i ken pulim K250 o K300 long wanpela dei tasol.

Gana i tok olsem em bin stat salim buai long mun Epril yet taim prais bilong buai i surik i go antap. Papa bilong em husat i stap long Mosbi i save salim i kam na em i ken salim tripela bek long wanpela wik tasol. Nau yet em i tok olsem em i gat inap mani long lukautim em yet inap long 5-pela krismas olgeta.

Em i tok olsem em bin kisim wanpela spes long hauskul tasol skul fi i antap tumas na em i lusim skul. Taim em i stat salim buai, em i painim inap mani long go bek long

skul tasol ol i no nap kisim em gen. Nau yet em ino skul tasol buai bilong em i wok long pulim planti mani moa.

Em i tok olsem i hat tru long em long painim wok-tasol bisnis bilong buai i naispela wok tru na em i wok long mekim.

Tupela marit Joe na Wendy bilong Sine Sine long Simbu i tokim Wantok olsem bisnis bilong buai i kamap bikipela olsem na prais i go antap tu. Tupela i tok olsem long ol yia i go pinis, tupela i no save lukim ol mani olsem. Tupela i save salim buai tasol na i save pulim moa mani.

Tupela i save raun long ol planti narapela provins olsem Lae, Madang, Wewak, Popondeta, Siassi, Kimbe na Rabaul long baim buai na kisim i go bek long Goroka long salim.

Tupela i tok olsem bisnis bilong salim buai bai ino nap pinis. Tupela i tok buai i stap na tupela i stap.

Klostu Redio Morobe bai pasim opis

YAKAM KELO I raitim

REDIO Morobe; NBC redio stesin long Lae i kamap klostu long pasim wok. Bikos i nogat moni bilong lukautim ol wok bilong em.

Long dispela taim nau, i no gat moni bilong baim bensin bilong ronim ol ka bilong karim ol wokman i go long woknait na bringim ol i go bek long haus taim wok i pinis.

Redio Morobe i no gat moni tu long baim ol samting bilong mekim ol wok insait long opis long olgeta de.

Stesin menesa bilong Redio Morobe, Peter Manao i tokim Wantok Niuspepa olsem em i tingting long pasim redio stesin long dispela mun bikos moni i sot long ol wokman i mekim wok.

Mista Manao i tok hevi bilong moni insait long Papua Niugini i mekim na baset bilong lukautim Redio Morobe stesin tu i sot olgeta long mekim wok inap long nupela baset bilong 1995 i kamap.

Long dispela taim, ol wokman yet i wok long yusim poket moni bilong ol long baim wel na bensin long ronim ka bilong wok i go i kam.

Mista Manao i tok kilowat masin bilong salim walis long redio i sanap longwe long 9 Mail long Bubia Plentesen. Na taim pawa i save stop, kilowat masin ya i save stop tu. Tasol dispela hap em longwe na sapos masin ya i stop, bai i no gat redio teknisen i go long stretim bikos ples i longwe na i no gat bensin bilong ronim ka i go.

Mista Manau i tok tu olsem bikos long dispela hevi, Redio Morobe i wok long katim daun ol aua bilong redio program. Bipo Redio Morobe i save toktok long 5 klok moning i go inap long 11 kilok nait. Nau dispela hevi i kamap, na ol i katim taim i go daun long wanpela aua. Em long 5 kilok moning na pinis long 10 kilok nait.

Long Tride moning, (aste) Primia bilong Morobe provins, Titi Christian i go sindaun wantaim stesin menesa, Peter Manao na tupela i toktok long dispela hevi.

Olsem na primia i tokaut olsem Morobe provinsel gavman bai traim helpim wantaim K5,000 o K6,000 samting long larim Redio Morobe i wok inap Krismas krismas.

Mista Christian i tok em i no laik bai Redio Morobe i stop wok bikos redio em wanpela bikipela samting bilong skulim ol manmeri bilong ples long wanem samting i wok long kamap insait long provins na tu long kantri.

Mista Christian i tok gavman bilong em i no gat moni tasol wanem liklik moni i stap, em bai traim long helpim Redio Morobe long dispela hevi.

Toktok i kamap tu olsem Redio Wewak na Vanimo tu i bungim wankain hevi na i redi long pasim wok.

Rijenel menesa bilong NBC, Anton Kaut i no stap long ripot long arapela redio stesin long Momase rijen.



PTC givim krismas presen long ol disebel pikinini

Alexis Ilaida, Siman bilong PTC Saplai Sosel Klap givim K1,000 sek i go long Brata John Morgan bilog Chesire Homs long Tunde dispela wik. Dispela mani i olsem krismas presen bilong ol disebel pikinini. Chesire Homs long Hohola, Mosbi i save mekim gutpela wok long lukautim ol disebel pikinini. Foto: Daniel Mona.

Ol DWI studen kisim luksave nau

DANIEL MONA I raitim

DIVINE Word Institut long Madang i kisim luksave nau long kantri long ol Digri pepa ol studen i save kisim long pinisim stadi bilong ol long las wik.

Nesenel memba bilong Rai Kos, Samuel Pariwa i pusim dispela bil bilong Divine Word Institut na tokaut long palamen olsem ol studen husat i pinis long dispela skul i mas gat luksave wantaim Digri pepa bilong ol wankain olsem ol Yunivesiti studen husat tu i save kisim dispela digri pepa.

Helt Minista na memba bilong Madang Rijenel, Peter Barter i tok dispela bil i kamap long mekim ol manmeri i luksave olsem dispela digri pepa em wankain tasol long digri pepa bilong tupela Yunivesiti long Papua Niugini.

Mista Barter i tok dispela bil i bikipela samting tru bikos planti stu-

den husat i pinis wantaim digri pepa long dispela skul i no save kisim gutpela luksave long pepa bilong ol insait long Papua Niugini.

Nau dispela lo i pas pinis we ol studen long bipo na nau husat i pinisim skul bilong ol wantaim digri pepa bai i gat luksave nau long kantri long gavman na kampani na tu long ol wok ol i laik mekim.

Mista Barter i tok gavman i mas luksave na sapatim ol skul bilong misin bikos ol misin skul i save kamapim planti gutpela wokman tru insait long kantri.

Edukesen minista, Joseph Onguglo i tok tu olsem olsem minista i go pas long Edukesen, em bai wok klostu na traim helpim ol misin skul olsem DWI na Pasifik Edventis Koles long Mosbi na traim mekim ol i kisim olsem 5,000 o moa studen long gret 11 na 12.

Ol Siassi lainim pasin bilong lukautim graun

OL pipel bilong Siassi distrik long Morobe provins i bin sindaun long wanpela bikipela konfrens bilong lainim ol wok bilong lukautim gut ol samting i stap long graun, bus na sawara.

Evenjelikel Luteran Sios bilong Siassi (ELC Siassi) i go pas long dispela kos we Pastor Joseph Benson i mekim wok olsem kodineta bilong kos ya.

Insait long dispela envaromen konfrens, ol i toktok long arapela samting tu bilong strongim kristen laip bilong Siassi manmeri, Ol i toktok tu long wok

bilong Edukesen, Helt na developmen bilong wok sios na ples.

Insait long dispela konfrens miting, ol mameri bilong Siassi i tokaut tu long ol hevi bilong ol na wanem samting ol i laikim i mas kamap.

Insait long miting ol i strongim tok olsem; husat man i gat laisens bilong salim bia i mas bihainim lo bilong laisens gut. Ol i mas go tasol long Lika Laisens long kisim laisens na salim bia inap laisens i pinis. Ol wokman bilong ELC Siassi na ol pasto i no ken sainim ol aplikesen pepa.

All departments
Phone: 25-2500
Fax: 25-2579

WANTOK
Published Weekly, Thursdays, for
Word Publishing Co Pty Ltd

Printed and published by Anne Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co Pty Ltd

General Manager: Ian Fry
Company Secretary: Victor Ohingor SVD
Group Editor in Chief: Anna Solomon
Editor of Wantok: Leo Waitwa
Advertising Manager: Anthony Likou
Advertising deadlines
Display bookings: Monday, midday
Camera ready copy: Tuesday, midday
Classified advertising: Wednesday 2 pm

Regional office:
Suite 7, Haus Tisa, Second Street, Lae PO Box 1726 Lae, Morobe Province
Phone/fax: 42-0610
District Manager: Zeph Angai
Papers distributed by air throughout PNG Available by airmail subscription within Papua New Guinea and overseas
Australia & New Zealand Representatives: Tonkin Media Pty Ltd
PO Box 101 Avoca Beach NSW 2251 Aust Sydney, James Tonkin, (043) 85 1746 Melbourne, Glen Smith, (03) 807 2311

Word Publishing Co Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at the office of The Times and are set out in full on the reverse side of its official Display Advertising Booking Form.

500 studen greduet long UPNG Pesenel menesmen stretim rot bilong makim ol sinia wokman

VERONICA HATUTASI i raitim

OL nupela graduet bilong yunivesiti i gat bikpela wok long helpim ol brata susa bilong ol long andas-tendim ol nupela teknoloji we i kamap long hap bilong ol.

Minista bilong nupela ministri long Haia Edukesen, Rises, Saiens na Teknoloji na Memba bilong Kairuku-Hiri, Moi Avei i mekim dispela toktok taim em i edresim moa long 500 sumatin husat i kisim ol digri na diploma bilong ol long dispela wik Tunde, Novemba 22. Dispela em i namba 40 greduesen bilong UPNG kemas long Waigani. Na ol sumatin i kisim ol digri, diploma, mastas na honas pepa long pinisim skul long Marasin, Arts we i karamapim Edukesen, Krietiv Arts, Jonalism, Lo na ol arapela moa.

Mista Avei i tokim strong ol sumatin olsem trupela mak bilong yunivesiti bai soaut long ol autrius progrem ol i mekim. Na wanpela long ol em long helpim ol grasut na ol liklik pipel long komyuniti long skruim save long ol nupela teknoloji we i stap long envoironmen klostu long ol. "Yupela em ol lain husat i laki long kisim gutpela skul. Na yupela i gat bikpela wok long givim bek samting long kantri. Dispela bai i kamap taim yupela i yusim save na risosis bilong yupela long helpim kantri na pipel i go fowod," Mista Avei i tok. "Pablik na komyuniti i ekspektim yupela long kontribuit i go long wokfos."

Long hevi bilong haus we yunivesiti i bungim bikos long hevi wantaim mani we nesene gavman i gat long dispela taim, Mista Avei i apil i go long ol sios na pravit sekta long wok bung wantaim yunivesiti administresen na kamap wantaim sam-



Susan Mimiko bilong Isten Hallans i go antap long kisim digri bilong em long Labri Sains.

pela gutpela samting we i ken helpim long daunim hevi.

"O sios long narapela kantri i mekim dispela samting. Na wankain samting i ken kamap long hia. Bikos long sampela kantri, ol sios i provaidim haus long ol yunivesiti sumatin na wokman long slip long en," Mista Avei i tok.

Long wankain taim tu, Vais Sansela bilong Yunivesiti, Joseph Sukwianomb i singautim gavman long givim inap mani long yunivesiti long go hetim ol wok bilong em. Dispela em bihain long hevi we gavman i bungim i kamap gutpela gen. Long dispela hevi tasol, yunivesiti i kisim liklik mani long mekim wok bilong em neks yia. na dispela tasol i fosim yunivesiti long apim mak long pe we ol sumatin i peim long slip long kemas, kaikai na pe bilong wan wan sabsek. Em i tok sapos ol fasiliti bilong yunivesiti ino gutpela na inogat inap gutpela saveman long mekim wok, yunivesiti bai ino inap kamapim ol gupela sumatin we gavman, ol pipel na pravit sekta i laikim.

Tu, Mista Sukwianomb i tok olsem ol arapela yunivesiti long wol, yunivesiti bilong yumi long PNG i senisim pasin ol i bihainim long ol taim bipo. Dispela em long yunivesiti i ples bilong

lainim ol nupela samting. Long nau, ol yunivesiti i kamap olsem ples bilong lainim na skruim rises na trening institusen. Na ples we

ol yangpela manmeri i kamap olsem ol speselais risos plena na saveman. Bikos dispela em ol kain pipel we gavman, pipel na pravit sekta i laikim long developim kantri long dispela taim.

Long dispela, Mista Sukwianomb i tok yunivesiti i stat pinis long bihainim rot olsem ples bilong rises na trening.

GODFRIED YASSAFAR i raitim

OL opisal bilong Dipatmen Bilong Pesenel Menesmen na Haia Edukesen i wok long stretim ol samting nau long putim kamap sampela polisi na lo we gavman i ken yusim, na bihainim long selektim ol sinia pablik sevan long holim wok olsem hetman bilong ol gavman dipatmen.

Taim dispela wok i pinis, ol opisal bilong dispela tupela dipatmen bai givim ol dispela polisi na lo i go long kabinet long paitim toktok na skelim.

Pablik Sevis minista, Bart Philemon i tokaut long dispela samting long Trinde, Novemba 23, long namba tri miting bilong ol hetman bilong gavman dipatmen na stuturi bodi.

Minista Philemon i tokaut tu olsem dipatmen bilong em bai stretim ol samting na putim kamap ol pablik sevis trening progrem bilong ol sinia eksekutiv na tu ol arapela opisa aninit long pablik sevis mesineri.

Em i tok gavman i wok long lukluk nau long stretim pablik sevis long kamapim gutpela developmen, glasim na daunim ol wok bilong gavman long daunim wok bilong spenim bikpela mani, plenim na karim aut gutpela

sinia eksekutiv progrem, statim pablik sevis kedet trening skim na glasim gen pablik sevis menesmen polisi.

Wanpela bikpela samting gavman i no mekim o bihainim long ol yia i go pinis, Mista Philemon i tok, em long glasim gut ol manmeri. Orait bihain makim ol olsem hetman na meri long lukautim ol gavman dipatmen. Na putim kamap sampela gutpela samting long kirapim laik na tingting bilong ol long ol i ken karim aut wok bilong ol gut. Na bikpela samting ol i mas mekim wok bilong ol long gutpela na stretpela pasin long kamapim gutpela developmen. Developmen we i mas kamapim gutpela laip na sindaun long ol pipel.

"Dispela asua i wok long stopim na daunim gutpela wok developmen long kamap insait long kantri. Mipela i ken i gat ol gutpela plen bilong developmen wok, gutpela plen long wanwan gavman dipatmen na stuturi bodi na tu gutpela sistem bilong karim aut wok. Tasol ol dispela samting bai no inap karim kaikai sapos i nogat ol gutpela manmeri long karim aut wok. Mipela i mas i gat ol gutpela save manmeri husat i ken putim wok bilong ol long paslain na ol arapela samting bihain," Minista

Philemon i tokim ol hetman na meri bilong ol gavman dipatmen na stuturi bodi.

Mista Philemon i tok gavman i mas skelim pasin bilong wanwan man na meri. Bihain orait em i ken makim wanpela man o meri long lukautim wanpela gavman dipatmen. Gavman i mas glasim na luksave long pasin bilong wokhat, tingim laip na sindaun bilong ol pipel, developmen i mas kamap long helpim ol pipel na pasin bilong mekim wok long stretpela rot.

"Dipatman bilong mi mas putim kamap ol spesel polisi na lo bilong rikrutim na selektim ol sinia pablik sevan. Long dispela rot tasol gavman i ken makim ol gutpela man husat i gat gutpela save long holim wok olsem ol hetmanmeri bilong ol gavman dipatmen. Dipatmen bilong mi bai givim bikpela luksava i go long sinia eksekutiv developmen progrem," Mista Philemon i tok.

Mista Philemon i tokaut long miting olsem taim ol politisen i kisim sans long selektim ol manmeri long holim ol sinia pablik sevis posisen, ol i save selektim ol wantok na poroman bilong ol. Planti taim ol dispela lain i nogat gutpela save na tu ol i no bin kisim trening long holim dispela wok.

Wanwan skul bai painim mani bilong ol yet long 1995

RODNEY KAMUS i raitim

LONG neks yia 1995 na ol yia i kam antap, edukesen dipatmen long ol wanwan provins insait long Papua Niugini bai tanim bek long ol provins bilong ol yet na lokel komyuniti long painim rot bilong kisim mani, we bai helpim ol long putim moa pikinini i go insait long ol komyuniti skul.

Na ol namba wan samting ol bai mekim long kisim moa mani long mekim dispela wok em long sasim ol skul fi, prosek fi, gavman subsidi, na tu ol fi olsem bilong was long skul.

Dispela ol toktok i bin kam aut taim ol asisten seketeri bilong edukesen long wanwan provins i bin sindaun long wanpela woksop long Mosbi long las wik.

Insait long dispela kibung, olgeta asisten seketeri na ol

bigman bilong edukesen long wanwan provins insait long kantri i bin kamap na pasim toktok long ol edukesen plen bilong ol long neks yia na ol yia i kam.

Bung ya em ol lain bilong Yunaited Nesen Sevim ol Pikinini Fan (UNICEF) i bin mekim kamap long wanem ol i painim aut olsem planti ol pikinini husat i gat rait long go skul i no save go. Long wanem i nogat spes long ol long go skul o nogat inap skul bilong ol long go.

Long dispela as tasol na ol edukesen asisten seketeri bilong wanwan provins i pasim toktok long lukluk igo bek long ol provins na komyuniti bilong ol yet long kamapim inap mani long kirapim ol nupela skul na tu long mekim ol skul nau i stap i go bikpela bai i ken kisim planti moa pikinini.

Toktok long taim woksop ya

i laik pas, ekting nesene edukesen asisten seketeri Peter Baki i bin tokaut tu long dispela hevi.

"Yumi no nap sindaun tasol na wetim gavman long givim yumi mani long mekim dispela wok. Na tu wetim yet ol helpim i kam long ovasis. Mani i stap insait long komyuniti na yumi mas tanim bek long ol pipel bilong yumi long kisim inap mani long mekim ol skul i go bikpela na tu kirapim planti moa skul. Dispela bai i ken helpim long putim planti pikinini insait long kantri i go insait long skul na tu pinisim praimer skul bilong ol," Baki i tok.

Ol rot em ol edukesen seketeri i bin kamap wantaim long kisim mani long komyuniti em:

- kisim skul fi
- gavman subsidi
- projek fi
- ovasis helpim bilong ol

vokesinel na haiskul.

Dispela em ol rot we ol bai kisim mani long ol fi na tu long ol helpim bilong gavman na ovasis. Ol narapela liklik rot bilong kisim mani em:

- skul kentin
- komyuniti sevis
- dinau takis skim
- skul so
- walkaton na ol narapela kain samting
- mani i kam long sios
- na ol narapela donation i kam long ol bisnis man.

Wanpela bikpela hevi ol seketeri i painimaut em hevi bilong ol papa graun. Ol seketeri i pasim toktok olsem sapos wanpela nupela skul i laik kamap, ol papa graun bilong dispela hap yet bai mekim ol haus tisa. Na ol bai sasim ol tisa long baim rent bilong haus we bai helpim ol papa graun na mani i stap tasol long komyuniti.



WANTOK

NIUSPEPA BILONG OL PAPUA NIUGINI STRET

Laik bilong ol risos ona mas stap paslain

Fores ministra Andrew Posai tokaut pinis olsem gavman bai rausim Timba Rait Peses (TRP) sistem insait long kantri.

Dispela toksave i gutpela long sampela papagraun na i no gutpela long ol arapela. Bikos wanwan grup papagraun i gat tingting na laik bilong ol yet long divelopim fores risos bilong ol.

Tasol bikpela samting mipela olgeta manmeri mas luksave i olsem gavman i wok long kamapim wanpela sistem o polisi na bihain sensim o rausim. Dispela i kos mani. Na tu long sampela taim i stopim divelopmen long kamap.

I tru olsem Forestri sekta insait long kantri kamapim pinis bikpela hevi na belkros. Na gavman i no ken mekim samting long tingting na laik bilong em. I moa gutpela long em i mas paitim toktok na warkurai wantaim ol papagraun o risos ona pastaim. Na putim kamap nupela lo na polisi o senisim ol olupela lo na polisi.

Planti risos ona i no klia long watpo na Minista Posai tokaut long rausim TRP sistem insait long kantri. Em i no tokaut long wanem nupela sistem bai kisim ples bilong TRP sistem.

Sapos gavman i wokim disisen long helpim ol risos ona, orait disisen i mas karim kaikai. Karim kaikai min olsem ol risos ona na pipel i mas tokaut olsem disisen i givim ol gutpela samting o putim moa mani go insait long poket bilong ol.

Grup laik kirapim bek NSP gavman

PETER KASIA i raitim

WANPELA hai pawa grup bilong Bogenvil i stap nau long Mosbi long toktok wantaim ol lain bilong nesenel gavman long kirapim bek sapendet Not Solomons provinsal gavman.

Grup ya i gat long em ol siaman bilong sevenpela interim atoriti, siefs na sampela Bogenvil Revoluseneri Ami lida.

Lida bilong delegesen na siaman bilong Saut Wes Interim Atoriti,

Nick Peniai i tok grup bai i bungim ol lain bilong gavman tude.

Bikpela samting ol laikim long gavman em long lusim saspensen bilong provinsal gavman na putim wanpela gavman ol i kolim long "trensisenel gavman." Dispela gavman bai i stap long sotpela taim tasol, wetim gavman i putim bek gen Not Solomons provinsal gavman.

Em i bikpela laik long ol pipel bilong Bogenvil long gat sampela kain gavman we ol i ken makim ol lida bilong provins yet long karim

maus bilong ol long mekim ol bikpela disisen i karamapim provins na pipel.

Long bung tude, foapela nesenel palamen lida bilong Bogenvil i stap tu wantaim delegesen long putim presa long gavman i givim bek gavman bilong ol i go long ol.

"Nesenel gavman i mas givim mipela bek provinsal gavman nau," Mista Peniai i tok. Em i tok tu olsem nupela trensisenel gavman bai i wokim wankain wok bilong provinsal gavman.

Em i tok delegesen i holim pinis wanpela

bung long Buka long Novemba 9, we ol i stretim olgeta toktok long dispela samting. Na ol i wanbel long dispela nupela gavman long kirapim wok long Janueri 1 neks yia. Long nau, ol i wetim tasol nesenel gavman long givim kliapela ansa long dispela samting.

Long ansarim kwesten long wanem samting delegesen bai mekim sapos gavman ino harim singaut bilong ol, Misa Peniai i tok praim ministra i tokaut pinis olsem em gat "nupela dil bilong Bogenvil" i redi i stap. "Papua Niugini i gat

samting long givim long yumi olgeta. Na mipela long Bogenvil i laikim trensisenel gavman," Mista Peniai i tok.

Em i tok tu olsem nupela kain gavman bai i stap long wanpela yia tasol. Bihain bai ol i riviuwim na lukim sapos nesenel gavman i kisim bek sampela pawa o nogat.

Long Bogenvil i bruk lusim PNG, Mista Peniai i tok delegesen i nogat rait long toktok long dispela samting nau. Ol pipel yet long ailan bai i mekim disisen long dispela samting long taim yet we ol i ting i rait.

Tingting kamap long pasim Raihu haus sik

FELIX RAMRAM i raitim

OL pipel bilong Aitape na Vanimo insait long Sandaun provins i gat bikpela wari nau long tingting bilong ol bosman bilong Raihu haus sik long Aitape long pasin dispela haus sik.

Seketeri bilong Sios Medikel Kaunsil, Bawa Warena i tokaut long dispela tingting bilong pasin Raihu haus sik.

Mista Warena i tokaut long tingting bilong pasim Raihu haus sik. Bikos planti haus sik insait long kantri wok long bungim hevi bihainim bikpela hevi bilong nogat mani kantri gat long nau yet.


Mista Warena i tok tu olsem planti haus sik we ol sios i ranim i wok long katim daun sevis we ol i save givim i go long ol pipel.

Warena i tokaut olsem em i salim toksave i go pinis long nesenel Minista Bilong Helt Peter Barter olsem Raihu haus sik bai pasim sevis bilong em long sotpela taim.

Em i tok Raihu haus sik i pasim pinis sampela sevis bilong em. Tasol long nau yet, i wok long givim yet sampela bikpela sevis i go long ol pipel.

Em i tok moa olsem ol bikpela sevis erai we Raihu haus sik i wok long givim i go long ol pipel bai no stap longpela taim tumas. Bikos mak bilong mani we menesmen bilong Raihu haus sik i gat long karim aut wok i wok long pinis isi isi. Na haus sik bai pas taim mani menesmen i gat i pinis olgeta.

Kos long dispela hevi, Wantok Niuspepa i kisim wanpela ripot olsem ol pipel bilong Aitape i kisim tingting kaikai i go long haus sik.



• Ol dispela bot em ol i bin yusim long helpim ol pipel taim hai wara i kamap long Sepik Riva long 1992. Nau yet ol bot ya i sindaun nating ausait long olupela gavman stua long Wewak.

Poto: Fuza Paul.

Moa senis long Morobe gavman

YAKAM KELO na ZEPH AIGAL i raitim

BIHAIN long Morobe provinsel gavman i win long kot na kam bek long opis long dispela yia, Primia Titi Christian i wok long kamapim planti senis tru long ol ministri. Na tu em i rausim ol memba long posisen bilong ol.

Ripot i kam insait long Morobe Provinsel Gavman opis i tok taim Titi Christian wantaim gavman bilong em i win long nesenel kot, primia i save oltaim was gut tru long ol memba bilong em.

Em i was gut long lukim olsem wanpela memba i no ken abrus liklik long wok bilong em o traim long bagarapim sindaun bilong gavman. Bikos taim nesenel gavman i bin rausim Morobe provinsel gavman (saspensen), dispela i givim bikpela skul tru long primia long i mas sanap strong. Na i noken larim wankain hevi i kamap gen.

Titi Christian i bin

kamapim ripot bilong rausim olupela Deputi Primia, Mang Kambu na Tutumang i holim vot na rausim em. Long dispela taim tu, primia i makim ol nupela minista olsem Yapleh Gilimbing, memba bilong Mumeng long kisim Provinsel Afeas ministri, Isaac Narel olsem spika na Mista Geibob Baiyu, memba bilong Bukawa olsem minista bilong Komes.

Insait long dispela senis, primia i rausim Peter Nisan long spika na tu tupela arapela memba wantaim. Long dispela wik, nupela senis gen i kamap long ol memba bilong Morobe provinsel gavman we nupela memba i kisim ministri. Ol olupela minista i raus long opis bilong ol.

Em i rausim memba bilong Garaina na minista bilong Edministrativ Sevis, Morokoi Gaiwata bikos em i no mekim gut wok bilong em.

Insait long dispela senis, primia i kirap makim Peter Isan

olsem Komes minista na memba bilong Bukawa, Geibob Baiyu kisim opis bilong Polisi Plening na Rises. Memba bilong Menya, Job Talau em nau minista bilong Edministrativ Sevis.

Tasol Morokoi Gaiwata i tok primia i rausim em bikos long wok bung wantaim bilong em long arapela memba long vot egen-sim Bil bilong em long larim ol pipel i votim primia long provinsel ileksen.

Mista Gaiwata i tok em i wari bikos dispela Bil bai salim Morobe provins i go long han bilong ol ausait lain. Dispela Bil bilong primia bai kamap gen long Tutumang wantaim baset Saplai Bil long neks mun.

Ripot i tok primia i mekim ol dispela pasin bilong senisim ol memba klostu klostu long larim gavman i ron yet na sanap inap taim bilong provinsel ileksen i kamap.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
telepon Namba: 25 2500
Feks Namba: 25 2579


PE BILONG
WANPELA YIA
52 NIUSPEPA

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00

BIABIA I MISUSIM KAR BILONG GAVMAN NA GO PILAI HOS-RES LONG 4-MAIL...
4-MAIL HOS-RES



WANTU OL I REDIO LONG TOU-TRAK I KAM NA KARIM KAR I GO LONG PUL...



OL BLU-BOIS I RAUN LONG HAP NA SPOTIM KAR I SINDAUN LONG KAR-PAK...



BIABIA PINIS PILAI HOS NA LAIK GO LONG HAUS NA KIRAP NOGUT OLSEM KAR INO I STAP...



Nupela PAC sekim CHE

GODFRIED YASSAFAR i raitim

NUPELA Palamentari Pablik Akauns Komiti (PAC) aninit long Chan/Haiveta gavman i holim namba wan wok sekap bilong em long Tunde, Novemba 22.

Long dispela wok sekap, PAC aninit long lukaut bilong memba bilong Bulolo, Samson Napo olsem siaman, i sekim Komisn Bilong Haia Edukesen (CHE).

PAC i sekim CHE bihainim ripot bilong wanpela wok sekap opis bilong Odita Jenerel i karim aut-long las yia (1993).

Dispela ripot bilong Odita Jenerel i tok long las yia, CHE i bin yusim mani moa o antap long mani em i sapos long yusim bihainim baset bilong em.

Ripot ya i tok long 1993, Komisn Bilong Haia Edukesen i yusim moa long K291, 201.38. Na tu i abrusim Waren Atoriti na spenim K114, 758.16.

Tasol Siameri bilong CHE, Dokta Naomi Tulaha i tokim PAC olsem dispela ripot i stap long wok sekap bilong Odita Jenerel i no tru.

Dokta Tulaha i tok CHE i save tasol long tupela mak bilong mani we Komisn i spenim we i abrusim mak.

Namba wan, Dokta Tulaha i tok, em mak bilong mani inap long K32 we Komisn i spenim moa antap long pe bilong ol wokmanmeri. Na namba tu em mak bilong mani inap long K2,584. Em i tok Komisn i spenim dispela mani long baim ol saplai na arapela samting bilong opis long yusim long wok.

Arapela kos i kam aninit long dispela mak bilong mani olsem sampela opisa bilong Komisn i bin kisim tupela opisal wokabaut i go long ovasis.

Tasol dispela tupela opisal ovasis wokabaut i no kisim tokorait i kam long ol atoriti. Bikos Dipatmen Bilong

Pesenel Menesmen long Disemba 11, 1992, i putim aut wanpela tok-save i go long olgeta dipatmen olsem: Olgeta dipatmen het i mas givim 1993 "Ovasis Wokabaut Program" bilong ol i go long wanwan minista bilong ol. Na Minista Bilong Pablik Sevis i ken paitim toktok wantaim wanwan minista na skelim ol program.

Dokta Pulaha i tokau long PAC olsem mani rekot bilong Komisn i soim olsem Komisn i no spenim mani moa long K291,201.38 na tu i no spenim K144, 758 we i abrusim Waren Atoriti.

Bihainim dispela toktok bilong em, Siaman bilong PAC, Mista Napo i askim opis bilong Odita Jenerel long sekim ol pepa na mani rekot wantaim CHE na tu wantaim Dipatmen Bilong Fainens. Na stretim ol rekot na tok klia i go long PAC husat i tok tru na husat i no tok tru-Odita Jenerel o CHE.

PAC i painim aut tu olsem long mun Februari long dispela yia (1994), CHE i baim K260,000 i go long Woks dipatmen long stretim opis bilong Komisn. Tasol i kam inap nau, Woks dipatmen i no karim aut dispela wok.

Pulaha i tokim PAC olsem ol opisa bilong Woks dipatmen i bin go na sekim opis bilong Komisn long kamapim plen bilong stretim opis. Tasol ol opisa i no stretim yet plen bilong karim aut wok.

Seketeri bilong PAC, Repe Rambe i tokaut bihain long ol opisa i stretim plen bilong stretim opis bilong Komisn, Woks dipatmen i mas putim aut dispela wok long tenda. Na ol kampani ken aplai long winim dispela.

Mista Rambe i tok sapos Woks dipatmen i no putim dispela wok long tenda, Woks dipatmen bai brukim lo long i no putim dispela wok long tenda.

Ol PMV bas long Wewak bikhet

ADDY LAVAKS i raitim

OL manmeri insait long Wewak taun husat i save yusim PMV bas sevis i askim nau provinsal Len Transpot Bod (LTB) long holim wanpela miting wantaim olgeta papa bilong ol PMV bas insait long Wewak taun.

Taim LTB i holim dispela miting wantaim ol papa bilong PMV bas, LTB i mas paitim toktok wantaim ol. Na tok klia long ol long wanwan rut o eria wanwan bas i mas mekim wok long kisim pasindia.

Ol pipel i putim kamap dispela askim bikos long nau yet, ol PMV bas insait long taun i no save bihainim ron bilong ol we ol i sapos long ron o bihainim long kisim pasindia.

Bikos long dispela pasin bilong ol PMV bas draiva, planti manmeri paul long wanem bas ol i ken kalap long i go i kam long wanem hap ol i gat laik long go. Arapela samting i olsem bikos long dispela pasin bilong ol bas draiva, planti manmeri toktok kros pinis wantaim ol.

Ol manmeri tok Siman bilong LTB i mas oganaisim na holim wanpela miting wantaim olgeta papa bilong ol PMV bas. Na stretim dispela hevi long mekim isi long ol manmeri long yusim sevis bilong ol PMV bas insait long taun.

"Bikos long dispela pasin, taim mipela ol pasindia i laik go long wanem hap, mipela i

save go na askim draiva na boskru. Astingting em long sekim sapos bas bai go long wanem hap mipela i gat laik long go," wanpela pasindia i tokim Wantok Niuspepa.

Dispela pasindia i tokaut olsem long nau yet, planti PMV bas i no save go long hap we ol i sapos long go. Ol i save go na tanim long hap rot na go bek long taun.

Em i tok bas sevis i stap long mipela ol manmeri long yusim. Na ol i lusim mani long yusim dispela sevis. Bikos long dispela as, LTB i mas stretim hevi we ol i bungim na ol i ken yusim dispela sevis. Orait long wankain taim, ol bai givim mani go long ol bas.

Misis Abaijah singautim ol yut long kirapim bek Rabaul



• Dame Josephine Abaijah wantaim Misis Au Aruai i lukluk raun long Rabaul kea senta.

FAY DUEGA i raitim

PRESIDEN bilong Nesenel Kaunsol ov Wimens (NCW), Dame Josephine Abaijah i mekim bikpela singautim i go long ol yut long Is Niu Briten long mekim olgeta samting long kirapim bek Rabaul taun.

"Noken lus tingting olgeta long Rabaul. Wantaim nupela graun bilong volkeno kamapim wanpela nupela na bikpela Rabaul taun," em i tok.

Em i salensim ol yut na tok olsem long 1937 mauntain i paia, ol papa bilong ol na tumbuna bilong ol i bin kamapim gen Rabaul taun. Na nau em laik bilong ol long mekim nupela na bikpela Rabaul taun.

"Mi save olsem dispela bai wanpela bikpela wok tru long wanem Rabaul i bagarap olgeta," Dame Josephine i tok.

Dame Josephine i bin go raun long Rabaul wantaim wanpela grup bilong ol meri long

lukim taun i stap olsem wanem bihain long maunten i pairap long Septemba 19. Na dispela bai helpim ol long lukim wanem eria i gat hevi we ol i ken givim helpim.

Ol narapela memba husat i bin stap long dispela grup Dorothy Ainui mausmeri bilong Kabiu komyuniti gavman long Mosbi, Au Aruai presiden bilong ol meri long politik, Ninie Norlis presiden bilong Niu Ireland Kaunsil ov Wimens, Theresia Siaguru

bilong dipatmen bilong Praim Minista na mi yet.

Wanpela bikpela hevi ol meri i painimaut em ol meri long Is Niu Briten nau yet ol i no ogenais gut long karim aut ol wok bilong ol. Dispela i mekim na nogat wanpela meri i stap long helpim ol disasta riliv komiti bilong Rabaul

Kodineta bilong disasta operesen long Rabaul Kenel Lima Dataona husat i tokaut long dispela hevi i askim ol meri long makim ol mausmeri bilong ol hariap.

Em i tok olsem em bin kirap nogut long lukim olsem nogat meri i wok wantaim ol long riliv komiti.

Dame Josephine i askim ol meri long Rabaul long makim tupela lida meri bilong ol hariap husat i ken wok wantaim riliv komiti. Dipatmen bilong Hom Afeas na Yut i makim wanpela pinis na Dame Josephine i tok olsem narapela meri mas bilong NCW long wanem ol meri long dispela kain komiti mas go tru long NCW husat bai helpim ol bihain.

Long lukluk bilong em yet long Rabaul, em i tok olsem Rabaul i bagarap olgeta na wei ol pipel i stap em i sori tru long ol.

Em i tok tu olsem NCW bai wok klostu wantaim ol meri long Kabiu komyuniti.

Bikpela trabel kamap long setelmen long Wewak

LONG pinis bilong mun Oktoba, wanpela bikpela trabel o hevi bin kamap long wanpela setelmen insait long Wewak taun long Is Sepik provins. Trabel ya i bin kamap taim wanpela bikpela man i holimpasim wanpela liklik meri, husat i gat 9-pela krismas, na mekim pasin nogut long em.

Bihainim dispela hevi, ol lain bilong dispela meri i go long haus dispela man na paitim em. Ol i paitim em i go na klostu man ya i dai.

Bihain long dispela, ol plisman i kisim ripot na ol i go sekim. Taim ol i go kamap long haus bilong dispela man, ol i painimaut olsem man ya i stap long mak bilong indai. Em nau kwiktai tru ol plisman i kisim na bringim em i go long haus sik.

Man ya i kisim bikpela bagarap tru long bodi bilong em. Na tu i stap long mak we em i ken lusim laip bilong em. Long nau yet, man ya i stap long Intensiv Kea Yunit (ICU) wod long Boram haus sik.

Man ya i bin wokim pasin nogut long dispela liklik meri bihain tasol long em i kisim (parol) fri taim bilong em kot i makim long em i ken stap ausait long haus kalabus inap long taim bilong em long kalabus i pinis. Na em i ken kamap wanpela fri man gen.

Kot i givim dispela fri taim i go long man ya bikos em i bin sevim taim bilong em long haus kalabus long gutpela pasin. Kot o haus kalabus i bihainim lo na givim fri taim long dispela man.

Tasol man ya i no yusim dispela fri taim bilong em long gutpela na stretpela rot. Wantu em i kirap na kamapim wanpela trabel gen long holimpasim dispela liklik meri na mekim pasin nogut. Pastaim long em i kisim fri taim na lusim haus kalabus na kam aut, em i kalabus long wankain sas-sas bilong mekim pasin nogut long wanpela liklik meri long Boikin eria.

Taim kot i givim em fri taim, kot i toksave long em olsem em i no ken mekim o traim long mekim wanpela rong. Em i mas stap gut tasol long ples na komyuniti.

THE ONLY ANSWER FOR PNG 2 CHRONICLES 7:14

If my people, who are called by my name will humble themselves and pray and seek my face and turn from their old ways, then will I hear from heaven and will forgive their sin and

WILL HEAL THEIR LAND

We call all Christians who believe in the spiritual effect of this scripture and who wish to support a proclamation for a National Day for Prayer and Fasting.

Please Write to:

**KAIKAI BILONG TINGTING
P.O. BOX 7574
BOROKO
NCD**

Sponsored by
Harvest Ministries International

TU MINIT TINGTING

JON BILONG BAPTAIS NA JISAS

NAU yumi statim gen taim bilong Adven. Em i taim bilong redi long Krismas. Gutnius bilong Matyu na Mak na Luk na Jon; olgeta ol i stat wantaim stori bilong Jon Bilong Baptais i go pas na i redim rot i go long Jisas. Long Jon 1:23, Jon Bilong Baptais i tok olsem: "Mi nek bilong wanpela man i singaut long ples wesana nating."

Dispela em i wanpela naispela aidia. Jon em i olsem nek, na Jisas em i olsem wanpela toktok i kamaut long dispela nek. Nek i gat wok long wokim toktok na autim tingting i stap insait long bel bilong yumi.


I tru, sampela yumi i no save toktok; nek bilong yumi i pas o em i no save wok gut. Sampela yumi i maupas na yumi hatwok tru long autim ol tingting bilong yumi. Sapos olsem, yumi gat nek; tasol yumi no gat toktok.

Orait, nau yumi go long narapela poin. Ol liklik string insait long nek i save pairap inap liklik taim tasol bilong wokim sampela tok; tasol dispela tok em inap stap longpela taim tru. Ating

yumi bin harim wanpela tok bilong papa o mama planti yia bipo, tasol em i stap yet wantaim yumi. Yumi holim yet long tingting. Long taim Jon Bilong Baptais i tok long nem bilong Jisas i mas go bikipela, na bilong em yet i mas go daun, em i narakain we long tok: "Mi nek nating; em i toktok." (J 3:30) Tok em i bikipela samting; nek, nogat. Tok em i bikipela samting; lautspika, nogat. Lektrik pawa em i bikipela samting; waia, nogat. Musik em i bikipela samting; kaset, nogat.

Maski yumi samting nating na Jisas em i bikipela, i gat sampela taim we ol manmeri i harim nek bilong yumi, na ol i save ting ol i harim nek bilong Jisas. Sapos olsem, kas bilong yumi! I gat wanpela eksampel bilong dispela.

Wanpela lain bisnisman i kamap long ples balus na ol i resis i go long bungim balus i wet i stap. Ol i hariap tru na



FRANK MIHALIC i raitim

wanpela i bamim wanpela tebol we wanpela meri i wok long salim ol mango. Tebol i kapsait na ol mango i ron about long plua ... na meri i hatwok long bungim ol gen. Ol bisnisman i no wari liklik long dispela meri.

Tasol wanpela bilong ol i mari-mari na em i tanim i kam bek

long meri ya. Em i tok sore long pasin nogut bilong lain wanwok bilong em i bin kapsaitim ol mango. Na em i putim wanpela K10 mani long han bilong meri long bekim liklik long rong bilong ol. Meri ya i holim dispela K10 na em i kalap nogut na i lukluk long ai bilong bisnisman na i askim, "Ating yu Jisas, laka? Meri ya i aipas na i no inap lukluk. Em i bin skelim dispela bisnisman long tok sore na pasin bekim bilong em.

Sapos ol gutpela wok na gutpela pasin bilong yumi ol inap makim Jisas, kas bilong yumi! Ol i olsem nek o rot i bringim narapela i go long Jisas.

Nau yumi go bek long skul bilong yumi: long nek i makim Jon Bilong Baptais na toktok i makim Jisas. Jon i bin tok olsem: "Mi no wanpela toktok; nogat. Mi nek tasol. Mi olsem wanpela rot tasol; yupela mas

yusim mi long kamap long Jisas. Mi no gat wok long kisim nem, nogat. Mi rot, mi strit nating. Mi no gat wok long kisim nem, nogat. Mi rot, mi strit nating. Mi gat wok long bringim yupela i kamap long Jisas tasol. Sapos yupela i kamap, mi bai helpi, long wanem, mi bin mekim gut wok bilong mi: em wok bilong rot na strit."

Yumi wan wan i mas making Jon Bilong Baptais: yumi mas stap olsem wanpela nek i save autim kain toktok inap long bringim ol manmeri i go long Jisas. Na inap nau, dispela em i tru long laip bilong yumi, o nogat? Olsem wanem na tok swea na tok nogut na tok kros na tok sem i save bringim ol narapela i go long Jisas?

Long dispela taim nau, dispela taim bilong Adven, em i gutpela long yumi makim Jon Bilong Baptais, na yumi stap olsem nek i save autim gutpela tok tasol, inap long bringim ol lisena i go long Jisas.

Laik bilong save moa long Jisas bungim 500 Pasifik ailan meri

VERONICA HATUTASI i raitim

SERIM long felosip na save moa long Jisas long lainim ol arapela brata na susa long em i wanpela bikipela as we i pulim moa long 500 meri long faivpela Pasifik Ailan kantri long wanpela semina long Mosbi.

Wanpela wik semina ya i kamap long Yunivesiti Mein Leksa Tieta long Waigani, stat long Mandé Novemba 21 na bai i pinis long Sarere 26.

Hettok bilong semina em " Long save long Kraisa na Mekim ol Arapela Pipel tu long Save long Em."

Orait, ol meri long bung i kam long ol kantri olsem Fiji, Samoa, Tonga, Solomon Ailans, Nu Silan, Australia na Papua Niugini. Na ol i

memba tu long Wol Federesen bilong ol Metodis Meri (WFMW).

Dispela em namba siks eria semina. Ol save holim wankain bung bihain long olgeta faivpela yia. Bung bilong Wol Asembli i save kamap bihain long olgeta faivpela yia tu. Narapela long dispela bung bai i kamap long Brazil long 1996.

Antap long bung we i pulim ol meri long holim ol felosip na serim ol preia wantaim, bung i lukluk na glasim ol samting we i karamapim sindaun na stap bilong ol meri, sios na tu ol arapela bikipela isu we i kamap long wol tude.


Olsem na ol i fomim ol diskasen grup we ol meri i stap long en. Na ol i toktok long ol isu

long skruim save long ol, holim tu ol preia sesen na putim kamap ol pilai drama na ol arapela samting long makim pasin tumbuna long wan wan kantri bilong ol. Serim na lainim ol kalsa pasin, preia na ol arapela samting long bung i bikipela samting tru we ol meri i laik skruim save bilong ol long en.

Orait, sampela long ol bikipela agenda we bung i lukluk long em ol:

- ol raits na priviliij bilong ol pikinini meri
- ol meri na famili. Ol singel meri na ol meri long sios.
- Humen raits, lidasip, helt, wok long go hetim gutpela sindaun na laip bilong ol meri, agrikalsa, literesi na ikonomsiks
- hevi long paitim nogut ol meri. Ol meri na pasin pamuk i go moa long pes 7

Manus sios grup kempen long strongim Kristen bilip



• Ol yangpela sios manmeri bilong Manus husat i kamap long Mosbi.

EMILY MATASORORO i raitim

EVANJELIKAL Sios bilong Manus long Mosbi i lukautim samting olsem 24 Katolik yut husat i kam raun long Mosbi long dispela taim. Dispela em ol yut long Papitalai Katolik peris long Lorengau.

Foapela meri tu i stap long dispela grup. Ol i bilong Rambutso Ailan. Na ol i memba long Manus Open Ministri.

Raun bilong grup long kam long Mosbi i-bilong mekim kamap tupela samting. Wanpela em long kamapim aweanes i go long publik long strongim kristen bilip. Na tu long bungim sampela mani long sanapim bikipela sios bilding long Lorengau taun. Hettok bilong grup ya em "Evanjelaisesen i go inap long

Yia 2000 na Antap."

Orait, long las wik Sande, grup i putim kamap wanpela reli long Waigani Kristen Senta. Em i nambawan taim long grup i kamap long ai bilong publik long Mosbi. Ol arapela kristen sios olsem Seven de Edventis, Yunaitet, Evanjelikel Sios bilong Manus na Katolik Sios i bin joinim ol long dispela nait long felosip na preia.

Maski ol memba bilong ol kain kain sios i stap, reli i go gut tru. Dispela i soim olsem ol difren sios grup i ken wok bung wantaim. Ol i singsing na pre wantaim. Na tu autim bilip bilong ol long publik long dispela taim.

Long Sande moning, grup i bin lotu long Tokarara peris. Na long apinun, ol kisim invitesen long singim ol singsing lotu long haus bilong olpela plis komisina husat i dai long las wiken tasol. Em

David Tasion.

Grup i laik bungim tu Asbisop bilong Mosbi, Asbisop Sir Peter Kurongku. Long planti bilong ol, em i nambawan taim long lusim ol liklik ples na kam long bikipela siti olsem long Mosbi. Na ol i gat bikipela tingting long pulim ol pipel bilong ol wantaim ol singsing lotu na preia taim ol i stap long siti.

Grup i kisim helpim long balus tiket long sampela lain yet long Manus. Pastaim, manus dineri i givim K1 tausen, Michael Sapau na James Sipaun wantaim i givim K1000. Wanpela long taim masta long Manus, Brian Campbell i givim K150. Ol arapela sios memeba na famili bilong ol i givim tu helpim wantaim mani long grup i kam long Mosbi. Ol bai lusim Mosbi long pinis bilong dispela mun.



• Dispela em wanpela meri Fiji husat i kamap long semina na autim Gutnius long ol arapela meri. Woksop i bin kamap long Yunivesiti ov Papua Niugini long Waigani, Mosbi.

Wok edukesen kamap pastaim long han bilong Luteran Sios

DAVID FRANCIS I raitim

WOK edukesen bilong Luteran sios long Morobe provins i bin stat taim misinari, John Flierl, i krungutim Finsafen long Julai 1886. Na long dispela taim tu, ol lain bilong rhenish misin sosaiti i kirapim wok bilong ol long Madang. Wok bilong ol skul tu i kirap long dispela taim na ol yangpela manmeri i kisim save long rit, rait, namba na kisim save long tok bilong God long tokples tru bilong ol yet. Bihain ol dispela lain yangpela man na meri i go aut na mekim wok evanjelis na tisa.

Tasol long Finsafen i gat tupela bikpela tokples i stap, em long Jabim na Kote. Sampela misinari i strong long yusim tok

Jabim, na ol arapela i strong long bihainim tok Kote.

Olsem na wok bilong ol i bruk. Ol lain i strong long tok Jabim i wok i go olsem long Tami Ailan na Deinzer Hill long 1899, na bihainim nambis i kam long Bukawa long 1906, Malalo (1907) na Siassi long 1911.

Wok bilong kisim save tu i kirap bikpela moa yet long dispela taim. Na ol lain husat i strong long bihainim tok Kote i kirapim wok long Satelbeg long 1982, na wok i go olsem long Sialum (1907), na wok moa moa yet i go insait bihainim ol maunten i go.


Long hap tu, moa skul i kirap na moa yangpela man i kisim save long wok evanjelis na tisa. Na skruim skul i go antap long Hailans.

Rhenish misin sosaiti tu i painim hevi long Madang. Ol i no inap go insait moa long bus bilong Raikos na Tapen. Ol lain wokman bilong Kote i brukim bikbus i go na skulim ol pipel long tok Kote. Olsem na ol i sin-

daun long namba wan stesin bilong ol, klostu long Konstantinhafen na kirapim wok long Siar, Ragetta na Amele. Ol i kisim tok ples Amele i go long Bongu na bihain i go long Nobonob.

Pastaim long Rhenish misin sosaiti i pinisim wok bilong ol long 1932, ol i strongim tok olsem tok ples Ragetta i mas kamap tokples bilong yusim long wok bilong sios. Na lusim olgeta wok bilong autim gutnius i go long Amerika Luteran Sios.

Morata holim pes karismetik reli



• Ol yangpela i putim kamap wangepela pilai drama long reli. Pilai drama i soim stori bilong Jisas i karim kruse bipo long em indai.

Laik bilong save moa long Jisas

i kam long pes 6

• ol sik nogut we ol meri i bungim taim ol i gat planti poroman na slip nabaut wantaim ol. Em ol sik olsem sifilis, gonoria na sik nogut AIDS.

• turisim
• ol lapun meri na man na husat i lukautim ol na
• wok kamap ol meri i mekim long sios na komyuniti.

Wan wan kantri i givim ripot long ol wok kamap na hevi long progres bilong federesen long hap bilong ol. Ol wok i go gut, tasol wangepela hevi ol i bungim em mani i sot long go hetim planti ol wok prosek na program.

Long planti meri em i nambawan taim bilong ol long lusim asples kantri bilong ol na stap

insait long wangepela bikpela bung long narapela kantri.

"Em i givim mipela bikpela amamas tru long kam stap bung na seim ol nupela samting wantaim ol susa bilong mipela long ol arapela Pasifik kantri," Rona Sisiolo bilong Solomon Ailans i tokim Wantok Niuspepa. Long planti meri Solomon Ailan, em i nambawan taim

bilong ol long lusim kantri. Ol bai kisim ol samting we ol i lainim long bung i go bek long ples bilong ol. Na skruim ol save i go long ol arapela susa bilong ol long Westen provins bilong Solomon Ailans.

Wol Federesen Seketeri Aurora Cudal na eria presiden long Saut Pasifik eria Jones Stott i stap tu long konpres.

SEN Martin De Porres Sios long Morata i pulap gut tru long las Sarere nait Novemba 19. Dispela em bikos namba wan Katolik Kerismetik reli i kamap long hap long dispela taim.

Kerismetik grup bilong Morata yet i as long kamapim dispela reli.

Sampela ges spika i stap tu long reli. Em long Nesenel Siaman bilong Katolik Kerismetik grup, Dokta Lukas Chang, Asdaiosis Kerismetik Siaman John Ban na lida long preia, James Paul. Peris pris long Morata, Pater Jun Pilotos i opim tru dispela

reli. Dokta Chang i tok maski muvmen i stap long kantri long tripela yia tasol,

wok bilong kerismetik muvmen i go aut pinis long ol arapela hap bilong kantri. Ol i kirapim ol kerismetik grup na wok long Popondetta, Bereina na Kiunga daiosis, Hagen, Madang,

Vanimo na Bogenvil. Dokta Chang na Pasto Kumalau Tawali i bin go long Bogenvil long mun Oktoba long go pas long spirituel rihabilitesen

long tsim bilong pis konpres. Ol reli long Arawa i bin go gut tasol, Dokta Chang i tok. Wankain tu long taim em i go long Vanimo bihain tasol long em i kam bek long Bogenvil.

DANIEL MONA i raitim

Price Kapsait long Dyna Dumps

Long Ela Motors Mt Hagen TasoL!

No. 1 long Hailans wantaim No. 1 Toyota Dyna Special!





Pastaim Prais Igo daun, discount praise!!!
YES! I GAT 9 PELA TASOL LONG
K24,990
PRAIS BILONG DRAIVIM IGO TASOL!



Rinim : 522379 JOHN VAN CAMPENHOUT - BRENS MENEJA
Rinim : 521888 JOHN COOK - SELS MENEJA
Rinim : 521888 NICK ZAFIRIADIS - FIL SELS MENEJA

Ela Motors
PH 521888 • PH 521885
FAX 521837
P O BOX 93
MT HAGEN
WHP



• Ol sapota na wantok o famili bilong sampela Isrel soldia husat i bin indai taim bikipela bom i pairap long tupela wik i go pinis. Dispela em long kantri Isrel yet insait long Midel Is eria.

Dispela birua i bin kamap taim sampela lain nogut i putim bom long wanpela bikipela haus na pretim ol manmeri. Orait ol Isrel soldia i go na bungim dispela birua.

Poto i soim ol sapota na wantok i bung na holim bikipela lotu long bodi bilong ol dispela soldia, bipo ol karim i go planim.

Ripot i tok moa kain birua olsem i kamap nau long kantri Isrel.



• (antap lephan) - Ol Is Timo man husat i protes na sindaun ausait long embasi bilong Amerika long Jakata, biksiti bilong Indonesia. Is Timo i laik bruk lusim Indonesia na kisim indipendens.



• Ol soldia bilong Bosnia i wetim toksave i kam long gavman bilong ol long las wik Mande. Dispela em long wanpela kem we ol i wet na sem taim lukluk long sain bilong birua.

• Dispela i no wanpela pilai. Em ol manmeri i soim wanpela piksa long makim kain baset bilong Presiden bilong Itali, Berlusconi, em i bin kam aut i no longtaim i go pinis.

Ol manmeri i no amamas long dispela baset. Olsem na ol i holim bikipela protes ausait long Rom, biksiti bilong Itali. Ol i tok baset i no makim tru sindaun na laik bilong ol pipel.

• (raithan) - Ka long fran bilong poto i no kapsait nating. Bikipela win i bin kamap long hap bilong Haiti long Karibien. Na kilim 45 manmeri na tupela man bilong Jamaika long biktaun, Pot au Prins.

Dispela win i bikipela tru na kamapim bikipela tait we haiwara tu i mekim planti samt-ing i bagarap long siti.

Bikipela win i pusim dispela ka i go ausait long rot, tasol nogat man i kisim bagarap, na ol i wetim helpim.



JOB OPPORTUNITIES ON CRUISE SHIPS

5,000 Employments in the Caribbean

Positions available:

- Administrative Staff
- Dining Room Staff
- Shop Staff
- GP-Repairmen
- Hostesses
- Bellboys
- Receptionists
- Cruise Staff
- Electricians
- Waiters
- Seamen
- Cleaners

and many other positions. Previous experience not required for all positions. We are looking for applicants between 18 and 40 years old.

Salaries:

US \$ 10,000 -US \$ 30,000 /year

Additional Benefits:

•Modern cabins and excellent food free of charge •Tax Free Salary •Extra bonuses •Free training. *If you are interested in a well-paid job on a cruise ship, fill the coupon and send it to:*

SEA CRUISE ENTERPRISES

P.O. Box 2635,
Balboa Ancon
Panama, Rep. of Panama

ENGLISH BLOCK LETTERS PLEASE!

Mr. Mrs. Miss.

Name _____

P.O. Box/Address _____

Age _____

City: _____

Country: _____

P.2

OL WANSOL- WARA NIUS

26 opisa bung long Numia

NU KALEDONIA: Biksi bilong Nu Kaledonia, Numia, bai i holim wanpela semina long toktok long lukautim kalsa na ol arapela samting bilong tumbuna insait long ol Pasifik Ailan kantri.

Twenti siks opisa i stap long dispela bung. Ol opisa ya i wok long ol musium. Ol toktok tu long pasin bilong raitim ol stori na ol arapela samting we ol tumbuna na ol pikinini bilong yumi long bihain taim i ken ritim. Na pasin long makim wanem ol samting tru long kisim na lukautim long musium i stap.

Dispela em i nambawan taim long kain semina i kamap long Pasifik.

Australia egens singaut bilong Is Timor long indipendens

IS TIMO: Foren Minista bilong Australia, Seneta Gareth Evans i egensim singaut bilong Is Timo long bruk lusim Indonesia na kamap wanpela kantri bilong em yet. Ripot i tokaut long dispela samting long dispela wik.

Seneta Evans i tok i gupela moa long Is Timo i stap yet aninit long lukaut bilong Indonesia.

Wanpela saveman bilong Indonesia, George Aditjondro i tok bikos long planti hevi we i kamap bikpela long Is Timo nau, i gupela long givim referendum long ol nau. Na givim ol sans long tokaut sapos ol laik stap yet wantaim Indonesia o ol i laik kamap wanpel kantri bilong ol yet.

Palau i laik kamap memba bilong Yunaited Nesens

PALAU: Palau i putim aplikesen pinis long kamap wanpela memba bilong Yunaited Nesens. Dispela em bihain long liklik Maikronesen kantri i kisim indipendens bilong em long mun Oktoba bilong dispela yia.

Minista bilong Stet long Palau i salim pinis wanpela pas long askim seketeri bilong Yunaited Nesens, Boutros- Ghali long dispela samting.

Bipo long Palau i kisim indipendens, em bin stap aninit long lukaut bilong Amerika.

Woksop bilong rausim sik TB na leprosi long Pasifik

FIJI: Samting olsem 27 pipel na ol obseva bilong 20 Pasifik Ailan kantri bai i sindaun long wanpela woksop long Suva neks mun.

Wol Helt Ogenaisesen (WHO) bai i go pas long dispela woksop.

Wanpela mausman bilong WHO i tok woksop ya bai i lukluk long sampela rot we ol ken bihainim long pinisim tupela sik olgeta long Pasifik rijon bipo long yia 2000 i kamap. Fiji Times niuspepa i ripotim dispela samting.

Mausmeri bilong WHO i tok ol bai pulim ol save wok manmeri long rijon long kamap wantaim samapela gupela rot ol ken bihainim long daunim sik ya long Pasifik rijon.

Mosen bilong tambuim smok kisim sapot

SOLOMON AILANS: Palamen bilong Solomon Ailans i laik stapim ol man long smuk long ol pablik ples.

Palamen bilong Solomon Ailans i pasim pinis wanpela mosen long stapim ol pipel i smok long pablik ples.

Taim em i muvim dispela mosen, memba John Maetia i tok smuk ino kamapim sik, tasol i kamapim tu ol arapela hevi long ol lain husat i no save smuk.

Taim em i tok sapotim mosen ya, narapela memba na olupela helt minista, Nathaniel Supa i tok em i gupela long stapim ol man long smuk long ol pablik bas, teksi, long ples kaikai olsem ol restron, krus sip na balus. Planti ol arapela memba tu i sapotim dispela mosen.



• Ol yangpela liklik skul meri i holim bikpela mas long amamasim namba 6 indipendens de bilong kantri bilong ol. Dispela em long Gaza siti long Palestin.

**LIME
Fresh**
BRINGS YOUR BODY
to life!

**LIME
Fresh**
The wake-up soap

**LIME
Fresh**

KIRAPIM SKIN BILONG YU

Ol Tutumang memba vot egens Morobe primia long ileksen

PETER BIMARI i raitim

OL memba insait long Morobe provinsel gavman i bin vot egensim tingting bilong primia, Titi Christian long kamapim provinsel ileksen long neks yia.

Primia Christian i kamapim long kabinet miting long las wik long olgeta provinsel memba bai i go long ileksen long neks yia insait long bikpela provinsel ileksen we ilketrel opis bai kari-maut.

Tasol planti memba long oposisen na tu sampela memba bilong em long gavman i vot egensim em bikos ol i laikim gavman i mas stap 12-pela mun moa long opis long pinisim olgeta wok ol i bin lusim na stap aut long 1993.

Mista Christian i tok em i mekim dispela bikos em i laikim olgeta memba i go long ileksen gen long kamapim gutpela na strongpela gavman. Na dispela tu i ken bihainim Ogenik Lo na ol memba i no inap hatwok long go gen long kot.

Primia i tok dispela i no stret

long ol pipel na sapos em i stap yet olsem primia na minista bilong Fainens, em i no inap redim wanpela moni bilong kari-maut ileksen bihain long taim tru bilong ileksen i abrus.

Ol memba insait long Morobe provinsel gavman i bin pasim tok pinis long ol bai i stap narapela 12 mun gen long opis. Ol i no inap go long provinsel ileksen long neks yia bikos taim nesanel gavman i bin rausim Morobe provinsel gavman long las yia, ol i no mekim planti wok bilong helpim ol pipel bilong ol. Long dispela as ol i mas stap narapela 12-pela mun gen long bekim bek dispela samting.

Wanpela pas i go pinis long opis bilong Provinsel Afes Minista, Casten Maibawa long mekim dispela samting long neks yia.

Mista Christian i tok ol memba i no ken pusim em bikos dispela i no nupela samting. Yumi laik trainim bihainim lo na dispela i stap insait long Ogenik Lo.

Primia i askim ol pipel bilong Morobe long kirap sanap na askim ol memba long wanem as

na ol i no laik go long ileksen long neks yia.

Em i tokaut olsem olpela primia, Utula Samana i bin gat plen na tingting bilong mekim Morobe i kamap wanpela gutpela provins tru. Tasol i gat ol memba husat i no save sanap poroman wantaim em.

Olsem na gutpela lida i mas kamap long makim ol pipel. Primia i askim ol manmeri long makim ol gutpela lida bihainim pasin na wok bilong ol olsem lida bilong ol pipel.

Mista Christian i tok em i save olsem em bai kam bek long Morobe provinsel gavman ileksen tasol em i no klia we em bai primia gen o no gat.

Primia i tok em i gat ol gutpela plen bilong ronim Morobe provins tasol no gat gutpela sapot na wok bung wantaim i save kamap long ol memba bikos ol tu i save laik resis wantaim em na kamap primia.

Tasol primia i tok em bai sambai tasol long winim ol salens i kam long em long sea bilong primia long dispela taim inap neks yia provinsel ileksen.

PEA bos egens PM

PRESIDEN bilong Pablik Emplois Asosiesen (PEA) Napoleon Liosi i tok Praim Minista, Sir Julius Chan i gat liklik tingting tumas. Na i no tok tru long mak bilong potnait pe bilong ol wokman meri insait long kantri.

Sir Julius Chan i bin toktok long dispela wik Mande long bikpela bung bilong Saut Pasifik Yumen, Tred Yunion na Demokretik Raits.

Mista Liosi i tok Sir Julius Chan i tok olgeta woka long PNG i save kisim gutpela pe long potnait winim ol woka long Saut Korea, Singapor na Hong Kong. Tasol em i no tokaut long prais bilong ol samting long stua we nau i go antap tru na ol manmeri i hat tru long baim nau.

Mista Liosi i tok ol woka i mas kisim gut-

pela pe bihainim prais bilong ol samting we ol manmeri i save baim long kaikai na yusim long helpim sindaun bilong ol.

Em i tok i gat klia piksa olsem tred yunion rait na rait bilong ol woka i gat hevi long PNG na tu long arapela hap bilong rijen. Em i tok tred yunion rait em wankain olsem yumen raits.

Dispela i min olsem olgeta woka i ken wok insait long wanem kain wok long kantri, holim straika long wanem hevi ol i gat long wok, kisim gutpela pe, wokim ol yunion grup na ol arapela samting ol woka i ting long kamapim long helpim ol.

Olsem na long dispela kain bikpela miting, ol yunion i ken lainim na skelim tingting wantaim long ol kain wok na

hevi ol i gat long wanwan kantri bilong ol.

Em i tok ol hevi we i wok long kamap long kantri em;

- Ol ovasis beng i save sapotim ol kantri long moni tasol i save senisim tu ol polisi bilong maket insait long dispela kantri na tu long ovasis kantri.

- senis long prais long wol maket

- senis long takis long pulim moa bisnis invesmen i kam long kantri
- salim ol dipatmen i go long praivet kampani (privatisation).

Mista Liosi i tok gutpela potnait pe em wanpela samting olgeta woka i mas kisim bihainim prais bilong ol samting insait long kantri we ol manmeri mas baim yet long helpim sindaun bilong ol insait long kantri.

Em i tok planti luksave i kamap pinis bihainim ol senis long polisi bilong daunim namba bilong ol eksperiens na save wokman na kamapim spes long ol pat taim woka na kontrek opisa.

Arapela samting tu Mista Liosi i ting i mas kamap em apim wok sif ovataim na pe i mas bihainim wok ol woka i putim long mekim kamap samting, stapim na abrusim pasin bilong kisim tingting i kam long o intanesenel tred yunion ogenaiesen na stapim pasin bilong kamapim yunion antap long menesmen level long ol bikpela industri na apim namba bilong ol meri long wok i go antap na tu moa aprentis woka.

Askim long stretim Lae Botanikel Gaden

PETER BIMARI i raitim

BOTANIKEL Gaden long Lae siti em wanpela gutpela hap tru long 1960 inap 1980. Tasol nau ples i no gutpela moa long raun na lukim. Wanpela sosel woka long Lae, Joshua Daniels i tok. Mista Daniel i tok Botanikel Gaden ya i bin wanpela gutpela ples tru bilong raun na lukim ol pisin, pis, diwai na flawa bilong bus samting. Ples tu i gutpela long go sindaun na kisim win o malolo na tu holim piknik. I kam inap nau, dispela Botanikel Gaden we i

bin gutpela ples tru long bipo i no moa gutpela nau. Ol bikhet man i save mekim nabaut. Na tu kapsaitim ol pipia samting bilong ol long hap. Em i askim gavman long lukluk insait long dispela hevi na helpim long mekim dispela ples i kamap gut gen. Botanikel Gaden ya i stap aninit long lukaut bilong Nesanel Fores Atoriti.

Mista Daniel i tok Lae Botanikel Gaden i bin wanpela gutpela gaden tru insait long Pasifik rijen long bipo. Ol i bin

planim ol kain kain diwai bilong arapela kantri na bilong Papua Niugini yet long hap long mekim ol wok stadi long 1945.

Long las wik, ol woka bilong Nesanel Fores Atoriti i holim bikpela wok long klinim gen dispela ples bilong Botanikel Gaden. Olsem na Mista Daniel i askim ol pablik tu long mekim wankain samting na mekim Lae Botanikel Gaden i kamap gut gen olsem bipo.

Dairekta bilong Fores Rises Institut, Geof Stocker i toktok pinis

long ol i mas wokim bikpela banis waia raunim dispela gaden. Dispela toktok i stap yet long kamapim.

Raskol pasim bikpela nau long Is Sepik

ADDY LAVAKS i raitim

PLANTI pasin nogut we ol raskol mani save wokim i wok long kamap bikpela nau insait long Is Sepik provins.

Insait long dispela mun (Novemba), planti pasin nogut bilong brukim haus na go insait na tu holimpasim na hensapim ol manmeri kamap.

Bikos long dispela hevi, planti manmeri insait long Wewak taun

i wok long wokbung wantaim ol plisman long holimpasim ol stilman na bikhet man husat i wok long mekim kainkain raskol pasin.

Dispela gutpela wokbung i lukim pinis wanpela komyuniti insait long taun eria i holimpasim wanpela bikhet man. Na givim em i go long han bilong ol plisman.

Plis ripot i tok olsem dispela man i bin

brukim haus bilong wanpela famili long Wewak Hill. Na stilim ol samting we i kos samting olsem K1,500.

Planti arapela komyuniti insait long Wewak taun i bin na tu i wok long bungim dispela kain ol hevi. Na ol pipel i laikim olsem ol pipel i mas karim aut wok bilong ol gut long holimpasim ol bikhet man.

Ol i tok ol plisman i mas wokabaut long lek na patrol long nait.

Yut wok long Is Sepik pundaun

FUZO PAUL i raitim

WOK na progrem bilong ol yut insait long Is Sepik provins i no moa ron gut Bikos Yut Projek Opis i no gat man bilong kari-maut wok bilong yut.

Wanpela yut lida na namba tu bilong Is Sepik Yut Sevis long Nesanel Volentia Sevis, Leo Sataro i tok wok bilong yut insait long provins i pundaun nau bikos i no gat helpim long ol yut grup nau.

Mista Sataro i tok opis bilong Komyuniti Developmen we Provinsel Yut Sevis i kam aninit long en i no moa tingting long ol yut insait long provins.

Mista Sataro i mekim dispela toktok bikos ol progrem we yut projek opis i wok long mekim long helpim ol yut i pundaun. Man husat i go pas long ol dispela progrem em Ekting Provinsel Yut Opisa tasol em i no moa wok long opis bilong em bikos Ekting Asisten Seketeri bilong Komyuniti Developmen i lusim ol wokman pinis.

Em i askim nau olgeta olgeta yut grup husat i bin rejista aninit long Nesanel Yut Sevis na i laikim helpim i mas go stret long opis bilong Ekting

Seketeri bilong Komyuniti Developmen long kisim ol toktok na helpim long ol hevi bilong ol. Ol i ken go tu long Mini Lon Skim na askim long helpim na i no ken go long yut projek opis bikos i no gat opisa bilong helpim ol.

Yut lida ya i tok bai i no gat gutpela developmen i kamap long Is Sepik provins inap 20 yia bihain bikos long kain pasin bilong no sapot na helpim long ol lida. Na tu ol lida na pablik sevan i no wok bung wantaim long kirapim kain wok bilong bringim developmen long pipel.

Mista Sataro i tok Komyuniti Developmen divisen em opis bilong wok klostu wantaim ol pipel bilong ples stret. Olsem na ol i mas putim pipel i go pas long hevi na developmen bilong kamapim gutpela helpim i go long ol pipel.

Wanpela bikpela hevi nau insait long Is Sepik provins em ol lida long gavman na tu long pablik sevan i wok long pait long posisen na biknem bilong ol long wok. Na hevi bilong pipel we ol tasol i mas go pas long en em ol i lusim tingting long en, yut lida ya i tok.

MINISTA blong Edukaisen na Kalsa, Joseph Onglugo i tok aut pinis long tingting blong em long stopim ol top sumatin blong Papua Niugini long go na stadi long ol bikpela skul long Australia.

Na em i laikim dispela halivim aidab i save givim long go long ol hap we i gat bikpela nid long kauntri long wanem em i bilip olsem pasin blong salimmol sumatin i go skul long Ostrelia i save mekim ol suamtin i paul taim ol i kam bek long ples blong ol.

"Dispela i westim taim, taim ol sumatin i kam bek long Papua Niugini ol i no save pilim gut long stap long hia, long wanem long Ostrelia i gat laif i no wankaim long kauntri blong yumi", em i tok.

Mista Onglugo i tok em yet i bin stap long Ostrelia inap insait long sikis pela krismas na em i save gut long wanem ol pasin i wok long kamap, na em bai usim pawa blong em long stopim dispela progrem.

"Mi no tok olsem Aidab program i no

gutpela, mi laikim bai dispela halivim moni ol i wok long givim i mas go long wokim ol nupela skul, o fiksing ol klasrum na ol narapela kain wok olsem", em i tok.

Long dispela seim taim Minista i tokaut tu olsem bai igat bikpela senis long save i stap long ol buk, na bai ol pikinini i ken lainim long kisim save long ol kain rot we ol yet i ken halivim ol yet taim ol i pinis skul.

Minista i surukim tok tu olsem bikpela lukluk blong tisa i save lain-

imm ol sumatin long kisim save tasol na i no gat ol save i stap long halivim ol sumatin long yusim han bilong ol.

"Ol save ol sumatin i wok long kisim i blong strongim save blong ol tasol, i nogat ol save i stap blong lainim ol long wok agrikalsa, na pasin blong lukautm ol yet taim ol i pinisim skul", em i tok.

Mista Onglugo i bai rerim dispela ol tingting blong em long wanpela pepa em i wok long redim i stap long givim long kabinet neks yia.

Gavman mas baim graun em Is Awin refuji kem sindaun long en

Dia Edita
Mi bilong Kiunga na mi laik toktok long wanem samting ol refuji bilong Indonesia i save mekim long Is Awin refuji kem long Westen provins. Taim ol i kam insait long hap bilong mi, ol i yusim ol samting olsem saksak na graun bilong

mi. Tasol gavman ino luksave long dispela na stretim ol wantaim ol asples lain. Olsem na nau mi laik singaut long gavman long baim mi wantaim graun bilong mi em ol refuji i wok long yusim. Gavman i no luksave long dispela hevi

na ol i wok long bagarapim samting bilong mipela ol asples manmeri i stap. Nau yet mi laik gavman i mas kam autsait na toktok stret wantaim ol pipel na stretim dispela hevi. Na rausim ol refuji long ples bilong mipela.

Ruben Ondak KIUNGA



No ken komplek moa long Gutnius long niuspepa

Dia Edita
Mi laik bekim pas bilong Alois Sans Tee bilong Wabag. Insait long pas bilong em, em i toktok egensimol toktok bilong C. Soriani bilong Popondeta.

Em i tok olsem i gutpela long tok pait long GutNius bilong God. Mi laik tok olsem dispela em i stretpela pasin.

Ating yutupela i save long Papa, Pikinini o GutNius bilong God. Na tu yutupela bilip man tru o nogat. Sapos nogat, mi no laik lukim ol kain toktok long Wantok niuspepa moa. Nogut yutupela komplek long gutnius i stap na pikinini bilong God i kam long ol haiden man.

Em tasol.

Billy. J Madang

Gavman no sore long ol misin skul

Dia Edita,
Mi laik autim belhevi bilong mi long gavman long ol misin skul long kantri. I luk olsem gavman i nogat sori long ol misin skul.

Taim ol memba long gavman i laik sanap long ileksen, ol i save grisim mipela gut tru long givim namba long yupela long sapatim sios wok. Tasol taim yupela i win, yupela i save tanim baksait long ol promis bilong yupela. Nau mipela ol sios skul i kisim taim stret na stap olsem mipela i no gat papa.

Olsem na yupela long gavman i mas lukluk gut na mekim ol tok promis bilong yupela i karim kaikai.

Gedisa Sap MADANG

Tripela Oro memba mas stretim taun na ol ples kanaka

Dia Edita,
Mi laik autim liklik komplek bilong mi long tripela nesanel memba bilong Oro provins.

Plis, yupela i mas traim lukluk long ol rot insait long taun na ol ples kanaka long provins. Bikpela rot long Popondeta taun wantaim ol liklik rot i bagarap olgeta. Na tu i no gat kolta long ol. Olsem na das i save bagarapim ol haus klostu long rot. Ol hap we i kisim taim stret em ol eria olsem long Gokuta, Bambusi na strit baksait long independens oval.


Mi laikim yupela tripela nesanel memba bilong mipela long provins long traim lukluk long stretim ol rot

long olgeta hap bilong provins. Na maski long givim baset mani nating long ol man husat i votim yupela. Dispela em pablik mani na yupela i mas yusim gut long kamapim ol gutpela wok developmen long provins.

Long mun Mas o Epril bilong dispela yia, mi lukim Mista Silvanus Siembo, wanpela long ol tripela nesanel memba bilong Oro i kam long ples na givim nating mani long ol man husat i votim em. Dispela em no stretpela pasin long ai bilong mi na planti arapela pipel long provins.

Humbox Singa Popondeta Oro provins.

Prais bilong ol kaikai dia tumas



Dia Edita,
Mi wanpela wokman bilong Mosbi siti. Mi laik toktok long dispela Saplai Bil em gavman bilong Praim Minista Sir Julius Chan na deputi bilong em, na Fainens Minista Chris Haiveta.

Mi ritim ripot long ol niuspepa na lukim olsem prais bilong ol samting i go antap tru aninit long dispela bil. Mi lukim na mi pret tru.

Ripot i soim olsem prais bilong ol sampele kaikai na sevis bai goap. Na, yet mipela ol pipel long Mosbi siti i bungim pinis hevi bilong dispela.

Liklik potnait mani mipela i kisim,

bai pinis hariap. Mipela i no inap baim moa samting long liklik mani mipela i gat olsem bipo.

Mi askim gavman nau long mekim wanpela samting hariap long dispela. Nogut mipela mipela ol pipel indai nabaut bikos long hevi bilong mani na kaikai.

Yupela ol memba long palamen save sore tu long mipela o no gat? Mipela i no kisim bikpela mani olsem yupela. I gat sampela kain we long stretim ol hevi bilong mani.

Na plis no ken givim bikpela mekimsave long mipela.

William Taku MOSBI

Ka bilong OPIC i no bilong karim ol meri

Dia Edita
Mi save lukim olsem ol wokman bilong Wel Pam Projek Koperesen (OPIC) long Hoskin, Wes Nu Briten provins i save karim meri bilong ol na ron tumas long ol ka bilong OPIC long taim bilong wok.

Mi laik tok olsem dispela i no praivet ka bilong ol na meri bilong ol. Dispela em ka bilong OPIC. Na OPIC i givim yu dispela opis ka long mekim wok bilong em. Na i no bilong karim ol meri pikinini na wantok bilong yupela na raun nating. Sapos yu laik mekim dispela kain pasin orait baim kar bilong yu yet na mekim dispela pasin.

Mi yet mi save lukim dispela pasin long ai bilong mi.

Husat OPIC opisa o wokman i laik sapatim o egensim dispela pas bilong mi, rait tasol long Wantok na bai mi bai amamas long lukim na skelim moa yet.

Lus Prut KIMBE

Maski pait long man

Dia Edita,
Mi wanpela manki Morobe. Mi laik autim komplek bilong mi long ol yangpela meri.

Planti taim mi lukim ol meri Bukawa long Kasin i pait long man.

Bipo mi go het na toktok long dispela samting, mi laik tok kain pasin i no stap long Bukawa tasol. Em i stap long olgeta hap bilong Papua Niugini.

Olsem na yupela ol arapela meri i ritim dispela pas, i mas ritim gut toktok bilong mi tu.

Mi save sem tru long kain pasin bilong ol susa long Bukawa. Man, yupela yet save sem tu o no gat?

Sapos yupela belhat long narapela meri, go hait long wanpela hap long pait. Maski pait long taun na ol pablik ples.

Mi laik tok olsem Papua Niugini i no sot long man. Traim na askim laik tasol long mipela. Na mipela ken stretim yupela isi tasol. **Pandip Angap Morobe provins.**

Traim na Lotuim God long ol ples holi tasol

Dia Edita
Mi laik autim tingting bilong mi long pasin sampela sios i save mekim long karim ston kafing bilong Jisas o Santu Maria, na wokabaut singsing long rot na liptimapim nem bilong em na Papa God antap. Dispela em i gutpela pasin yupela i mekim long lotuim God.

Mi laik tok olsem dispela i no stretpela pasin. Long Buk Baibel, God i tokim mipela olsem mipela i mas lotuim em long holi ples olsem sios o long rum bilong mipela yet na prea wantaim em. Na tokim em long wanem samting yu laikim o hevi yu gat we em i ken helpim mipela.

Kain pasin bilong wokabaut long ples pablik na karim ston kafing na singsing i no gutpela. Mipela i no ken mekim dispela pasin ken. Long wanem em i no gutpela long ai bilong God Papa.

Traim na lotuim em long ples holi.

Teddy Pingason MADANG

Ol viles kot mekim wantok sistem long ol ples kanaka

Dia Edita,
Mi autim wari bilong mi long ol viles kot mejistret long Sauten Hailans provins. Na pablik i ken lukim na skelim.

Long lukluk bilong mi, ol pait i go het yet long Sauten Hailans provins bikos ol viles kot mejistret i no save mekim gutpela tokoraitblong kot. Sapos ol man i gat mani, pik na ol samting olsem, viles kot baii helpim ol. Sapos ol i no gat ol dispela samting, ol no inap long helpim em. Dispela em i wanpela as bilong kirapim bel bilong ol man. Na pait i wok long go het yet long provins.

Yupela ol lain wokman bilong gavman, traim na mekim gut wok bilong yupela. Na no ken grisim ol pipel o wokim wantok sistem pasin.

Mi laikim gavman long lukluk i go insait long dispela hevi. Na mekim wanpela samting hariap long stretim.

Mi bilip kain pasin i kamap long viles kot bilong ol arapela provins tu. Na dispela i no gutpela tru long wok bilong kamapim gutpela sindaun long ol ples.

William Wano Magarima Sauten Hailans provins.

Toksave i go long ol manmeri husat i save salim pas i kam long Wantok. Sapos yupela i no putim nem tru bilong yupela long pas, mipela i no inap prinim leta bilong yupela.

Soanu mekim bikpela wok long Kabwum

Dia Edita
Mi laik sapatim pas bilong brata Kapi Lok na egensim pas bilong Robert Simoa. Pas bilong tupela i bin kamap long Wantok niuspepa bilong Novemba 10.

Robert Simoa i bin komplek long nupela memba bilong Kabwum, Gimoson Soanu long i no helpim ol pipel bilong Kabwum.

Brata Robert, mi laik tokim yu stret olsem Mista Soanu i mekim bikpela wok na i no olsem olsem memba. Mista Soanu em olgeta taim em i save go long asples bilong em. Naluksave long hevi bilong ol manmeri bilong em.

Robert mi laik tokim yu olsem Mista Soanu i salim pinis tupela ambulens ka i go long Kabwum long helpim ol manmeri taim ol i sik. Na tu Mista Soanu i save go raun long ol ples, skul, haus sik na lukluk long ol hevi bilong ol pipel bilong em.

Olom Tomeng MOSBI

Maski sop op raun long ka bilong ol arapela lain

Dia Edita,
Mi wanpela manki bilong Isten Hailans provins. Mi stap nau long Mosbi. Mi laik toktok long pasin bilong sampela yangpela man long Mosbi siti.

Mi lukim ol save draivim ka bilong bikpela brata o susa o kandre raun long siti na so op tumas olsem ka bilong yupela.

Yupela ol dispela lain i no ken so op tumas. Mi ken tokim yupela olsem yupela yet i no inap long baim wanpela ka.

Nogat sem bilong yupela long giamanim ol yangpela meri long ka bilong ol arapela lain.

Ating yupela i mas go bek long ples bilong yupela. Na maski raun raun nating long siti.

**Joe Saun
MOSBI**

Ol meri Bowana save paul tumas

Dia Edita,
Mi laik komplem long ol lain meri long Buwana distrik bilong Morobe provins.

Mi save lukim ol i no sindaun o stap gut wantaim ol lain bilong ol long haus olsem papamama.

Ol save raun long taun o sampela hap. Taim papamama laik toktok long ol long sindaun gut long ples, ol i, no save sindaun gut. Ol save sakim toktok bilong papamama.

Plis ol susa bilong mi long Buwana distrik, yupela mas traim na harim tok. I gat planti gutpela samting long mekim long ples olsem planim taro na wokim saksak.

Ol susa bilong mi, mi save sem tru long kain pasin bilong yupela.

Yupela mas lukautim gut bodi bilong yupela na givim long wanpela man tasol, em bihain bai yupela i maritim. Sapos yupela mekim olsem i go, nogat gutpela man bai maritim yupela.

Mi laik askim sapos yupela save sem o nogat? Sapos yupela tingting olsem Pikinini bilong God orait, yupela mas opim Baibel long Gelesia 3:26-29 o long 4:1-7 na ritim sampela gutpela toktok bilong God papa long kamapim gutpela sindaun.

**Pandip Angap
Didi
Buwana Districk
Morobe provins**

Memba bilong Kabwum no save sindaun nating

Dia Edita,
Mi bekim pas bilong Robert Simao we i kamap long Wantok niuspepa bilong Oktoba 27, 1994.

Taim Ginson Saonu i kamap olsem nesanel palamen memba, em i kamapim moa wok developmen long ilektoret bilong em, winim ol olupela memba bilong mipela husat i sanap makim ilektoret long bipo. Mekim na mipela olgeta long ples i amamas long Mista Sounu.

Mi laik tokim yu Robert Simao olsem sapos yu laik save long wok we memba Ginson Sounu i mekim, kam long ples. Em i no memba bilong Mosbi na bai yu lukim wok o pes bilong em long Mosbi olgeta taim olsem ol arapela memba.

Yu askim tu long wanem hap Mista Sounu i stap long em. Dispela em i no olsem

yu laik painimaut long wanem wok developmen em i kamapim. Mi tokim yu olsem taim Jisas i stap wok long graun, em i no gat haus. Em save i go i kam na mekim wok bilong em. Na nau yumi save long stori long olgeta gutpela toktok na wok em i bin mekim. Sapos yu skelim dispela, yu inap luksave long wok bilong Mista Sounu.

Mi tokim yu memba ya i gat gutpela plen. Em i statim gut ol wok na em bai lukim olsem ol dispela wok i pinis. Mipela ol pipel bilong Kabwum i sapotim em long go hetim ol gutpela wok.

**Jacob Mall
Morobe provins.**

Wantok i mas prinim moa ripot long ol hevi bilong mani long PNG

Dia Edita
Mi laik autim wari bilong mi i go long ol Wantok niuspepa bai ol bikbos bilong dispela nambawan niuspepa, wantaim ol arapela manmeri long kantri i ken ritim.

Ripot long ol hevi bilong mani na bagarap long strong bilong mani bilong mipela i save kamap long ol arapela niuspepa long olgeta de. Dispela em ol niuspepa we i save ripot long tok Inglis.

Ol manmeri husat save tok Inglis olsem i ritim ol Inglis niuspepa na save long dispela samting. Dispela em long strong bilong mani bilong mipela, kina na toea i go olsem wanem egens mani bilong ol ovasis kantri olsem Australia Yunaoted Stet ov Amerika (USA) na Japan.

Tasol ol dispela pablik sevan i no laik mekim klia long mipela ol hatwok manmeri i stap long ples. Mipela tu i laik save long wanem samting i wok long kamap. Bikos mipela harim liklik

olsem ol dispela hevi bai bagarapim tu gutpela sindaun na laip bilong mipela long ples.

I luk olsem ol pablik sevan i wari tasol long pe bilong ol ya. Na larim ol trangu hatwok manmeri long ples i stap longlong.

Mipela i kirap nogut long lukim prais bilong ol kaikai olsem rais na tinpis i goap narakain stret long ol stua. Tasol mipela i no save gut long wanem as na ol dispela hevi i kamap.

Mi askim nau Wantok niuspepa long prinim moa ripot long dispela samting. Na insait long ol dispela ripot, plis tokaut gut klia long wanem samting i wok long kamap. Na wanem kain hevi mipela bai bungim bikos long ol dispela senis?

**Peter Singa B.
C/- Miunde Community School,
P. O. Box 129,
Education Kundiawa,
Simbu Province.**

Bekim bilong Edita

Dia Mista Singa B,
Wantok i amamas long kisim na prinim pas bilong yu, bai ol arapela rita tu i ken ritim. Yu autim ol gutpela toktok tru long pas bilong yu.

Mipela i bin prinim tupela pes ripot long ol dispela senis, na wanem kain hevi em ol grasrut pipel bilong ples kanaka bai bungim.

Wankain ripot i kamap bihainim Saplai Bil em Deputi Praim Minista na Fainens Minista, Chris Haiveta i bin

autim long kibung bilong palamen.

Tasol em i gutpela long kisim pas bilong yu. Olsem long ol rita husat i no ritim dispela ol ripot, mipela bai prinim moa ripot long dispela ol samting stat long neks wik.

Ol dispela ripot bai mipela putim wantaim ol nupela senis em i wok long kamap nau. Olsem na sekim tasol niuspepa ripot stat long neks wik na i gol.

Mi Edita.

Holimpas ol pamuk manmeri na salim ol stret long haus kalabus

Dia Edita,
Mi laik toktok long pasin bilong pamuk em i kamap bikpela nau long Mosbi siti, na tu long planti hap bilong Papua Niugini.

Mi laik save sapos ol manmeri i save pret long sik AIDS o nogat. Dispela sik i kamap bikpela nau. Olsem na yupela ol manmeri bilong mekim kain pasin i mas tingting gut.

Bikos taim yupela kisim dispela sik, yupela bai givim i go gen long ol arapela manmeri na pikinini. Na kain pasin em bikpela pekato tru.

Dispela kain pasin i kamap bikpela long wiken taim ol yangpela manmeri i spak, na go long danis ples olsem long Islander Ballroom, Islander Travelodge, Moonlight Restoran na

sampela moa. Ol save spak pinis long hap na kisim meri i go long ol arapela hap na mekim pasin pamuk.

Plis lukautim gut bodi bilong yupela. Bikos taim nogut i kamap nau. Na klostu bai Jisas Kraus i kam bek long kisim mipela.

Traim na go long lotu na senisim tingting bilong yupela. Plis noken go insait long mekim kain pasin i kamap bikpela. Mipela i bagarapim tru gutpela Kristen name bilong kantri.

Long ol arapela samting, mi laik askim nesanel gavman long lukluk i go insait long dispela hevi. Traim odaim ol plisman long sekim ol kain manmeri olsem bilong mekim pamuk pasin.

Taim ol plis i ketsim

kain lain olsem, plis salim ol i go stret long haus kalabus. Bikos ol i bagarapim tru dispela kantri bilong mipela.

Noken salim ol i go long kot. Bikos dispela bai westim nating mani bilong gavman.

Insait long haus kalabus, plis givim bikpela mekimsave long ol. Na tu noken putim ol wantaim ol arapela kalabus manmeri.

Bikos nogut ol givim sik nogut bilong ol i go long ol arapela kalabus manmeri. Na dispela bai kamapim moa trabel gen long kantri.

Em tasol liklik komplem bilong mi. Mi bai amamas long lukim ol manmeri i bekim dispela pas, na autim tingting bilong mi.

**William Semo
MOSBI**



**Nem: Samson Peter,
Adres: P.O. Box 223, Vocational Centre,
Mendi, SHP,
Krismas: 18
Save laikim: Tok pilai, pilai soka.**

**Nem: Albert Komba
Adres: Mule Youth Group
P. O. Box 271, Mendi, SHP
Save laikim: Tok pilai, singim ol singsing na harim musik.**

**Nem: Moses Roger
Adres: Aluvans Trading
P.O. Box 18, Mendi
Save laikim: Raitim leta, pilai ragbi, harim musik.**

Maski sigirap tumas long ol maritman

Dia Edita,
Mi laik toktok liklik long belhat bilong mi.

Mi save belhat long ol meri i save pait long bikpela taun. Mi save sem long lukim ol i pait long ai bilong planti manmeri.

Em i no pasin tru so plis ol yangpela, yupela mas traim na go pait long haus bilong man bilong yupela stret o ples bilong yupela.

Mi laik toktok liklik long yangpela meri. Yupela ol yangpela meri save gat stret long

grisim ol maritman tasol. Traim na pren wantaim ol yangpela singel man.

Nogat yupela sindaun antap long naip bilong ol maritmeri. Na yu bai pinisim yangpela laip bilong yu long wanpela de tasol. Na yupela bai i no inap amamasim gut laip bilong yupela long dispela graun.

Yupela mas maritim ol yangpela man olsem mi.

**Samson Peter
MENDI**

No ken gris long vot

Dia Edita,
Mi wanpela boi bilong ples Dinam long Bogia distrik bilong MADang provins. Nau mi stap long Bogia haus sik. Mi laik autim liklik wari bilong mi.

Mi stap long Bogia haus sik long planti yia. Yia bilong mi i sanap olsem 20 nau. Tasol mi i no lukim wanpela memba bilong Madang Provinsal gavman i baim sampela rais wantaim tinpis na givim long ol sikman na meri long wod. Nogat tru.

Nau long dispela 1994 provinsal ileksen, ol kendidet i tokim mipela ol sikman meri long votim ol, bai ol i ken kamapim gutpela sindaun long haus sik.

Tasol mi laik askim ol dispela kendidet, taim yupela i win, yupela save givim baksait olgeta long mipela ol sikman meri. Nau yupela kamautim K50 na givim mi pastaim, bai mi votim yupela. Yupela no ken kam long hia na mauwara tumas long yupela.

Nau yet nogat wanpela kendidet i baim beg rais na givim long mipela ol bikman meri. Olsem na plis no ken grisim ol sikman meri long givim yupela vot nating.

Yupela ol kenedet i no ken grisim ol manmeri long votim yupela. Yupela i save grisim ol manmeri olsem ol meri i save grisim ol man. Dispela kain pasin i mas stap nau. Em laik bilong manmeri long givim yu vot.

Mipela ol sik manmeri bilong Bogia haus sik i save stap long strong bilong mipela yet. Mipela save kaikai ol kaikai bilong mipela yet i kam long ples.

**Adolph Wasara
MADANG**

Husat i laik salim pas i kam long edita i mas raitim stret nem na salim i kam long dispela adres: Pas i go long Edita, Wantok Niuspepa, P.O. Box 1982, Boroko - N.C.D.

PNG LAIPSTAIL

Ol Turubu welkamim nupela garamut

GABRIEL MOLOK i raitim

PASIN na wok bilong lukautim kalsa na lainim ol yangpela bilong ples long kainkain pasin tumbuna na kalsa i wanpela bikpela samting insait long sosaiti bilong Papua Niugini.

Ol lapun manmeri long ples i save mekim planti toktok na tu sampela taim i save kros sapos ol yangpela manmeri no bihainim o egensim kastam na kalsa bilong ples. Ol i save toktok planti na kros bikos ol i laikim olsem ol yangpela i mas luksave long pasin tumbuna bilong ol.

Ol lapun papa bilong ples Kep long hap bilong Turubu long Is Sepik provins i save mekim wankain samting. Ol i laikim olsem ol yangpela man i mas save long we bilong sapim nupela garamut. Ol i no laikim olsem ol yangpela i mas holimpas dispela kastam bilong ples.

Wanpela gutpela eksampel i kamap long dispela ples (Kep) long Novemba 11. Olgeta manmeri long ples i bung na putim kamap wanpela tumbuna singsing ol i kolim *Dan Waron* long amamasim na welkamim wanpela nupela garamut ol lapun papa i wokim.

Samting olsem 5 handet manmeri na pikinini bung long ples Kep. Na ol i mekim bikpela kaikai na putim kamap singsing *Dan Waron* long soim amamas bilong ol i go long ol lapun papa long pinisim na bringim dispela nupela garamut i kam aut long ples. Ol pipel bilong ples Kep i kilim 5-pela pik na mekim kaikai.

Long dispela taim, ol lapun i tokaut olsem pasin tumbuna na kalsa bilong ples i mas stap olgeta taim wantaim olgeta manmeri insait long sosaiti. Bikos pasin tumbuna na kalsa i stap wantaim ol pipel bilong Papua Niugini

Ol i tok ol yangpela long ples i mas holimpas na bihainim kastam na pasin tumbuna bilong ol. Sapos ol i no mekim dispela samting, ol yangpela bai no inap sindaun gut long famili bilong ol. Na laip bilong ol insait long ples, komyuniti na sosaiti bai bagarap.

"Tude kainkain save na wok bilong ol waitman i wok long kam insait long kantri bilong mipela. Planti yangpela manmeri wok long lusim ples na go aut long ol taun long painim gutpela amamas, laip na sindaun. Sampela i lusim ples long painim wok na ol arapela i go aut long skul na kisim save bilong ol waitman. Ol lain i stap long ples i mas holimpas pasin tumbuna na kastam bilong ples," ol lapun papa bilong ples Kep i tok.

Pasin, kastam bilong bihainim na tu stail bilong sapim garamut i no wankain long olgeta ples insait


long Is Sepik provins. Wanwan ples long wanwan eria i gat stail bilong em yet. Eksampel- stail bilong ples Surumba long Hawain eria i narakain long stail bilong ples Tangujamb long Ambunti distrik long hap bilong Sepik wara.

Ol lapun papa bilong wanwan ples i save sapim garamut bihainim stail ol tumbuna na papa bilong ol long taim bipo i save sapim. Sampela i save sapim bihainim tumbuna stori, masalai na ol arapela spirit we i gat sampela kain mining o mak long famili na klen bilong ol.

"Tude kainkain save na wok bilong ol waitman i wok long kam insait long kantri bilong mipela. Planti yangpela manmeri wok long lusim ples na go aut long ol taun long painim gutpela amamas, laip na sindaun. Sampela i lusim ples long painim wok na ol arapela i go aut long skul na kisim save bilong ol waitman. Ol lain i stap long ples i mas holimpas pasin tumbuna na kastam bilong ples."

Wok bilong sapim garamut long sampela ples i klostu wankain olsem wanpela soka, volibal o ragbi gem. Wankain olsem wanpela soka gem namel long tupela tim, ol lapun papa tu i save wok resis long sapim garamut. Sapos wanpela lapun man long wanpela ples i ken sapim wanpela gutpela na naispela garamut we taim em i paitim ol pipel bilong ol ples long longwe hap i ken harim, dispela lapun man i winim ol arapela man. Ol arapela lapun man tu bai wokhat long traim na winim dispela lapun man. Sapos wanpela i ken winim em, dispela bai kamapim pasin bilong wokhat ken long sait bilong em. Em i mas sapim nupela garamut we i winim tru namba wan na tu bilong man husat i winim em.

Planti waitman i ken tok olsem garamut i wanpela liklik samting insait long wanwan ples. Tasol ol lapun man bai rabisim dispela tingting bilong ol waitman. Bikos garamut em i wanpela samting we i ken givim biknem na rispek i go long ol lapun man husat i save karim aut wok bilong sapim garamut. Na ol yangpela long ples bai askim dispela lapun long kisim save long we bilong sapim garamut. Ol man long ol arapela ples i ken askim dispela lapun man long go na sapim garamut bilong ol. Taim dispela samting i kamap, gutpela pasin bilong wokbung long sait bilong kastam wok na tu prensip bai kamap na stap namel long dispela tupela ples.




• (antap) - Papa bilong garamut long namel i laik givim garamut i go long ol lain em i wokim long givim ol. Ol manmeri i bilas pinis long tumbuna pasin na redi long singsing *Dan Waron*.

• (daunblo) - Ol bikman i traim long paitim garamut long namba wan taim bilong bung we ol arapela pipel i witnessim. na tu ol bai yusim dispela garamut long singsing wan-taim.



Biknem raskol senisim pasin / Madang gat planti gutpela amamas



• Elvin Waliawi.

Bihain long em i bungim dispela hevi, Elvin i luksave olsem em i mas senisim pasin nogut bilong em. Na i mas sindaun gut na kamap wanpela gutpela memba bilong famili bilong em na tu wanpela gutpela sitisen bilong komyuniti. Em i luksave tu olsem pasin nogut bilong dispela graun bai no inap long givim gutpela laip we em i pilim i gutpela long famili bilong em.

Long nau yet, Elvin i wok long lukautim na ranim stua bilong famili bilong em insait long Wewak taun. Dispela i mekim em yet i luksave olsem pasin nogut i no inap winim gutpela pasin long dispela graun.

Arapela bikpela samting i olsem ol arapela yangpela bikhet man insait long Wewak taun i luksave olsem Elvin i no moa olsem bipo. Ol i luksave olsem em i wanpela nupela man. Planti gutpela manmeri tok olsem ol arapela bikhet man i mas bihainim lekma bilong Elvin. Na tu ol i gat bkpela amamas long Elvin long senisim pasin nogut bilong em.

Famili bilong Elvin tu i gat bikpela amamas tru long em. Bikos long ol yia i go pinis, ol pasin nogut i save bagarapim gutnem bilong famili bilong em. Tasol nau dispela kain samting i no moa kamap na stap. Bikos nau Elvin i wanpela gutpela memba bilong famili.

LONG ol yia i go pinis, planti yangpela man taim ol i go insait long mekim kainkain pasin nogut, ol i save painim hat tru long senisim pasin nogut bilong ol. Wanwan tasol i save luksave long pasin nogut bilong ol. Na ol i save senisim ol dispela pasin nogut bilong ol. Planti save painim hat tru long mekim dispela samting. Bikos ol i no luksave olsem pasin nogut ol i mekim i kamapim hevi na bagarap long komyuniti.

Tasol long tude, planti yangpela bikhet man husat i save mekim ol pasin nogut i wok long senisim pasin nogut bilong ol. Na ol i kirapim sampela liklik projek na wok long helpim ol yet. Long wankain taim long soim ol pipel long komyuniti olsem ol i no moa stap yet olsem ol bikhet man.

Wanpela kain man olsem i stap insait long Wewak taun long Is Sepik provins. Dispela man i bin wanpela bikhet man stret na

planti manmeri insait long Wewak taun i save gut long em. Tasol bikpela samting i olsem dispela man i senisim ol pasin nogut bilong em long kamapim hevi na bagarap insait long komyuniti. em i no moa go het yet long kamapim ol bikhet na krangi pasin.

Nem bilong dispela man ya em Elvin Waliawi. Em i bilong wanpela ples ol i kolim Haniak.

Elvin Waliawi senisim ol pasin nogut bilong em bihain long em i bungim wanpela bikpela hevi. Dispela hevi olsem em i kisim bikpela bagarap long han bilong ol plisman long provins. Na klostu dispela hevi rausim laip bilong em long dispela graun. Tasol i luk olsem Bikpela Papa God i marimari long em na i no lusim laip bilong em. Tasol God i mekim em long luksave olsem pasin em i mekim i no gutpela long komyuniti.

DAVID FRANCIS i raitim

KLOSTU tasol long Lae em naispela liklik taun bilong Madang. Wankain olsem Lae, Madang taun tu i sindaun tasol klostu long nambis.

Husat i stap long Lae i laik go long Madang i ken go lon sip, balus o long rot. Dispela tripela rot bilong wokabaut tu i opim tru rot bilong ol arapela wok development long kamap.

Na wanpela bilong ol dispela bikpela wok developmen bilong bipo em Ramu Suga kamapani.

Madang yet i gat planti gutpela samting bilong pulim ol turis bilong ovasis na long Papua Niugini yet (lokol turis).

Sampela ripot i tok Madang taun yet i sindaun antap long hap graun em bipo solwara i karampim. Na nau, em i banisim tu wanpela gutpela bris bilong ol sip.

Madang tu i gat nem olsem kokonas taun, bikos long olgeta kona i gat kokonas tasol. Long taim bipo, ol namba wan waitman bilong kantri Jemeni i bin sindaun long Madang na wokim ol plantesin kokonas em planti bilong ol i sanap yet.

Na long dispela taim, ol i planim planti gutpela diwai bilong malolo na kisim kolwin em i sanap yet long ol rot long Madang.

Madang, wankain olsem ol arapela taun na siti long Papua



• Ol nambis bilong Madang olsem poto i soim em wanpela samting we i save holimpas stret ai bilong ol turis bilong ovasis.

Niugini, i gat ol komyuniti, haikulna ol koles, ol liklik na bikpela stua, haus sik, ol hotel na ol gavman opis.

Long sampela hap bilong ol nambis long taun i gat ol sain i tok olsem: "Lukaut, i gat pukpuk long hia". Tasol na ken wari tumas long dispela bikos dispela em samting bilong long Sepik.

Narapela samting em i gat bikpela stori em dispela Kalibobo Laithaus bilong tingim ol dispela lain man bilong bipo husat i bin wok long taim bilong woa olsem ol haitman, na

ol i save ripot long wanem samting ol birua i mekim na wanem samting i kamap long solwara na nambis bilong Madang.

Long Tusbab haikul i gat wanpela gutpela na naispela misium, olsumatin tu i gat ol singsing grup husat i save mekim save long brukim kundu taim ol turis na arapela lain i go raun long skul.


Long nambis na solwara tu i gat tripela liklik ailan em maunten paia i stap yet. Ol dispela ailan em Manam, Karkar na long ailan. Long wanpela bilong ol i

gat bikpela raun wara i stap.

Graun bilong ol dispela ailan, man i mas kisim bot long Madang. Bilong go long Manam em long Bogia o Madang yet.

Dispela liklik taun namel long nambis bilong Is Sepik na Morobe provins tu i gat ol gutpela pilai graun. Em i gat pilai graun bilong ragbi lig, soka, pilai golv na tenis.

Planti turis tu i save aigris long gutpela solwara na rip bilong glasim ol pis samting. Na tu i gat ol planti arapela samting bilong lukim, wokim na amamas.



SKRUIM TOK

Lep i go long rait

1. Orens
4. Ol Kristen i bilip long em
6. Bihain long wan
8. As bilong ol samt-ing
9. Ol i bin pait long PNG long Wol Woa
13. Skoa
14. Tok bilas long ol Papua
17. Primia bilong Madang
19. Pes bilong en i stap long K1
20. Tisa Koles
22. Milen Be Provins i stap long dispela hap bilong Papua
24. Ol asples man-

meri

26. Viles
29. Bilong (Inglis)
30. Diwai
32. Poro bilong meri
33. CHM, NBC na Pacific Gold em tripela kampani i save wokim dispela
35. Em i save karim haus bilong em long baksait
37. Binatang i save long bet na dringim blut bilong man
38. Yau

Antap i go daun

1. Bikpela laik
2. Aigris
3. Samting bilong karamapim skin

4. Grin lait i toksave long dispela
5. Man i save pilai ol kaset long redio na long disko
6. Tenkyu
7. Yunivesiti long Lae
10. Pes bilong kanu
11. Vinega
12. Diwai i gat planti rop i hangampa long en
15. Wanpela diwai kaikai
16. Paitim dua
18. Meta
21. Bia bilong ol Tolai
23. I no yumi
24. Pisin i save tok-

25. Brukim long naip
26. Pikinini Sepik
27. Narapela man ol samting
28. Primia bilong Not Solomons Provins
31. Sik i kamap long ol pipel i mekim olsem dok
34. Biuro ov Manesmen Sevises
36. Melanesian Alaians

Ansa bilong skruim tok long pes 21

Meri Bogia brukim rekot

**VERONICA
HATUTASI
Iraitim**

LONG dispela taim, ol Papua Niugini meri i strong long brukim rekot na holim ol wok we long bipo, ol man tasol i mekim.

Kain meri olsem ol em Gertrude Didei. Dispela meri Bogia bilong liklik ples Giri insait long Madang provins em i wanpela top meri. Bikos em i kamap nambawan meri long Papua Niugini long kisim mastas digri long Anestisioloji. Anestisioloji em i han bilong marasin we ol i putim ol sik manmeri long slip wantaim marasin. Dispela em bipo dokta i wokim operesen long ol.

"Bikpela salens na hatwoki stap long wok na kos long kamap olsem wanpela anestisiolojis. Tasol sapos manmeri i gat bikpela laik stret long mekim dispela wok na givim taim bilong em, em bai painim amamas long wok," Gertrude i tokim Wantok Niuspepa taim ripota i toktok wantaim em long greduesen de bilong em long yunivesiti long dispela wik Tunde.

"Olsem fes meri long kantri long kisim dispela wok, mi laik strongim tingting bilong ol narapela meri long tekimap salens na bihainim mi," Gertrude

i tok.

Tupela nesenel dokta tasol long kantri i holim wok olsem anestisiolojis. Narapela em wanpela man Milen Be, Dokta Noel laubihi.

Gertrude i tok wok em i mekim i dil wantaim imejensi. Na em i laikim tru long mekim dispela kain wok.

"Wanpela bos bilong mi i strongim mi long tekimap dispela wok mi holim nau. Meri dokta ya em i bilong India, Dokta Patel. Mi wok wantaim em bihain long mi pinisim residensi bilong mi long 1988."

Gertrude em i wokim faivpela yia andagraduet stadi long medikel fakalti. Em long Yunivesiti bilong Papua Niugini long Taurama. Em i pinisim skul long 1989, na bihain wokim wanpela yia diploma stadi. Orait, em i go hetim skul long kisim mastas digri gen. Dispela em i pinisim na greduet long em long Tunde bilong dispela wik.

Em i mekim hai skul bilong em long Tusbab Hai Skul insait long Madang provins. na bihain em i atendim Sogeri Nesenel Hai ausait long Mosbi.

Bikos Gertrude em i wanpela mama wantaim tripela pikinini, i bin gat taim we em i bungim hevi.

Tasol dispela em no stapim em long wok bilong em. Nambawan pikinini bilong en em manki, Emmanuel. Em i gat 12-pela krismas. Nambatu em wanpela

gel, Kimberley, wantaim 4-pela krismas. Na las long en em liklik bebi boi, wanyia ol Desmond.

Nau yet, Gertrude bai go het long mekim

wok long helpim ol sik manmeri husat inidim imejensi operesen. Na ol arapela helpim we em ken givim long wok bilong em olsem anestisiolojis.



• Gertrude Didei wantaim tripela pikinini bilong em bihain long greduesen. Ol pikinini bilong em long lephan i go long rait em Desmond, Kimberley na Emmanuel. Ol foto: Ivan Bayagau.



• Gertrude Didei sanap long namel wantaim tupela arapela gueduet.



■ Wanpela Sarere Kanage wantaim prenmeri bilong em i go raun long Boroko long Mosbi siti. Tupela raun i stap na sampela meri husat i save long Kanage i lukluk strong long Kanage. Em nau prenmeri bilong em i kirap na askim em: Husat dispela ol meri ya i wok long lukluk strong tru long yu? Kanage kirap na bekim: Mi no save long ol ya. Mekim i go na prenmeri bilong Kanage i belhat na tokim Kanage: Yu mas tok stret. Ating ol i mas sampela prenmeri bilong yu ya. Kanage tingting i go nogat na tokim em: Yu ting mi save raun wantaim olgeta meri insait long Mosbi siti.

Long Mande, Kanage ringim wanpela poroman bilong em. Na tokim em long wanem samting i kamap long Sarere. Poroman bilong Kanage harim olsem na kirap tokim Kanage: Bras, yu mas tingting gut. Sapos prenmeri bilong yu tingting krangi o belhat, em bai katim samting ya. Kanage harim olsem na kirap tokim poroman bilong em: Tru tumas, mi no tingim dispela tu ya. Stat long nau, taim mi slip wantaim em, bai mi pasim wanpela ai tasol. Arapela bai ol i stap olsem sekyuriti gad. Kerema Mori

KEREMA


□ Wanpela taim Kanage i go spak. Na meri bilong em i go stori wantaim ol pren bilong em i stap. Kanage spak i go na tekov i go long haus. Taim em i kamap long haus, em i painim olsem meri bilong em i no stap long haus. Em nau boi painim em i go na bungim meri bilong em i wok long stori wantaim ol pren bilong em i stap. Em nau Kanage kirap na askim meri bilong em: Yu kam mekim wanem samting long hia i stap. Yu no inap sindaun gut long haus. Meri bilong Kanage tingting i go nogat na askim Kanage: Na yu painim wanem samting i kam long hia. Yu no inap sindaunim as bilong yu long haus. Kanage belhat na tokim meri bilong em: Yu no ken mekim mi kros, nogut bai mi holim nek bilong yu na tanim pes bilong yu i go long beksait. Meri bilong Kanage harim olsem na kirap tokim ol pren bilong em olsem: Yupela harim, dispela man ya, ating samting ya mi holim ol i kolim nem bilong em na wokim. Olsem na mi go stap we, em i sav' bihainim mi go o painim mi go. Maski, yu ala kisim naip i kam na mi katim givim nem bilong em i go bek long em. Ol pren bilong meri bilong Kanage harim olsem na sotwin long lap. Sepik Ya Sepik

WEWAK


■ Wanpela taim Kanage i go spak. Na meri bilong em i go stori wantaim ol pren bilong em i stap. Kanage spak i go na tekov i go long haus. Taim em i kamap long haus, em i painim olsem meri bilong em i no stap long haus. Em nau boi painim em i go na bungim meri bilong em i wok long stori wantaim ol pren bilong em i stap. Em nau Kanage kirap na askim meri bilong em: Yu kam mekim wanem samting long hia i stap. Yu no inap sindaun gut long haus. Meri bilong Kanage tingting i go nogat na askim Kanage: Na yu painim wanem samting i kam long hia. Yu no inap sindaunim as bilong yu long haus. Kanage belhat na tokim meri bilong em: Yu no ken mekim mi kros, nogut bai mi holim nek bilong yu na tanim pes bilong yu i go long beksait. Meri bilong Kanage harim olsem na kirap tokim ol pren bilong em olsem: Yupela harim, dispela man ya, ating samting ya mi mi holim ol i kolim nem bilong em na wokim. Olsem na mi go stap we, em i save bihainim mi go o painim mi go. Maski, yupela kisim naip i kam na mi katim givim nem bilong em i go bek long em. Ol pren bilong meri bilong Kanage harim olsem na sotwin long lap. Sepik Ya Sepik WEWAK

MOA TOK PILAI LONG PES 21

Wok bilong lukautim ol aipas no isi



• Tisa man i skulim ol aipas pikinini. |



• Tisa meri skulim wanpela aipas pikinini long yusim masin bilong taipim ol toktok.

GODFRIEND NIAKA i raitim

WOK bilong skulim ol aipas manmeri na pikinini long rit na rait long skul na tu long lukautim ol yet long mekim ol samting olsem waswas, kaikai, pilai gita, wok-abaut, senisim klos i no wanpela ispela wok. Dispela em i wanpela bikipela na hatpela wok. Ol manmeri husat i stadi long skulim na lainim ol aipas long mekim ol dispela samting tasol i ken karimaut dispela wok.

Toktok long ol aipas manmeri na pikinini, insait long Gorokoa long lsten Hailans provins, i gat sampela aipas man na pikinini stap. Ol i stap long wanpela senta bilong ol aipas ol i kolim Mt Sion Centre for the Blind-Maun Sion

Senta bilong ol Aipas.

Maun Sion Senta bilong ol Aipas i stap 6 kilomita ausait long Goroka taun. Sapos yu go long dispela hap long lukim ol aipas, ai bilong yu bai mangalim stret ol aipas manki i pilai, wok long gaden plawa, pilai gita na singsing na tu mekim planti arapela samting. Sampela i ken go antap long diwai na rausim o brukim ol drai han bilong diwai.

Ol lain husat i ranim Maun Sion Senta bilong ol Aipas em Kongrigesen Bilong ol Kristen Bruda. Ol i statim dispela senta long 1983 bihain long ol i luksave olsem i gat nid long statim wanpela aipas senta long lukautim, lainim na skulim ol aipas man na pikinini. Ol bruda i kisim sampela ausait manmeri husat i gat save long tisis ol aipas long helpim ol long lukautim, lainim na skulim ol aipas man na pikinini.

Maun Sion Senta bilong ol Aipas i save kisim mani long ol intansenel dona oganaisesen na tu sampela oganaisesen insait long kantri yet long karim aut ol wok bilong em. Wanpela bikipela spon-sa bilong Senta em wanpela oganaisesen bilong Jemeni ol i kolim Christoffel Blindenmission (CBM). Dispela oganaisesen i save givim bikipela helpim mani go long Maun Sion Senta bilong ol Aipas.

Dispela senta bilong ol aipas i save kisim mani i kam tu long Katolik sios bilong Australia na Papua Niugini long karim aut wok bilong em. Sampela taim ol praivet oganaisesen long ovasis tu i save givim helpim long sait bilong mani. Sampela local bisnisan na bisnis haus insait long lsten Hailans provins tu i save givim helpim i go long senta.

Ol aipasman na pikinini husat i stap long senta i no bilong lsten Hailans provins o bilong Hailans

rijon tasol. Nogat. Ol i bilong olgeta hap bilong Papua Niugini. Taim ol i pinis long senta, ol i save go bek long ples bilong ol.

Long nau yet, Maun Sion Senta bilong ol Aipas i save kisim, lukautim, skulim na lainim ol aipasman na pikinini tasol. Senta i no save kisim ol aipas meri. Tasol stat long narapela yia (1995), senta bai kisim ol bikipela na liklik aipasmeri.

Maun Sion Senta bilong ol Aipas i save lainim ol liklik aipas manki long yusim wanpela samting ol i kolim braill long rit na rait long skul. Long nau yet, 7-pela aipas pikinini skul nau long Faniufa komyuniti skul long Wes Goroka, 6-pela i stap long haikul na wanpela aipas meri winim pinis haikul na i wokim seketeriel kos bilong em nau long Goroka Teknikel Koles.

Nau yet Senta i wok long laukautim na tisis 26 aipas pikinini na tripela aipas man.

Ol wokmanmeri bilong Senta i save lainim na skulim ol tu long mekim ol samting olsem kaikai, waswas, senisim klos bilong ol yet na wokabaut.

Sampela arapela wol Senta i wok long karim aut long nau yet em: sekap long ol aipas pikinini husat i pinis long Senta na wok long skul long ples bilong ol, sekap long ol liklik skul pikinini sapos ia bilong ol i pas, go raun long ol rurel eria na sekim ol bikipela manmeri long painim ol aipas lain na kisim ol i go long Senta na skulim ol na salim ol i go bek long ples na karim aut wok bilong lainim na skulim ol manmeri na pikinini long lukautim ai bilong ol.

Long nau yet, Senta i gat 6-pela (wanpela meri na 5-pela man) wokmanmeri husat i save skulim ol aipas man na pikinini. I gat tu tripela treni voluntia-wanpela meri na tupela man.

Sapot bilong bos na ol famili sapotim Roslyn long grednet

VERONICA HATUTASI i raitim

"SAPOT ol bos long wok na famili i givim i helpim mi long wokim na pinisim gut kos."

Roslyn Kenneth Busasa i tokim Wantok olsem bihain long em i kisim Honas digri long Basela bilong Arts long Tunde bilong dispela wik. Em i greduet wantaim 500 arapela yunivesiti sumatin.

Long klas bilong em, em i wanpela meri tasol. "Sapos yumi setim gut gol long wok olsem sumatin na ino olsem man o meri, bai yu skul gut. Na nogat man bai i lukluk daun long yu bikos yu wanpela meri," Roslyn i tok.

Roslyn i marit na em i gat tupela liklik pikinini. Planti lain i edvaisim em long noken karim pikinini taim em i skul yet. Bikos dispela bai i stapim em long ni hetim gut skul bilong em. Tasol em i tok dispela em i no stret. Pikinini ino inap stapim meri long wok sapos em i ken hendlim. Wantaim tupela pikinini emi gat nau husat i gat krismas namel long wan na tri, em i wok na pinisim tu stadi. Na kisim onas long Basela bilong Arts we i speselais long Antropoloji. Na em i no stap long

dispela.

Roslyn i tok ol plen i stap pinis long em i go stadi long Mastas digri long Australia long neks yia. Sapos em i wokim gut dispela, em i gat bikipela laik long go hetim stai na kisim doktret bilong em.

Em i raitim wanpela pepa ol i kolim long tisis. Dispela em long "Wanem samting Ikonmik Dvelopmen i kamapim long matrilinial sistem bilong ol Haku pipel long Buka Ailan, Not Solomons provins. Em i kisim 12 pela mun long wokim stadi, rises na wokim raitap long dispela samting.

"Famili bilong mi i sapotim mi gut. Ol i helpim mi long lukautim ol pikinini taim mi wokim rises stadi long ples. Dispela em long las yia i kam inap long pinis bilong sekon semesta long dispela yia. Na mi amamas tru long sapot bilong ol, wantaim tu ol bos bilong mi long wok.

Roslyn em i wok olsem sinia rises opisa wantaim Nesenel Risets Institut (NRI).


Bihain long em i pinisim skul long 1989 na kisim Arts digri long Antropoloji, em i karim nambawan pikinini. Em i wok wantaim NRI, na ol i sponserim em long go bek

stadi. Em i tenkim NRI long dispela, husat em i tok i gat gutpela trening progrem we i helpim tru husat lain i soim olsem ol inap long go hetim ol stadi na skruim save bilong ol.

"NRI yet i gat plen long salim mi i go long Australia long wokim Mastas digri. Olsem na mi bai wok wantaim ol bikos ol i helpim mi gut stret long go hetim ol stadi bilong mi."

Hap tok bilong Roslyn long ol meri em, "Strong long skul na bai ol man i rispektim na sapotim yupela. Yumi ol meri i ken wokim wankain wok olsem ol man sapos yumi strongim tingting bilong yumi."

Roslyn i bilong ples Lontis long Buka Ailan. Em i wokim hai skul bilong em long Asitavi hai skul long Wakunai. Dispela em long Bogenvil yet bipo long em i go long Passam Nesenel hai we em wokim gred 11 na 12. Na bihain em i kam skul long UPNG. Bihain em i pinism skul long yunivesiti, em i stat wok long NRI long Epril 1991. Em i wok yet long hap na wokim ol stadi bilong em we i pinis na long Tunde em i kisim honas digri.



• Roslyne long raitim wantaim Gertrude bilong Bogia greduet long dispela wik Tunde. Foto: Ivan Bayagau.

Man i go pas long ol greduet bilong EPAC


MODOWA Gumoi i save tok pilai na mekim ol studen bilong em i mas lap na ai op pastaim long em i statim lesen bilong em long klasrum. Em i save brukim daun o' bikipela toktok olsem Economic i go long liklik toktok tru we ol liklik manmeri tu iken klia long as bilong ol bikipela toktok olsem.

Modowa Gumoi em wanpela tisa bilong Nesenel Rises Institut (NRI) long Mosbi na em i kodineta bilong dispela kos long Ekonomik Polisi Analisis Kos (EPAC). Em i holim kos ya long tupela krismas nau.

Insait long 6-pela wik kos ya, kodineta Gumoi i save askim ol manmeri insait long klasrum long tokaut long tingting bilong ol long wanem kain wok tru em ekonomik polisi (bisnis wok) i mekim nau long kantri. Dispela toktok i save go longpela bikos ol lain i wok long gavman dipatmen i save harim ol bikmaus na tok strong i kam long ol ausait woka bilong ol kampani.

Wanpela studen ol i save kolim em Sera i man bilong kirapim ol toktok bikos taim em toktok, bai planti arapela i go insait long toktok bilong em na pulim i go longpela taim tru.

Tasol Mista Gumoi i save tokim




• Modowa Gumoi: Kodineta bilong Ikonmik Polisi Analisis Kos (EPAC) long Nesenel Rises Institut (NRI).

ol studen olsem ol i gat olgeta samting long toktok long en bikos ol tasol inap stretimol dispela hevi we i save kamap insait long wok bisnis bilong kantri. Ol i mas toktok long wanem samting i no gutpela na kamapim ol gutpela tingting bilong stretim ol hevi ya.

Insait long klas bilong em, i gat ol studen husat em ol sinia gavman opis long ol wok olsem sinia rises opisa na projek opisa, asisten seketeri bilong dipatmen na tu



• Tupela niuseri bilong TIMES Niuspepa, Harlyne Joku (lephan) na Emily Matasororo (raithan) husat i bin sindaun tu long kos ya na pinisim wantaim Diploma long las wik Fraide.



• Ol manmeri husat i bin sindaun long 6-pela wik EPAC kos long NRI i bung long greduesen de long kisim Diploma pepa bilong ol.

ol menesing dairekta bilong kampani.

Long las wik Fraide, Mista Gumoi i sanap lukluk long 27 studen bilong em i pinis wantaim Diploma setifiket pepa bilong ol long dispela kos.

"Mi amamas tru long lukim ol manmeri i pinis na kisim pepa bilong ollong wanem samting mi lainim ol. Mi save traim long lainim ol gut long ol i mas klia long wanem samting em ekonomik polisi", Mista Gumoi i tok.

Ekonomik Divisen bilong NRI i save givim dispela EPAC kos long olgeta yia. Dispela kos i bin stat long 1989 inap nau. Wok bilong em long skulim ol manmeri husat i wok long gavman opis o long praivet kampani long save long wok bilong ikonomi insait long kantri.

Mista Gumoi i tok dispela kos i no wankain olsem long Yunivesiti we ol studen i save lainim planti samting long klasrum. Planti samting em ol saveman bilong dispela wok tu i save kam na givim skul long ol manmeri.

Kos kodineta ya i tok planti toktok i kamap ausait long dispela EPAC kos i no ken kamap long diploma level. Tasol em i save tok; nambawan, dispela em Ekonomik Polisi Analisis Kos na i no Ekonomik kos olsem long Yunivesiti. Tupela samting wantaim i no wankain. Namba tu em i tok, long Yunivesiti, ol i save kisim 56 lekasa aua long skul bilong Ekonomik stadi. Long NRI, ol i save kisim 76 lekasa aua long skul bilong Ekonomik stadi.

"Mi amamas tru long lukim ol studen i pinis na kisim diploma pepa bilong ol bihain long mi save putim bikipela wok na strong i go long lainim ol long wok bilong ikonmik polisi bihainim save bilong mi".

Ol kos i karamapim statistics na micro, macroeconomic policy. Ol i stretim gen kos bilong dispela yia na putim kos bilong Rural Finance, Sustainable Development, Privatisation, Village Services Scheme na Decentralisation. Mista Gumoi yet i go pas long olgeta kos na ol leksera biong Yunivesiti i kam helpim long sampela kos. Arapela bikman bilong wanwan gavman dipatmen i kamap tu long givim kos.

Mista Gumoi i bin pinisim skul bilong em long UPNG long 1986 wantaim Basela long Ekonomiks. Em i go wok wanpela yia tasol wantaim Agrikalsa Beng. Long 1988 em i go bek skul long UPNG na kisim Honas bilong em long Ekonomiks.

Em i joinim NRI na wok poroman wantaim Dokta Dahanayake husat i bin kamapim EPAC long 1989. Long 1990 na 1992, Mista Gumoi i kisim Diploma long

Agrikalsa Ekonomiks na Mastas, long Ekonomiks long Yunivesitiblong New England long Nu Saut Wels, Australia. Taim em i kam bak long NRI, em i kisim dispela wok olsem kodineta bilong APEC long NRI long 1993 na 1994.

Long neks mun bai Mista Gumoi bai i no inap stap bikos em bai go skul long Yunivesiti ov New England long kisim Ph D long

bai lukluk long ol wok bilong neserel risoses o o lsamting i stap long graun na bus bilong mipela. Dispela stadi bai kamapim tingting bilong bringim ol wok developmen long yusim ol dispela samting na traim tu long sevim sampela samting i stap. "Mi ting bai dispela stadi bai helpim gavman long wokim plen bilong wok bisnis long bihain", Mista Gumoi i tok.



• Joseph Lelang, wanpela Ikonmi wokman bilong Fainens na Plening dipatmen i bin kamap top studen bilong dispela EPAC kos long NRI.

Ekonomik. Eria bilong em long stadi i bikipela samting tu long PNG bikos em bai stadi long Neserel Risoses Ekonomiks.

Hettok bilong dispela stadi bilong Mista Gumoi em "The Conflict and Trade Off between Development and Conservation of Natural Resources: The Sustainable management of Tropical Forests in PNG".

Mista Gumoi i tok dispela stadi

Mista Gumoi i tok dispela kos bilong EPAC bai i kamap yet long neks yia na i gat ol Ekonomik tisa husat i soim laik pinis long holim yet long dispela kos.

Mista Gumoi i tokaut tu olsem em i wanpela kristen na em i kisim ol dispela samting i kam long bikipela papa God.

Modowa Gumoi i bilong ples Tati long Daru, Westen provins na i marit wantaim wanpela pikinini.

NEKS WIK:

Lukim stori na ol poto bilong Hohola Teknikel Trening Senta



Big Bro REBO


KONVENSIN KIK I STAP LONG KONA STRET...




NAU EM KIK...



TASOL POPAIA... BAL I PAITIM POS NA GO AWT...



NAU SKOA I STAP LONG 6-4... OL KUMULS I GO PAS LONG SKOA...



PILAI I STAT GEN... BIKPELA PROP FOWET BILONG OL AUSSIE I PAIA I KAM...



NA DAUNIM EM OLGETA... YU TING YU TASOL I GAT BUN, AHE? KAM TRAIM MI!!



Spak MAIK

OL DINAU I HIP LONG WAN MUN OLGETA...



SIK-LIV I PINIS NA MAIK I GO BEK WOK...



MONING, MINISTA! WELKAM BEK TO WOK !!



BOOHOO!! BILONG WANEM NA RAUSIM SEKETERI BILONG MI... SOB! OH PLUS, MI LES! MI LES!




EM SINDAKIN KRAI I STAP NA OLPELA SEKETERI I KAM INSAIT LONG KISIM LAS PE BI LONG EM...



HEY, MINISTA!! YU ORAIT, OZ?!



LOWER PRICES



777 MACKEREL IN OIL
150z WERE K1.82
K1.52



RAMU SUGAR 500G
WERE .77t
.62t



ILIMO CHICKEN SIZE:10
WERE K4.07
K3.47



TULIP PORK LUNCHEON MEAT 340G
WERE K1.48
K1.27



COLD POWER 200G
WERE .71t
.65t



CHOICE PIECES 900G
WERE K3.28
K2.85



CADBURY ASST'D CHOCOLATES 55G
WERE K1.07
.75t



AXION DISH-WASHING PASTE 200G
WERE .73t
.67t




LAMB PIECES
WERE K1.56
K1.00



FLAME PLAIN FLOUR 10KG WERE K5.32
K4.77



TRUKAI WHITE RICE 2KG WERE K1.48
K1.13



ENGLISH CABBAGE
WERE K1.43
K1.39

SPECIALS AVAILABLE UNTIL 2-12-1994

TRADING HOURS
 MONDAY 8:30am to 6:30pm
 TUESDAY 8:30am to 6:30pm
 WEDNESDAY 8:30am to 6:30pm

erimo 
SUPERMARKET

THURSDAY 8:30am to 6:30pm
 FRIDAY 8:30am to 7:00pm
 SATURDAY 8:00am to 6:30pm
 SUNDAY 9:00am to 1:00pm

MUSIK NA TELEVISEN

PAPUA NIUGINI



Ol boi Finsafen mekim nois gen



• Bongas i sindaun long studio na redim ol samting bilong katim kaset. Em i save singim planti singsing long ol kaset bilong Rexi

REKS Ben bilong ples Gagidu long Finsafen, Morobe provins i wok long mekim nais yet long PNG musik indastri.

Ol ples manki ya i mekim planti hap bilong Papua Niugini i guria pinis wantaim ol kain musik na stail pairap bilong gita long tupela kaset bilong em stat long 1991 i kam las yia long 1993.

I tru olsem no gat man o meri bai tok em i no save long song 'Se Gunge Fo' na 'Swit Finch'. Tupela song ya i mekim nais long PNG na i bin kamap na stap longpea taim tru long PNG Top 20 lista bilong Radio Kalang.

Olsem na yu no inap kirap no gut nau long harim namba tri kaset bilong ol manki Gagidu long nupela nem, 'Wan Kantri' aninit long Pasific Gold Studio lebel.

Nupela kaset ya i gat planti nupela stail bilong musik na pairap bilong ol ilektronik masin we i mekim krai bilong ol singsing i go narakain olgeta. Ating Pacific Gold Studio i laik yusim kaset bilong Reks Ben long soim aut ol nupela kain masin na ol pawa samting bilong ol insait long studio.

Planti musik insait long nupela kaset ya i gat ol switpela musik bihain-

im Reggae stail musik. Yu no inap bilip tu long harim sampela musik bikos krai bilong musik i no olsem lokel stail bilong PNG. Sampela i olsem Afrika na Jemeika Reggae musik stret.

Reks Ben em wanela ben bilong ples we bipo, ol i save raun long ol ples na pairap insait long ol 6-2-6 disko long wiken. Ol i save raun tu i go long hap bilong Madang provins na tu long hailans long pilai insait long bikpela pati ol long bikpela so samting. Ben i wok long kirap isi isi i kam inap 1991 taim ol i katim nupela kaset bilong ol aninit long Pacific Gold Stu-

dio long Rabaul.

Long nem bilong Reks Ben tasol na em i raitim nem bilong Finsafen antap long mep bilong Papua Niugini we olgeta manmeri long Papua Niugini i save pinis olsem ol manki Finsafen tu i no gut long musik.

Ating i moa gutpela, yu yet i ken traim baim namba tri kaset bilong Reks aninit long nem 'Wan Kantri' na yu ken save long wanem kain musik tru ol lain ya i katim. Lukluk tu long PNG Top 20 bikos no gut Wan Kantri bai mekim nois gen olsem tupela song bilong em, Se Gunge Fo na Swit Finch.

I KAM LONG Ela Motors

OL WIL BILONG NESEN

AMERICAN TOP FORTY

AS AT 05/11/94

CUR.	TITLE	ACT NAME
1.	<i>I Swear</i>	All-4-One
2.	<i>Don't Turn Around</i>	Ace Of Base
3.	<i>I'll Remember</i>	Madonna
4.	<i>You Mean The World To Me</i>	Braxton
5.	<i>Stay (I Missed You)</i>	Lisa Loeb
6.	<i>Mr Jones</i>	Counting Crowe
7.	<i>If You Go</i>	Jon Secada
8.	<i>Baby I Love Your Way</i>	Big Mountain
9.	<i>Any Time, Any Place</i>	Janet Jackson
10.	<i>Anytime You Need A Friend</i>	Mariah Carey
11.	<i>Return To Innocence</i>	Enigma
12.	<i>The Most Beautiful Girl</i>	Prince
13.	<i>I'll Take You There</i>	General Public
14.	<i>The Sign</i>	Ace Of Base
15.	<i>Moving On Up</i>	M People
16.	<i>Misied</i>	Celine Dion
17.	<i>Shine</i>	Collective Soul
18.	<i>Wild Night</i>	Mellencamp
19.	<i>Crazy</i>	Aerosmith
20.	<i>Found Out About You</i>	Gin Blossoms
21.	<i>I'm Ready</i>	Campbell
22.	<i>Until I Fall Away</i>	Gin Blossoms
23.	<i>Can You Feel The Love Tonight</i>	Elton John
24.	<i>Always</i>	Erasure
25.	<i>Back And Forth</i>	Asllyah
26.	<i>Come To My Window</i>	Melissa Etheridge
27.	<i>Prayer For The Dying</i>	Seal
28.	<i>Beautiful In My Eyes</i>	Joshua Kadison
29.	<i>Whatta Man</i>	Salt-N-Pepa
30.	<i>Meat</i>	B.C. 52s
31.	<i>Objects In The Rear View</i>	Meat Loaf
32.	<i>Regular Thang</i>	Ovis
33.	<i>Mmm Mmm Mmm Mmm</i>	Crash Test Dummies
34.	<i>Losser</i>	Back
35.	<i>I Wich</i>	Gabrielle
36.	<i>Without You</i>	Mariah Carey
37.	<i>Centsloop</i>	Us3
38.	<i>Now And Forever</i>	Richard Marx
39.	<i>Ain't Got Nothing If You</i>	Richard Marx
40.	<i>Fall Down</i>	Toad The Wet


EMTV TELEVISEN

THURSDAY 24TH NOVEMBER,

4.57	STATION OPEN
5.00	INT NEWS (G)
5.30	DAY BREAK NEWS (G)
6.00	TODAY SHOW (G)
8.00	SESAME STREET
9.00	STATION CLOSE
1.12	STATION RE-OPEN
1.15	MIDDAY SHOW
3.00	KIDS KONA (G)
	SESAME STREET
4.00	THE PERILS OF PENELOPE PITSTOP
4.30	HOT SCIENCE
5.27	EMTV TOK SAVE
5.29	EMTV NEWS BREAK
5.30	HOME AND AWAY (G)
6.00	NATIONAL EMTV NEWS (G)
6.30	A CURRENT AFFAIR (G)
7.00	SALE OF THE CENTURY (G)
7.30	LOTTO DR.*W (G)
7.33	NEIGHBOURS (G)
8.00	FZZ (G)
8.00	EMTV TOK SAVE
9.05	THE SMALL BUSINESS SHOW
9.30	OUR HOUSE LOOKING

10.30	GOOD
11.30	A COUNTRY PRACTICE
	NATIONAL EMTV NEWS REPLAY
11.57	MEDITATION WITH PASTOR WALO ARNI
12.00	STATION CLOSE
	FRIDAY 25TH NOVEMBER, 1994
4.57	STATION OPEN
5.00	ITN NEWS
5.30	DAY BREAK NEWS
6.00	TODAY SHOW (G)
8.00	SESAME STREET
9.00	THE TOOTHBRUSH FAMILY
9.50	CRICKET
12.00	18 FOOT SKIFF RACING
12.30	CRICKET
5.00	KIDS KONA
5.30	HOME AND AWAY (G)
6.00	NATIONAL EMTV NEWS
6.30	A CURRENT AFFAIRS
7.00	THE NEW SALES OF THE CENTURY
7.28	LOTTO DRAW
7.30	NEIGHBOURS
8.00	MAZDA JACK
	HIGH BOWLS
9.00	MINI SERIES: LONESOME DOVE

11.00	MATLOCK
12.27	MEDITATION WITH PASTOR WALO ARNI
12.30	STATION CLOSE
	SATURDAY 26TH NOVEMBER,
8.54	STATION OPEN
8.57	JOURNEY TO THE WEST
10.00	AUSTRALIA 11 VS ENGLAND TEST SERIES
12.00	18 TOOT SKIFF RACING
12.30	NORTH QUEENSLAND REAL ESTATE
1.00	AUSTRALIA VS ENGLAND
5.00	BEYOND 2000
6.00	NATIONAL EMTV NEWS
6.30	HEY HEY IT'S (G)
	SATURDAY
8.30	NCDC NEWS
9.00	200 MAGIC MEMORIES
10.30	HAWAII 5-0
11.57	MEDIATION WITH PASTOR WALO ARNI
12.00	STATION CLOSE
	SUNDAY 27TH NOVEMBER, 1994
6.52	STATION OPEN
6.52	CHIT CHAT WITH SIR PAULIAS MATANE
7.00	BUSINESS SUNDAY



8.00	SUNDAY CRICKET
9.50	18 FOOT SKIFF RACING
12.00	AUSTRALIA VS ENGLAND
12.30	BONANZA
5.00	NATIONAL EMTV NEWS
6.00	WONDERFUL WORLD OF DISNEY
12 (12)	SINDAUN I BAGARAP
17 (13)	KURE MAINA AKOI
10 (14)	COWBOY COUNTRY
11 (15)	KISS ME
14 (16)	KELA
15 (17)	LOCAL TURIST
18 (18)	LUKLUK RAON
19 (19)	FEIVA FEIVA
11.57	MEDITATION WITH PASTOR WALO ARNI
12.00	STATION CLOSE

PNG TOP TWENTY

AS AT 19/11/94

NO.	SONG	ARTIST
2 (1)	<i>My Love</i>	L Kania
1 (1)	<i>Manus Island</i>	K Lucas
5 (3)	<i>Santu Teresia</i>	P Pomahun
6 (4)	<i>Sepik Meri</i>	B Greg
7 (5)	<i>Tapalan</i>	K Lucas
8 (6)	<i>Rabaul Town</i>	Barike
3 (7)	<i>Kolwin</i>	L Kania
13 (8)	<i>Everything I Own</i>	K Lucas
4 (9)	<i>Solowara Wasim</i>	P Pomahun
19 (10)	<i>Sare Sare</i>	Jerediah
16 (11)	<i>My Bougainville</i>	Dapsy Yapuc
12 (12)	<i>Sindaun I Bagarap</i>	Sauga
17 (13)	<i>Kure Maina Akoi</i>	Greg/Telek
10 (14)	<i>Cowboy Country</i>	Herove/Walters
11 (15)	<i>Kiss Me</i>	Pullmates
14 (16)	<i>Kela</i>	Sagothorn
15 (17)	<i>Local Turist</i>	C Kuskus
18 (18)	<i>Lukluk Raon</i>	L Kania
19 (19)	<i>Feiva Feiva</i>	Hitsy Golou
20 (20)	<i>Under The Boardwalk</i>	Wong/Doi

• Ratings based on requests on Radio Kalang and not cassette sales.

ELA MOTORS OL WIL BILONG NESEN

Brata na susa i tanim plet



BIPO BIPO tru i gat wanpela brata na susa i stap long Kimbe long hap bilong bikpela maunten.

Nem bilong bikpela brata em Kauringi na susa em Saumbali. Tupela yet i save stap bikos nogat man i tingim tupela.

Tupela stap na save mekim ol samting long strong bilong tupela yet. Ol yangpela man i save lukim Saumbali na ol i save aigris long em. Tasol ol save pretim em. Bikos em tu i strongpela meri olsem brata bilong em yet.

Wanpela taim brata bilong em i askim em long tupela i go mekim nupela gaden. Susa i orait long dispela tingting bilong brata long mekim nupela gaden. Long bikpela moning yet, tupela kirap na kukim kaukau bilong tupela long kaikai, na kisim wantaim i go long gaden long kaikai taim tupela i hangre.

Mekimsave

Taim ples i kamap klia liklik nau tupela isi tasol lusim long haus bilong tupela na wok-abaut i go long dispela hap tupela i laik mekim gaden long em.

Tupela kirap na mekimsave long katim ol diwai na klinim ol bus na kukim ol pipia nabaut i go i go na dispela ples bilong gaden i kamap gut stret bilong planim kaikai long en.

Taim tupela i wok long gaden i stap nau, Kauringi i kamap wantaim tingting nogut long susa bilong em. Bikos susa bilong em i naispela meri tru na ol man i save aigris long em. Olsem na em i tingting long maritim susa bilong em. Saumbali i wok i go i go na nek bilong em i drai tru long wara. Em i go askim brata bilong em sapos em i ken larim em i go daun long wara long dring.

Brata bilong em i orait tasol na i em wok-abaut i go long hap wara i stap long em. Taim em kamap long wara, em rausim olgeta skin purpur em save putin na i go daun long wara na mekimsave long waswas i stap.

I no longtaim na brata bilong em i kamap long wara na lukim susa bilong em i waswas i stap na em tok olsem em stret olsem bai



tupela i marit.

Saumbali kirap tasol kam aut long wara na tokim brata bilong em olsem em i orait tasol

long tupela i ken marit.

Olsem na bihain long dispela taim tupela i marit na i stap gut tru. Na tupela i kamapim

planti pikinini na dispela ples i kamap bikpela tru.

Daniel Togi KIMBE.

Mi amamas long stap dring na spak



Dia Laipplain,

Mi wanpela man bilong dring bia na spak planti. Dispela pasin i kamap bikpela tru long laip bilong mi. Na bagarapim tru sindaun bilong mi na famili wantaim. Tasol nau mi laik tokaut long nupela senis em mi kisim na mi gat amamas nau.

Mi wok long dring bia tumas na save paitim meri na pikinini olgeta taim. Mi save bikmaus long ol. Na planti taim mi save rausim ol long haus i

go long ol wantok.

Bos bilong mi long opis tu i no amamas long mi na i bin lusim mi long wok tripela taim pinis. Long dispela taim, ol i save rausim mi na bihain kisim mi bek long wok. Bikos taim mi stap long dring bia, mi wanpela gutpela man tru long wok.

Long namba 4 taim, bos i rausim mi long wok na olkim mi long no ken go bek na wok. Mi bin go stap ausait na no gat wok tru long mekim. Mi

save sot tru long mani na singaut long hap smok na buai long ol poroman bilong mi. Laip i kamap hat tru long taim mi lusim wok na stap nating.

Wanpela taim, wanpela gutpela pren bilong mi i askim mi sapos mi laik mekim sampela samting long stapim dispela kain pasin bilong dring na spak nabaut. Mi bin les pinis long dispela pasin bilong mi. Olsem na mi askim pren ya long mi laik traim dispela nupela rot.

Long dispela senis, mi bin bungim ol lain bilong Alkohol Anonimos (AA) olsem

dokta, pater, tisa na wimens opis. Mi bin kirap nogut long lainim ol rot na pasin bilong lusim bia na spak. Dispela i helpim mi long luksave long pasin bilong mi.

Ol dispela lain bilong AA i helpim mi long senisim olgeta pasin bilong mi. Na mi stat long painim amamas long laip bilong mi.

Taim mi bungim dispela senis long laip bilong mi, mi bin go bek askim bos long olpela wok bilong mi, na ol i kisim mi bek long wok. Bikos bos i tok, yu save strongim mipela long wok long

olgeta Mande moning.

Nau mi amamas tru long wok bilong ol AA. Laip i senis nau.

CITY CITIZEN

Dia Pren,

Mipela i laik tok tenkyu tru long leta bilong yu. Mipela i amamas long yu i bungim gutpela senis long laip bilong yu. Mipela i bilip ol arapela husat i gat kain pasin olsem tu bai go insait long wankain senis yu bin go long en.

Mipela i laik tok tenkyu na amamas i go long yu wantaim famili bilong yu.

MI LAIPLAIN

Salim ol hevi na wari bilong yu i kam long LAIPLAIN, P.O. Box 6047, Boroko. Yu ken ringim mipela tu long telipon namba 26 0011. Mipela i no inap autim trupela nem long hia.



□ Kanage bilong hap bilong Menyama long Morobe provins na nem bilong em Richard. Em i no klia gut long Inglis. Na em i save wok olsem tibo bilong wanpela man Kerema nem bilong em Raphael.

Wanpela Fraide apinun, pastaim long wok i pinis, bos i tokim Richard olsem long 4 klok em i mas klinim opis na bihain pasim opis na kisim ki go long haus. Bos i tokim Richard pinis na em i lusim opis na go aut. Bihain long samting olsem 3-pela minit, wanpela waitman poroman bilong Raphael i ring.

Em nau Richard ron i go na hapim telipon na stallim nek bilong em na ansaim: Helo, this is Lapails opis. Waitman ya kirap na askim: Whom am I speaking to? Richard i kirap na tok: I am Lijet. Waitman ya harim olsem na kirap tok: Godness me, am I speaking to a human being or a reptile? Richard i paul olgeta na kirap tokim waitman: Yes ya, nau tasol em i go ausait pinis.

PNG English ALOTAU

■ Lapun Kanage sik na em i go long haus. Em i go kamap long haus na wanpela yangpela nes meri askim em: Yes lapun, yu gat wanem kain sik tru na yu kam long haus sik? Lapun Kanage pulim strongpela win pinis na tokim em: Pikinini, het bilong mi pen na bros bilong mi hat olsem wanpela sospen wara i boil. Nes meri ya harim olsem na givim sampela marasin long Kanage.

Bihain nau em i tokim Kanage long slip antap long bet na em bai givim em wanpela sut. Tasol Kanage kirap na tokim em: Ai o pikinini, skin bilong mi save pret long dispela bikpela sut ya. Na tu mi slip long slip. Nes meri ya belhat na krosim lapun Kanage: Tokim yu long slip long bet na mekim namba wan wok bilong graun bai yu mekim. Tasol long slip long bet na kisim sut long pinisim sik yu les.


Kanage harim olsem na kirap tokim nes meri ya: Pikinini, dispela namba wan wok bilong graun ya, i gat kainkain we na stail bilong wokim. Yu no inap slip tasol na mekim dispela wok. Samting skin bilong mi pret long dispela nil bilong ol waitman na mi toktok. Pikinini, yu traim na tingim. Sapos mi holim samting nogut ya long ai bilong yu, bai yu pret o nogat?

Joke Master MOSBI

SKRUIIM TOK ANSA



Family Choice



COLD POWER 200G
WERE .71t
.65t



KELLOGG'S CORN-
FLAKES 275G
WERE K3.21
K2.97



ARNOTTS CLIX
BISCUITS 250G
WERE K2.14
K2.05




SIL DISHWASING
LIQUID 750ML
WERE K1.59
K1.39



CHUM DOG FOODS
1.2KG WERE K2.53
K2.18



KRAFT CHEDDAR
CHEESE 250G
WERE K1.98
K1.70



MEADOW LEA
COOKING OIL
500ML WERE K2.48
K2.18



HEINZ BAKED
BEANS IN TOMATO
440G WERE K1.65
K1.41



TULIP PORK
LUNCHEON
MEAT 340G
WERE K1.48
K1.27



AXION
DISHWASING
PASTE WERE .73t
.67t



MORTEIN
AEROSOL 100G
RED WERE K1.79
K1.59



CADBURY ASS'D
CHOCOLATES
55G WERE K1.07
.75t

**TOWN STORE
BOROKO STORE**

Family Choice



ILIMO
COUNTRY CHOICE
CHICKEN
WINGS
ILIMO
WINGS 500G
WERE K2.40
K2.09 EA



LAMB FORE
QUARTER CHOPS
WERE K3.60
K2.60 KG



LAMB SHANKS
WERE K2.04
K1.79 KG



FRESH MALANDA
MILK 2LTRS
WERE K4.99
K4.59



ILIMO
CHICKEN SIZE:14
WERE K4.79
K4.06 EA




LAMB PIECES
WERE K1.56
K1.00 KG




ILIMO CHOICE
PIECES 900G
WERE K3.28
K2.85



ILIMO
FRESH EGGS 55G
WERE K2.35
K1.99 1 Doz



ILIMO
BREASTS
500G
K1.79



TOMATOES
ONLY KG
K2.99




FRESH
BROCCOLI
ONLY KG
K2.99



ENGLISH
CABBAGE
WERE K1.45
K1.39 KG

SPECIALS AVAILABLE FROM 21ST - 11-94 - 02-12-94



TOWN STORE BOROKO STORE



Sno-Wite*

strong tru. Namba wan long olgeta kain
doti wok insait long haus or ples wok.

Sno-Wite*

**ANTISEPTIC
BLEACH**

*Cleans, Whitens, Disinfects
and Deodorises*

500ml

ACTIVE INGREDIENT SODIUM HYPOCHLORITE 3.5

* REGD. TRADE MARK


NO. 1 long PNG

i stap long ol kain kain stua klostu long yu!

Makim nupela Kampani Logo WORD PUBLISHING Co


WORD

**YU
INAP WINIIM**



7 de holide raun wantaim poro long

Trobrian Ailan antap long Melanesian Discoverer
o wanpela Apple Macintosh LC575 Komputa i kam
long Business Systems, o wanpela Rheem Sola
hot wara sistem na wanpela Honda EM4500 sx
Jenereta i kam long Steamships Hardware



Pilim tasol wanpela fom bilong resis insait long The Times, Wantok o Weekend Sport.
Yu ken salim planti entri sapos yu laik, tasol wanwan entri i mas stap long wanwan fom.
Resis bai pas long Mande Novemba 28. Na ansa bilong resis bai kamap long
The Times, Wantok na Weekend Sport long desemba 22, 23 na Janueri PNG Business.

KISIM ENTRI FOM BILONG YU NAU LONG KOPI BILONG...



Dispela logo bai yusim wantaim nem bilong wanwan niuspepa long mastahed bilong The Times, wantok na Weekend Sport long makim ol niuspepa bilong Wod wantaim sain bilong kampani.

Word Publishing bai makim tripela entri long dispela oda, namba wan, namba tu na namba tri.

Oi logo i mas makim spirit bilong Papua Niugini na mak bilong kampani.

Namba wan wina bai makim wanpela bilong tripela prais

Namba tu wina bai makim long tupela prais i lep

Na namba tri wina bai kisim las prais.

Word Publishing Company Pty Ltd

Spring Garden Road, Hohola, NCD, PNG

WORD LOGO COMPETITION ENTRY FORM

POST this entry to:

WORD Logo Competition
PO Box 1982
Boroko NCD PNG

OR deliver it between 8.00 am & 5.00 pm weekdays

[Monday to Friday except public holidays] to:

WORD Publishing Co Pty Ltd
Spring Garden Road
Hohola NCD PNG

Your last chance! Entries close Monday 28th November.

Please print carefully

This entry is from:
[Name of Entrant] _____

Village or Town: _____

District: _____

Province: _____

Address for Post _____

Office mail delivery: _____

Is a telephone available? No _____ Yes _____ Phone Number: _____

In submitting this entry in the WORD Logo Competition I accept and agree to abide by the conditions of entry printed on this sheet.

Signed: _____ [Entrant] Date: ____/____/____

Draw your logo design here**Note: The box above is the same width as the mast head on page one of The Times, Wantok, Weekend Sport and PNG Business****THE COMPETITION**

Word Publishing Co Pty Ltd (Word) plans to introduce a new company logo.

Readers of the company's weekly newspapers, The Times of Papua New Guinea (The Times), Wantok and Weekend Sport, and the monthly PNG Business who are resident in Papua New Guinea are invited to submit designs (entries) for consideration by the Board of Word.

CONDITIONS OF ENTRY

1. There is no charge to enter and a reader may submit any number of entries but each entry must be drawn on, or must be attached to, a separate entry form published in either The Times, Wantok, Weekend Sport or PNG Business in an issue dated not earlier than October 20 1994 nor later than November 25 1994.

2. Entries may be:

- drawn by hand, by using artists instruments or by computer:

- drawn in a single colour or in a number of colours:

- designed to be placed to the left of the name of the newspaper in a masthead, or

above or below the name, or linked with the name across the full width of the masthead.

3. All entries received at the office of Word, Spring Garden Rd, Hohola, NCD, during office hours, from 8.00 am to 5.00 pm on weekdays (Monday to Friday excluding public holidays) or by post through PO Box 1982, Boroko, NCD, by 5.00 pm on Monday, November 28 1994 will be considered.

4. Entries received after 5.00 pm on Monday November 28 1994 will not be considered.

5. All entries received become the property of Word and may be used or not used as a logo or for publicity at the sole discretion of the Board of Directors.

6. The Board may select any entry or combine more than one entry or decline to use any of the entries received or modify a selected entry in the preparation of a logo.

7. The Board will select three entries in the order first, second and third. It will base its selection on the way in which entries reflect the spirit of Papua New Guinea and the charter of Word Publishing Co Pty Ltd.

8. The person named as the entrant on each of those three entries will receive one of the prizes listed in note 9 in the following way. The first will select one of the three prizes. The second will then select one of the two remaining prizes. The third will receive the sole remaining prize.

9. The three prizes are:

- A 7-day holiday cruise for two persons aboard the Melanesian Discoverer in the Trobriand Islands, flying to and from the cruise ship at Madang or Alotau. Approximate value K3,500.

The holiday will be taken on a date and with connecting transport arrangements agreed by Melanesian Tourist Services.

- An Apple Macintosh LC575 personal computer with 5 MB RAM, 160 MB HD, and built in CD ROM player with colour monitor from Business Systems, delivered to any point which can be reached by scheduled air service, normal road vehicle transport or coastal shipping service except in areas closed by government order. Approximate value K3,500.

- A Rheem 300 litre solar hot water sys-

tem, including collector panels, and a Honda EM4500SX generator from Steamships Hardware, delivered and installed at any point which can be reached by scheduled air service, normal road vehicle transport or coastal shipping service except in areas closed by government order. Approximate value K3,500.

10. The selection of winning entries and the use of any of those entries as a logo or in the preparation of a logo shall be entirely at the discretion of the Board of Word and no correspondence will be entered into.

11. Entrants must be residents of Papua New Guinea. Employees of Word Publishing Co Pty Ltd and members of their immediate families are not eligible to enter the competition.

12. The names of the prize winners will be announced in the issues of The Times, Wantok and Weekend Sport which will be published on December 22, 23 1994 and in the January issue of PNG Business. Those persons will then be contacted to determine their selection of prizes.

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telephon 25 2500 na askim long

Ph: Miri Aiori Ext. 203
Jeffrey Maliou Ext. 216
Joe Naime Ext. 232

TOK SORI

Menesmen na Wokmanmeri bilong Trukai Rice Industries Pty Ltd i salim bikpela toksori na wari bilong ol i go long famili bilong

DAVID TASION CBE QPM

husat i dai long Novemba 16, 1994

Bodi bilong em i ken stap wantaim amamas long matmat

P. SAPUL

Makim Menesmen na ol Wokmanmeri

For Sale WINDSCREENS

to suit most models
from: K250.00 only
Available at Boroko Motors

BETELNUTS & SAGO

NEW PRICES FOR BETELNUTS 86 2743	
WEWAK/HAGEN	K218 - for ONE 50 Kg Bag
WEWAK/HAGEN	K792 - for FOUR 50 Kg Bags
WEWAK/MORESBY	K286 - for ONE 50 Kg Bag
WEWAK/MORESBY	K920 - for FOUR 50 Kg Bags
WEWAK/TARI	K264 - for ONE 50 Kg Bag
WEWAK/MENDI	K253 - for ONE 50 Kg Bag
WEWAK/TABUBIL	K260 - for ONE 50 Kg Bag
WEWAK/LAE	K240 - for ONE 50 Kg Bag
WEWAK/MADANG	K213 - for ONE 50 Kg Bag
WEWAK/VANIMO	K213 - for ONE 50 Kg Bag
WEWAK/GOROKA	K219 - for ONE 50 Kg Bag
WEWAK/HAGEN	K100 - for ONE 25 Kg Bag
WEWAK/OTHERS	K120 - for ONE 25 Kg Bag

DAKA OR MUSTARDS

WEWAK/HAGEN	K80 - for ONE 25 Kg Bag
WEWAK to OTHERS	K100 - for ONE 25 Kg Bag

SAKSAK OR SAGO

WEWAK to HAGEN	K40 - for ONE 25 Kg Bag
----------------	-------------------------

Cost includes Air Freight.

Contact: Peter Devis, Dagua Market, P.O. Box 89, Wewak.

sapos yu laik salim
toksave o
edvatasim spes
long **WANTOK**

ringim 25 2500
na askim long
sels dipatmen

WANTOK

NIUSPEPA BILONG OL PAPUA NIUGINI STRET

EM I
Pepa bilong yumi stret
BAIM WANPELA
TETE!!
40t
tasol!!

TOK SORI GAVMAN HAUS



GAVANA JENEREL PAPUA NIUGINI

Ledi Nancy, Famili na mi yet, i salim bikpela belsori na wari go long:

Misis Tasion na ol pikinini bilong em

long indai bilong man na papa bilong ol

DAVID TASION CBE, QPM

Mista Tasion i bin givim bikpela helpim tru i go long developmen bilong ol Plisman na meri insait long Plis Fos bilong kantri.

Hatwok na gutpela wok bilong em bai stap olsem piksa long ol arapela wanwok bilong em. Na ol bai tingim hatwok na gutpela wok em i bin mekim.

EM I KEN SLIP WANTAIM MALOLO LONG MATMAT

SIR WIWA KOROWI, GCMG, KStJ

NO KEN LUSIM TINGTING...NOGUT BIHAIN BAI YU WARI

KALSAREL DE NA DE BILONG OL OLPELA SUMATIN
BILONG BUGANDI HAISKUL BAI KAMAP LONG SARERE,
NOVEMBA 26, 1994

8:00AM I GO LONG 10:00AM
PAWA BEN
10:00AM I GO LONG 1:00PM
TUMBUNA SINGSING
1:00PM I GO LONG 1:30PM
PAWA BEN
1:30PM I GO LONG 3:30PM
SPESEL SINGSING
3:30PM TAIM BILONG OL OLPELA SUMATIN



- * REKS NA SAGO THORNS BEN BAI KUKIM YU !!
- * 18 KALSAREL GRUP BAI AMAMASIM YU !!
- * KAIKAI, DRING NA ATIFEK 8:00AM I GO INAP 4:00PM

**BIKPELA MANMERI K2
SKUL SUMATIN K1**

OL OLPELA SUMATIN, JOINIM NUPELA ASOSIESEN
BILONG YUPELA LONG K20 TASOL. MIPELA I NIDIM
YUPELA !!

MIPELA I WELKAMIM OLGETA MANMERI NA PIKININI

**TERRY RILES
PRINSIPAL**




Sapos yu laik advertais, telepon 25 2500 na askim long
 Phone: Miri Aiori Ext. 214, Jack Mahuru Ext. 217, Joe Naime Ext. 218

PABLIK NOTIS

grasshopper tractors

are better


CHEAP




DF 12 and trailer

CHEAP

CHEAP



5 KVA with 12 hp diesel motor



DF 12 and rotary hoe

CHEAP

OPTIONS THAT CAN FITTED TO GRASSHOPPER TRACTORS.

- * 2" High Pressure Water Pump
- * 5 KVA Markon Alternator

— S P M —

STONES PACIFIC MACHINERY PTY LTD
 P.O. BOX 3281 LAE
 PAPUA NEW GUINEA PH: 42 1966, FAX: 42 5529

SERVICE AND PARTS ALWAYS AVAILABLE.

TOK SORI



Gavana, Deputi Gavana na wokmanmeri bilong Beng ov Papua Niugini i laik salim tok sori na belhevi bilong ol i go long;

Misis Vai Iro

Ol pikinini: Iro, Lois, Pitikoko, Angela, Soni na ol wanfamili

long i dai bilong papa bilong ol long 18 Novemba, 1994:



TEREA TEDDY IRO

husat i bin wanpela wokman bilong beng long 21 Jenuari, 1971.

Mipela i sori tru long lusim wanpela gutpela wokman husat tu em gutpela poroman bilong mipela.

Mipela i sori tu wantaim yupela long dispela taim bilong wari.

SOL BILONG EM I KEN KISIM MALOLO, GAVANA

RIT NA SAVE

Wantok - Niuspepa bilong PNG stret

WANTOK

NIUSPEPA BILONG OL PAPUA NIUGINI STRET

**LAE
BISCUIT**



RAGBI LIG

NIUS

**LAE
BISCUIT**



Unagi lig resis gat kainkain stail

JOE KANEKANE I RAITIM

SEVENTIN yia i go pinis taim David Unagi i traim long kamap wanpela politisen, em i traim wanpela we bai em i ken karim aut kempen bilong em. Wanpela namba wan samting em i kirapim em Unagi op sisen ragbi lig resis.

Taim Unagi i mekim dispela, olgeta samting long wok bilong em i go orait tasol. Ol pipel bilong Mosbi Not Is i votim em i go long palamen. Na dispela resis i save kamap olgeta yia long wanpela pilai graun hapsait long Discount Mart. Na tu i save kamapim planti gutpela pilai.

Nau yet resis ya i wok long kamap wanpela bikpela resis tru we i pulim planti ol yangpela man long soim stail bilong ol. Planti sapota i save go lukim tu ol pilai. Long wanem, i gat ol strongpela na hatpela pilai i save kamap.

Long dispela resis, ol i save pilai ragbi lig long we bilong ol yet. Maski yu biknem pilai. Taim yu go insait long pilai graun, yu mas save olsem pilai bai hat tru we ol sapota bai tok nogutim yu. Na tu ol takel bai narakain tru we yu bai nogat tok long en.



• David Unagi

Pait bai i no inap kamap tumas. Tasol yu mas daunim belhat bilong yu taim ol sapota i tok nogutim yu. Dispela em long taim ol i kisim filing o amamas long lukim ol pilai i takelim ol yet i go i kam. Dispela pilai graun we ol i save pilai long en i save pulap long olgeta wiken taim ol pilai na ol sapota bilong ol setelmen na ol ples arere long siti i kamap long pilai.

Long ol dispela grup bai yu lukim ol lapun manmeri, ol mama na ol pikinini, na ol yangpela husat i laik lukim tru

ragbi.

Olgeta yet i gat as long kamap na lukim pilai. Ol lapun bai paitim bak-sait bilong ol pilai. Na tokim ol long pilai strong na tromoi sampela gutpela toktok i go long ol. Ol mama bai karim ol wara na aisblok long ol eski long givim long ol pilai. Na ol yangpela meri bai sapotim o singautim nem bilong ol feveret pilai bilong ol gut tru long win.

Long ol pilai yet, ol i mas winim dispela pilai. Maski pilai graun i no gutpela na pulap long das we ol bai kisim bagarap. Long wanem



• Dogura Brothers em wanpela strongpela A gret tim bilong Ungai op sisen ragbi lig resis long Mosbi siti.

ol i no inap putim ol sapota bilong ol i go daun.

Na tu long we ol i pilai, ol sapota ausait long fil bai glasim gut tru pilai bilong ol, na bai singaut antap long ol pilai olsem ol kosa i save singaut.

"Apim em, Blari Geliks, Kilim em, takolim em na Yu Meri O," em sampela kain ol toktok i save pas long yau bilong ol pilai. Na ol bai kisim filing o amamas na mekim moa yet.

Resis pulim planti Simbu na Goroka.

Dispela resis i save pulim ol Simbu na ol Goroka. Tasol ol pilai bilong ol narapela provins tu i save pilai. Planti bilong ol tim ya i gat ol pilai bilong Simbu na Goroka

Dispela i kamapim wanpela gutpela samting. Long wanem ol pilai i save long tokples bilong ol yet, ol save stap wantaim long wanpela setelmen, na tu ol i bilong wanpela konstitusi tasol long asples bilong ol.

Asisten Kodineta bilong Unagi Lig,

Micheal Kiagi, i tok olsem resis ya i kamap gut tru. Na gutpela sapot i save kam long Unagi yet.


"Sapos yu lukim ol yangpela man ya, ol i gat samting long mekim long olgeta de. Na i no bilong nating na mekim ol samting we komyuniti i no laikim," Kiagi i tok.

Em i tok moa olsem resis ya i no bilong pilai tasol. Planti samting i save kamap olsem ol pilai bai tilim hap dring o kaikai o buai wantaim na smok. Na tu resis ya i kamapim planti

biknem pilai bilong kantri tu.

Kes Paglipari, Robert Akunai, Sam Bucko, Belen Tapia na ol arapela husat nau i stap long A gret tim bilong Mosbi Ragbi Lig resis. Dispela olgeta pilai i stat pastaim long Unagi Lig.

Kes Paglipari i kamap wanpela strongpela pilai na go het yet long pilai long Mosbi Vipers na tu long PNG Kumuls. Dispela man ya ol i save long em olsem man bilong mekim ol strongpela takel tru



• Huka bilong Paga Panthers A gret tim bilong Mosbi Winfield Lig resis, Paul Nelson kisim tropi olsem wanpela top pilai bilong klap long 1994 sisen. Foto: Jack Ami

Nupela Popondetta lig sempion

CORAL Sea Brothers em nupela tim bilong Popondetta ragbi lig resis bilong 1994 sisen. Em i autim tiket bilong Siembo Royals 11-10 long gren fainel resis las wiken.

Ol pilai bilong tupela tim wantaim i bin pilai strong tru long winim 1994 gren fainel taitel. Tasol Coral Sea Brothers i nogat trabel. Bikos long stat bilong sisen, em i wok long winim ol gem bilong em i kam inap long las wiken.

Long dispela as, Brothers i gat dispela strong bilong winim gem i stap long ol olsem na ol i wok-about isi tasol i go insait long

gren fainel na winim.

Tasol Siembo Royals em i las minit tim we i kam bihain tasol na soim strong na stail tru na go insait long gren fainel.

Insait long gem, ol boi bilong Royals i kamapim planti gutpela stail tru we ol i tromoi bal i go i kam na paulim ai bilong Brothers.

Long stat bilong gem i go long pinis, tupela tim wantaim i kamapim wankain strong na stail. Taim narapela i go skoa, narapela tu i go skoa long mekim skoa i sanap wankain inap klostu long fultaim.

Tasol senta nogut bilong

Brothers, Ambros i kisim wanpela gutpela bal na kikim long gol mak bilong Royals na kampim fil gol. Dispela i apim skoa bilong Brothers i go pas long Royals wantaim 1 poin.

Skoa i sanap 11-10 na Brothers i lokim olgeta kona bilong em i winim gem long fultaim.

Ol boi bilong Brothers husat i bin pilaim gutpela gem tru em Petrus, Mathew, John Bal, Fred Sevese, Ambros, Yandon na Russell Kansol.

Tim menesa bilong Coral Sea Brothers, Nick Nilin i tok amamas i go long ol pilai long winim dispela gem

Kk Yunaited memeim Spiders long Sogeri

KK UNITED i bagarapim tru sindaun bilong Radho Spiders wantaim 31-18 skoa long bikpela op sisen ragbi lig salens bilong Sogeri Lig resis las wiken, ausait taso' long Mosbi.

Ol boi KK United bilong 9 Mail setelmen go antap long Sogeri Veli na i no isi long bagarapim ol boi Radho Spiders wantaim stail bilong ol. Radho i yusim ol gutpela

stail manki bilong ol olsem Moses Sine na Paul John husat i wok bung wantaim na pilai strong tru long dispela gem inap long fultaim. Long stat bilong pilai, Radho i go insait na i no westim

taim long pilai. Em i yusim gut olgeta sans em i winim na kamapim nambawan skoa bilong em taim Paul Guaba i ron i go insait long mak bilong United na putim trai. Em yet i kisim konvesen

kik na apim skoa i go antap long 6 na United 0. I no long-taim gen na Jonathan John i go putim namba tu trai na John Pulaki i kikim i go insait we i mekim skoa bilong Spiders 12 na United 0.

Tasol KK United i no laik larim Spiders i go pas long skoa na winim em. Olsem na em i salim winga. Clement Ova i go insait long mak bilong Spiders na putim nambawan trai bilong ol.

Salim Krismas

griting i go long ol lewa!!

Krismas hereadaena ai emai amo evasimu.
Word Publishing

Amamas long Krismas
igo long Marge na Febs!


I kam long ol wok man-meri bilong Wan wok long Word Publishing! Gut Lak!!



Dispela spes em K15 tasol-Wantaim poto em K22.

Ritim toksave long we bilong salim Krismas Griting i go

Amamas long Krismas
Igo long Big Joe Dadi!




Please Dadi Don't get drunk this Krismas!
Mum & Klds.

Dispela spes em K28 tasol-Wantaim poto em K35.

long ol wantok o ol swit lewa bilong yu long narapela ples.

Big Brata
Amamas long Krismas
i kam long Brata bilong yu



Dispela spes em K50 tasol-Wantaim poto em K57.

Meri Krismas & Mahai Velo i kam long Ples!

Mipela i misim yutupela hia long ples....Plis kam na yumi krismas wantaim! Tumbuna man na meri.



Gutpela sans long salim ol krismas griting i go long ol lewa bilong yu i stap long wanem hap long kantri! Hariap, Salim nau!!

**Salim Krismas Gritings bilong yu long
WANTOK long dispela hap pepa:**



**WANTOK (Word Publishing Co Pty Ltd)
PO Box 1982, Boroko, NCD**

**o kisim i kam long: WANTOK (Word Publishing Co Pty Ltd)
Spring Garden Road, Hohola, NCD
o Lae Opis-Suit 7, Haus Tisa, Second Street, Lae
P.O. Box 615 Lae, Morobe Province.**

**Karim dispela hap pepa wantaim moni bilong yu long WANTOK opis long Mosbi long
5 kilok Tunde 12 Disemba.
Na long Lae Opis long 5 kilok long Fraide 8 Disemba.**



**Putim poto
bilong yu hia**

*Long Fonde Disemba 15, WANTOK bai putim
Krismas Gritings long manmeri bilong WANTOK
Yu ken salim gritings bilong yu long toksave olsem
long pes 30*

**Yusim dispela fom long
WANTOK spesel prais.**

**Wanpela boks, K15, o wantaim poto em K22
Tupela boks, K28, o wantaim poto em K36
Foapela boks, K50, o wantaim poto em K59.**

**Putim Krismas Gritings bilong
yu long dispela boks.**

Sapos yu laik putim poto, klipim antap long
het bilong dispela fom.

Putim nem na adress long hia.

Putim nem hia.


Putim adress long hia

Sainim fom daunbilo

Plis putim dispela gritings toksave long WANTOK niuspepa long 15 Disemba. Mi
klia olsem ol poto mi salim bai mi no inap kisim bek. Mi orait long Word Publishing
Co Pty Ltd bai i no inap karim hevi bilong wanem asua o ol hap toktok we i no
kamap klia long taim masin i printim.

Sain long hia

**Putim sek o Salim Moni
Kwik fom hia Salim long
nem bilong WANTOK
Niuspepa o givim moni
stret long Mosbi o Lae Opis.**



Is Sepik spot kaunsil wokhat long pulim mani

FUZO PAUL i raitim

PLANTI pilai spot insait long Wewak, Is Sepik provins i no save kamap gut inap long sisen i pinis wantaim gren fainel. Ol pilai spot i save stat gut na liklik taim bihain, bai indai long namel bilong sisen o yia.

Dispela i soim olsem ol spot long Wewak i nogat gutpela sapot na helpim i kam long ol spotman na meri, gavman na ol praiwet bisnis kampani long kirapim na strongim spot.

Siaman bilong Wewak Distrik Spot Kaunsil, Leo Poema i tokim Wantok niuspepa olsem spot kaunsil i wok long mekim ol liklik wok projek long pulim

moni bilong helpim ol progem bilong spot neks yia.

Poema i tok i nogut long wetim gavman long salim moni. Bikos taim yu wet, bai yu wet longpela taim tru. Olsem na yumi yet i mas mekim sampela kain wok bilong pulim moni i go pas, em i tok. Em i tok Coca Cola opis long Wewak i luksave long hevi bilong spot kaunsil, na givim wanpela bikpela frisa bilong salim dring insait. Opis bilong provinsal asem-bli spika tu i kamapim wanbel, na givim hap spes insait long provin-sel asem-bli opis we ol sanapim liklik kopi sop na salim ol kaikai na kol dring.

Poema i tok Provisnel

Minista bilong Sosel Sevis, Nick Muriki, i bin tokaut tu long wanpela woksop kos bilong spot opis olsem em bai lukluk tu, na givim sampela helpim long wok bilong Spot Kaunsil. Em i no givim yet dispela helpim bilong em. Planti spot olsem ragbi, ragbi tas, volibal, basketbal, soka, boksa, KungFu na arapela spot moa i kamap pinis long Wewak. Tasol olgeta i pundaun pinis na i no kirap moa. Volibal i orait liklik bikos ol i pilaim gren fainel bilong ol.

Na long mekim dispela hevi i go bikpela moa, Wewak Distrik Spot Kaunsil tu i nogat moni long ronim ol pilai i kamap gut.

Olpela Kumul kepten i no save yet long go bek long Australia

RODNEY KAMUS i raitim

OLPELA Kumul kepten na hap bek, Stanley Haru i no stretim tingting yet olsem em bai go bek na pilai wantaim Babinda Colts long Taunsvil, Australia. Haru i bin tokim Wantok long Tunde olsem em i no save yet long wanem samting tru em bai mekim nau.


Haru i bin pilai long Taunsvil wantaim Babinda Colts. Na em i no bin sainim nem bilong em long pilai gen long neks yia. Long wanem i gat sampela kain hevi i stap. Na tu planti arapela klap long Taunsvil yet i laik kisim em long pilai wantaim ol.

Tupela poroman bilong Haru, Joshua Kouoru na Ben Bire i sainim nem bilong tupela gen pinis wantaim ol Babinda Colts long pilai wanpela moa yia. Kouoru na Bire me tupela Kumul pilaia.

"I gat planti klab long Taunsvil i laikim mi long go pilai wantaim ol, na tu olpela klab bilong mi Babinda Colts i laikim mi gen. Tasol mi nogat gutpela tingting yet long go bek o nogat. Na tu mi no sainim nem long ol arapela klab yet," Haru i tok.

Olpela Kumul kepten i tok olsem em i kisim wanpela gutpela ofa o askim i kam long wanpela klab long Kens long go pilai. Na tu Babinda Colts i wok long mekim ol gutpela ofa long em tu. Olsem na em i painim hat tru long sain wantaim ol klab ya na ino kisim gutpela tingting bilong em yet.

Narapela hevi Haru i painim em long sait bilong famili bilong em. Long las yia taim em i go pilai, em i karim meri na tupela pikinini bilong em tu i go wantaim em long Taunsvil. Em i kisim wanpela gutpela wok wantaim Mulgrave Shire wanpela kampani bilong plenim taun tasol meri bilong em i no bin gat wok. Meri bilong em husat i save wok wantaim Habas Bod long Mosbi i bin lusim wok bilong em na go wantaim Haru.



• Stanley Haru.

Em i tok tu olsem pikinini meri bilong em i no bin stap long skul gut long wanem em bin 8-pela mun tasol. Taim ragbi lig sisen i stat pikinini bai go long skul na taim i pinis na ol i kam bek, em bai nogat skul long go.

Taim Wantok i askim em olsem sapos em i stap wanem klab long Mosbi em bai pilai long em tasol Haru i tok em i no save yet. Tasol bikpela tingting em long go bek wantaim olpela klab bilong em Kone Tigers sapos ol i askim em long pilai gen wantaim ol.

Tasol nau yet Haru i no save bai em i go bek long Taunsvil o stap bek na pilai long Mosbi.

Roosters em nupela Mosbi volibal sempion



• Taekone volibal tim i bin kamap namba 3 long sempionsip.

GEOFFREY KAKANI i raitim

NUPELA sempion bilong 1994 volibal sempionsip resis long Mosbi em Roosters. Ol boi Roosters i winim dispela taitel bihain long ol i autim tiket bilong Sen Paul long gren fainel long las wiken.

Roosters i bin kam namba tu long sempionsip bilong las yia, bihain long em i salim kaikai long NCD long gren fainel. Roosters na Sen Paul em tupela tim bilong Mekeo long Bereina distrik, ausait long Mosbi siti.

Roosters wantaim PNG pilaia na kepten Jounia Ikufu i pilai gutpela tru wantaim ol boi bilong em long kamapim 15-13 skoa.

Anthony Pukali wantaim ol boi bilong em long Sen Paul i pilai strong tru long narapela raun tasol ol manki Roosters i strong tumas na winim namba tu gem 15-9 skoa. Na long namba tri gem Roosters i winim ten long 15-6 skoa.

Roosters i kamapim gutpela pilai tru long winim tripela set wantaim long kamap sempion bilong ol man long dispela yia.

Dispela i soim tru strong bilong volibal em ol manki long hap bilong Mekeo i save pilai.

Kas bilong ol Not Solomons tim

Ol Not Solomons man i bin kamapim gutpela gem tu long resis. Nawinim sampela strong tim olsem Pom Bankers, Roosters na Mosbi tim long dispela sempionsip. Not Solomons i kamap namba 4 long dispela volibal resis.

Tasol ol meri long Not Solomons i kamapim gutpela pilai tru na autim ol meri Bankers long 3-0. PNG pilaia bilong Not Solomons, Winni Niniku i bin putim gutpela pilai. Sapot i kam tu long Georgina Namase na ol meri bilong ol long autim namba wan gem long 15-8.

Bankers i kam bak long namba tu gem tasol ol meri Not Solomons i strong moa yet na win ken 17-16.

Lae Tarangau givim 36 tropi long ol pilaia

TARANGAU Ragbi LIG Klap bilong Lae i holim gutpela presentesen nait tru long las wik Sarere wantaim olgeta klap memba bilong em.

Ol klap opisel na sapota i amamas long dispela nait wantaim ol kaikai na dring bilong amamasim gutpela yia bilong Tarangau klap long 1994.

Presiden bilong klap, Dominic Kanong i tok olgeta manmeri ken save olsem Tarangau i stap aninit long lata bilong Lae Ragbi Lig resis long dispela yia, Tarangau klap i bin mekim olgeta samting i kam na i no gat trabel o hevi i kamap.

Olgeta pilaia na opisel i wok bung wantaim na klap i ron gut tru long dispela yia na bihainim gut tru olgeta rul na lo bilong Lae

FRANCO NEBAS i raitim

Ragbi Lig, Mista Kanong i tok.

Presiden i tok Tarangau bai go het yet long sapotim Lae Ragbi Lig long neks yia long kirapim dispela spot insait long Morobe provins.

Presiden bilong Lae Ragbi Lig, George Mack i no bin kamap long presentesen nait bilong Tarangau tasol tresera bilong em, Gavin Ross i makim em na kamap.

Gavin Ross i tokaut tu olsem Tarangau i bin nambawan klap long baim afiliesen fi bilong em long Lae Lig. Olsem na dispela i soim olsem ol pilaia na opisel bilong Tarangau klap i pilai gut na amamas wantaim long 1994

ragbi sisen Lae.

Gavin Ross i tok long dispela gutpela wok bung wantaim bilong ol pilaia na opisel, klap i kamapim wanpela gutpela pilaia, John Okul. Okul i bin makim ol long Kumul tim na pilai egens Nu Silan Kiwi long las mun.

John Okul i bin kisim tropi bilong gutpela pilaia long dispela presentesen nait long las wiken.

Tarangau klap i givim 36 tropi i go long ol gutpela pilaia long sinia na junia divisen na tu long ol gutpela opisel na sapot memba bilong klap.

Long dispela nait tu, tupela bikman, husat i bin nambawan lain long statim Tarangau klap i kisim luksave tu long klap. Tupela man ya em Jim Kari na Kalo Ambutope.

Planti tim soim laik long Mapos tonamen

MAPOS Paris tonamen bai kamap long Desemba 27 i go inap long namba 31. Ol tim bai kam long olgeta provins long pilai insait long dispela tonamen. Mapos Paris em ol pipel bilong Buang insait long Morobe provins i save pilai long en.

FRANCO NEBAS i raitim

Dispela tonamen bai gat bikpela soka na basketbal resis we ol tim bai kam long Lae, Mosbi, Madang, Bulolo, Wau, Mumeng na long ples Mapos yet.

Olgeta tim i tokaut pinis long ol bai kamap long ples Mapos long

dispela tonamen, we bai kamap long Krismas taim.

Presiden bilong dispela tonamen, Siling Yaling tok 8-pela tim long ol arapela provins i soim laik, na tokaut pinis long salim tim. Mosbi tasol i no salim

wanpela ripot yet long kamap o nogat.

Singaut i go tu long ol arapela manmeri bilong ples Mapos long kamap long ples long dispela taim. Na sapotim ol tim we bai i kam long olgeta provins.

Long las wiken, Mapos Soka Asosiesen i pinisim gren fainel bilong em we 4-pela tim i go insait long fainel.

Ol tim ya em Butimu, Bornd, Mayab na 2 Bees. Bornd soka klap i bin winim dispela gren

fainel resis egens 2 Bees. Bornd i winim 2 Bees long 2-1 skoa long ful taim na kisim namba wan prais, na 2 Bees i kisim namba 2 prais.

Butimu i kamap namba 3 na Mayab i kamap namba 4 na kisim namba 4 prais bilong resis.

Primia bilong Morobe na provin-sel memba bilong Buang, Titi Christian i bin kamap long dispela taim bilong gren fainel na opim pilai.

FRENCHBAKEHAUS



• CAKES

Weddings & Birthdays
Our speciality

25 1266 Pom
42 5349 Lae

FRENCHBAKEHAUS



• CAKES

Weddings & Birthdays
Our speciality

25 1266 Pom
42 5349 Lae

PROVINSAL SOKA NIUS

Lido bilip long winim Vanimo soka taitel

WINIS MAP i raitim

GARAMUT Kantri Lido i gat bikpela bilip olsem em bai winim Vanimo soka gren fainel long dispela yia.

Lido i bin winim Aitape Yunaitet 3-0 long las wiken na ol i sambai long pilai gren fainel. Kosa bilong Lido, Valentine Wekre i tok timbilong em bai i no inap long givim sans long birua tim taim ol i bung long gren fainel.

Wekre i bilip olsem tim bilong

em bai win maski birua tim i givim strongpela safens. "Sapos wanpela tim i laik winim Lido, em i mas trening strong", Wekre i tok.

Tim bilong Lido long dispela yia i gat planti yangpela pilai. As tingting long larim ol yangpela long pilai em long traime apim stended bilong kik insait long Vanimo.

Ol yangpela kas bilong Lido bai pilai wantaim tim husat i winim kik namel long Waromo na Aitape Yunaitet. Tupela tim ya bai mekimsave long lukim husat tim bai go bungim Lido long gren fainel.

Long las wiken, Lido i bin

kamapim gutpela kik na winim Aitape Yuniatet 3-0. Ol boi bilong ples Lido i bin kirapim das stret long stat bilong kik na i no givim sans long Yunaitet.

Insait long 10 minit bilong kik long namba wan hap bilong pilai, straika bilong Lido, Bonny Tullu i sutim namba wan gol. Dispela gol i bin kamap taim Daniel Akwi i kikim bal i kam long namel na pas stret ong lek bilong Tullu husat i putim stret long maus bilong gol.

Yunaitet i wok hat tru long bekim dispela gol tasol Lido i stopim ol. Yangela straika bilong

Aitape, Amos Ali i bin wok hat tru tasol lek bilong em i no bin painim umben bilong lido.

Lido i pait i go na sutim namba tu gol taim Tullu i wokim wanpela strongpela kik we golkipa i painim hat long stopim.

Bihain long namba tu hap bilong pilai, Yunaitet i kam bek strong na i no larim Lido long brukim banis bilong em. Smok balus bilong Lido, Daniel Aki i bin helpim tim bilong em na sutim namba tri gol bilong Lido.

Kepten bilong Yunaitet, Willie Aloitch i bin wok hat tru long midfil

tasol ol birua midfil pilai bilong Lido, Clement Wampa na Joseph Zongonao i katim olgeta rot bilong em. Sapos ol wanpela bilong em i wok strong na sapotim em long setim Amos Ali, ating Yunaitet inap bekim sampela gol tu long Lido.

Long dispela wiken, Aitape bai kik wantaim Waromo long lukim husat bai bungim Lido long gren fainel. Aitape Yunaitet i mas senisim stail bilong ol long kik sapos ol i laik win. Oltaim midfil pilai i mas setim Ali gut bikos em i gat spit na stail bilong kik na em inap kamapim hevi long birua tim.

Bikpela salens kamap long Sogeri tas resis

KENNEDY EDENE i raitim

RAGBI Tas resis long Sogeri Veli, ausait tasol long Mosbi siti i wok long go strong na pulim planti manmeri long pilai long olgeta wiken.

Long ol gem bilong las wiken, bikpela salens tru i bin kamap long ol tim we i sindaun aninit long poin lata. Ol i pilai strong tru long autim ol tim i sindaun antap.

Wanpela strongpela pilai tru i bin kamap namel long Koitaki Bulls na Young Guns, we Koitaki Bulls i autim tiket bilong Young Guns 16-12 long ful taim.

Koitaki Bulls i stap namba 5 long poin lata na em i pilai hat tru long winim Young Guns husat i ron namba 2 long resis. Koitaki Bulls i soim tru strong bilong ol long dispela gem na autim tiket bilong Young Guns.

Narapela gutpela pilai i bin kamap namel long Wait Haus Jets we em i

givim gutpela mekimsave tru long Madonumu Jokers long 40-36 skoa long fultaim.

Madonumu Jokers i stap namba i stap namba tri long poin lata na Wait Haus Jokers i stap las long resis. Olsem na Wait Haus Jokers i tingim dispela posisen bilong em na kilim gut tru Madonumu long las wiken gem long apim skoa bilong em i go antap liklik long poin lata.

Nagawas tu i autim tiket bilong Socom husat i stap nambawan long resis. Nagawas i stap namba 4 long dispela ragbi tas resis bilong Sogeri Veli.

Nagawas i kamapim gutpela gem tru na givim bikpela hetpen long Socom wantaim 32-28 poin long las wiken.

Ol dispelaskoa bilong las wiken gem i soim olsem resis i wok long go strong na ol tim husat i stap aninit long lata i wok long pilai strong long go antap na daunim ol tim husat i stap antap long poin lata.

Enga Utd bai meknais long Lae

YAKAM KELO i raitim

ELCOM Yunaitet soka klap bilong Enga bai mekim arapela bikpela soka tim long ol biktaun i kirap nogut insait long 1994 Nesnel Klap sempionsip dispela wiken long Lae.

Presiden bilong Elcom klap, Ananias Popo i tok tim bilong em i redim ol yet longpela taim i kam long go soim stail tu long dispela pilai long Lae.

Ol boi bilong Elcom i wok long holim bikpela trening i kam inap dispela wik we ol bai go daun long Lae long tude Fonde.

Ananias i tok Elcom i gat ol gutpela pilai husat i ken pilaim gut-

pela gem. Tasol ol bai wok hat tasol long strongim banis bilong ol bikos dispela em wanpela bikpela eria we ol i luksave olsem ol i no gutpela tumas long en.

Ol i bin luksave long dispela hevi bilong ol taim ol i pilaim gren fainel wantaim Moku long las wiken.

Elcom na Moku i kamapim gutpela na strongpela gem tru tasol i no gat wanpela tim i skoa long fultaim na tupela i go gen long ekstra taim. Long nambawan hap bilong ekstra taim, tupela tim wantaim i no skoa.

Long namba tu hap bilong ekstra taim, Elcom i kisim wanpela kona kik na salim i go pundaun long gol mak bilong Moku we ol pilai

bilong Elcom i go subim lek na go i kamap.

Olsem na Elcom i winim bek taitel bilong em long las yia long las wiken gren fainel bilong Enga soka resis egens Moku long 1-0 skoa.

Ananias i tok long dispela taim, ol i luksave long planti hevi bilong ol we ol i mas wok strong long en.

Enga Elcom bai krungutim tu dispela nesanel klap sempionsip long Lae long dispela wiken. Em bai traime long mekim arapela bikpela soka senta i kirap no gut wantaim ol kain stail bilong em.

Dispela tu bai nambawan taim bilong Elcom Utd long go aut insait long kain bikpela nesanel tonamen olsem bipo.

Ol stail pablik sevan



• (antap) - Ol meri Atoni Jenerel i soim stail long poto. Ating kain stail bai mekim ol i win long dispela wiken. Las wiken ol i hevi tumas na i no ran strong. Olsem na ol i lus.

• (raithan) - Dispela em ol kas meri bilong Hom Afeas bipo ol i bungim ol meri Atoni Jenerel long antap. Ol i gat moa pawa na wini mdispela gem 2-1 long gutpela stail stret.






Neks Wik : Ful ripot na ol poto bilong 1994 Nesanel Klap sempionsip



• (antap) - Saut Kos tim bilong Kimbe husat bai soim pes long 1994 Nesanel Klap sempionsip long Lae dispela wiken. Em i namba tu taim bilong ol long kamap long dispela resis. Olsem na ol nem tim i mas lukaut long ol boi Lus Prut. Anda 20 nesanel straika, Chris Kataka (l-r: sanap namba tri long bak-sait) wantaim tripela arapela U20 pilaia bai strongim sans bilong ol.

• (raithan) - Dispela em stail bilong Godens op sisen ragbi tas resis long Mosbi siti las wiken. Uksy Kei bilong Jabiru Panthers kikim bal long painim lain. Na tupela wan pilaia bilong em i sambai tasol. Las wiken ol i salim kaikai long Magpies long bikpela skoa stret. *Poto: Ivan Bayagau.*



• Tupela poto long antap i soim kain pilai ol meri Mosbi i save soim long sofbal resis olgeta wiken. Meri long lephan i taitim gut bun na hamarim stret bal, tasol bal i paul. Na kas meri long raithan i hukim gut bal na smail wantaim.

Moa kain stail olsem bai kamap long dispela wiken long Bisini sofbal graun. Olsem na sapos yu nogat wok long wiken, soim pes tasol long Bisini graun.

• Birua i saitim tasol long arere olsem Tarangau pisin flai i go daun long graun na redi long holim pasim pikinini kakaruk. Planti kain stail olsem i save kamap long Mosbi Pablik Sevan netbal resis long las wiken.

Lukim moa stail pilai olsem long resis bilong dispela wiken.



• Henao Knights tim bilong Godens op sisen ragbi tas resis long Mosbi. Dispela ol boi i save ran olsem smok balus stret, na tu save mekim kainkain trik. Olsem na ol birua tim i mas lukaut tru long ol.



• Wapela junia soka tim bilong Lae soka resis.

Ol kosa bai toktok long redim SP Gems na U23 Osenia taitel skwat

YAKAM KELO i raitim

OL soka kosa long kantri bai holim bikpela toktok tru long redim sinia skwat bilong ol man long 1995 Saut Pasifik Gems, na tu Anda 23 skwat bilong Osenia taitel long sem yia.

Rot bilong makim ol pilaia bilong tupela skwat wantaim i no klia tumas. Bikos tok win tasol olsem ol Anda 23 tim long 1991 wantaim kosa Joe Turia bai mekim kamap Saut Pasifik Gems skwat. Na ol Anda 20 tim bilong Ludwig Peka long 1994 bai mekim kamap Anda 23 tim long neks yia.

Tonamen Dairekta bilong PNGFA, Idris Kumbrawah i tok dispela em wanpela rot PNGFA bai

bihainim yet long makim skwat bilong SP Gems na Anda 23 tim bilong Osenia tonamen.

Tasol bai i gat senis long ol kosa long husat bai kisim ol dispela skwat long neks yia, Idris i tok.

Idris i tok hetkosa bilong PNG, Posman Kisaku bai i lukautim yet PNG tim bilong SP Gems long Tahiti long neks yia. Tasol long Anda 23 skwat, no gat man i klia yet long husat bai lukautim ol i go long Osenia Taitel long 1995.

Em tok Joe Turia i bin aplai long dispela posisen bilong Anda 23 kosa long las yia na winim. Tasol nau Joe i stap long ovasis na i no gat kosa long kisi ples bilong em.

Ol manki i bin stap long skwat bilong Joe Turia long 1991, bai i go insait long skwat bilong sinai man

long SP Gems. Ol selekta bai lusim sampela husat i no moa fit long pilai na kisim nupela pilaia long skwat ya.

Anda 20 skwat bilong Ludwig Peka i bin go long Fiji long dispela yia bai go insait long Anda 23 skwat long neks yia. Bai gat senis tu long wanwan pilaia husat i no stap fit na nupela pilaia bai kisim ples. Tasol no gat klia yet long husat kosa bai lukautim Anda 23 tim bikos Joe Turia i stap long ovasis.

Ludwig Peka i gat nem

Idris i tok tu olsem Ludwig Peka i gat nem olsem junia kosa bilong PNG. Olsem na em i stap insait long mak bilong lukautim ol Anda 17 i go long Anda 20. Olsem

na long neks yia, bai i gat Anda 17 Osenia tonamen we i mas gat junia kosa long lukautim ol. Dispela tonamen bilong Anda 17 bai kamap long Vanuatu long Mas, 1995.

Toktok bilong makim nupela kosa long lukautim Anda 17 na Anda 23 long neks yia bai wanpela bikpela toktok we bai i kamap long kibung bilong PNG nesanel kosa long Goroka long Desemba 10. Dispela kos bilong ol kosa bai kamap long Nesanel Spoting Institut (NSI).

Insait long dispela miting bilong ol kosa, ol bai paitim toktok wok bilong developim ol program bilong kosa, redim ol wok bilong SP Gems long Tahiti na arapela intanesanel gem long neks yia, ol

wok bilong holim trening, kirapim na strongim ol gutpela wok program, wok bung wantaim arapela kosa long redim ol skwat na planti arapela wok bilong makim kosa na trenim kosa.

PNGFA Tonamen Dairekta i tok dispela miting bilong ol kosa inap kamap long las wiken long Goroka tasol PNGFA i bin isi liklik long salim moni long baim tiket bilong ol kosa long kamap long Goroka. Olsem na PNGFA i makim taim bilong ol kosa long miting i go gen long 10 Disemba.

Narapela as tu ol i stapim dispela miting long kamap em bikos planti kosa bai wok wantaim tim bilong ol long go insait long Nesanel Klap sempionsip tonamen long Lae long dispela wiken.

Hevi bilong mani stapim kosa bung long Goroka

YAKAM KELO i raitim

MITING bilong bungim ol soka kosa long kantri long Goroka las wiken i no bin kamap. Blkos nesanel bodi i no salim moni hariap long baim balus tiket bilong ol. Olsem na kos bai kamap gen long 10 Disemba.

Miting bilong PNG Kosa Asosiesen long Nesanel Spoting Institut (NSI) long las wiken i no bin kamap bikos ol kosa husat bai kamap long dispela miting i no bin kisim balus tiket bilong ol hariap long taim.

Tonamen Dairekta bilong PNG Soka Asosiesen (PNGFA), Idris Kumbrawah i tok PNGFA i no bin salim moni hariap long taim. Olsem na Air Niugini i rausim buking bilong ol kosa. PNGFA i bin buking spes bilong ol long kalap long balus.

Idris i tok PNGFA i makim 20 afiliated kosa insait long Papua Niugini long kamap long dispela kos long Goroka. Ol kosa bai kamap long olgeta taun olsem Kerema, Wewak, Goroka, Lae, Madang, Hagen Wabeg, Kavieng na Mosbi.

Wanpela kosa bilong Rabaul tu em PNGFA i hat long painim em bikos PNGFA i no klia em i stap long wanem hap bilong Rabaul nau. Kosa ya em Allan Joseph.

Idris i tok PNGFA i sensim taim bilong holim miting i go long 10 Disemba. Na dispela bai givim inap taim bikos olgeta wok bilong PNGFA tu bai pinis long dispela wiken wantaim nesanel klap soka resis. Na dispela inap givim gut taim long holim miting bilong ol kosa long Goroka.

Atoni Jenerel soim pawa long Mosbi Pablik s Sevan soka



• Kas bilong ol boi Atoni Jenerel bipo ol i autim tiket bilong Hom Afeas.

ATONI Jenerel i soim man bikos tupela tim wantaim i pilaim gutpela gem tru na strong bilong tupela tu i wok long go wankain long stat bilong gem inap long fultaim.

Dispela i bin wanpela strongpela tru bilong ol

man bikos tupela tim wantaim i pilaim gutpela gem tru na strong bilong tupela tu i wok long go wankain long stat bilong gem inap long fultaim.

Long namba wan hap bilong gem, Hom Afeas i

kamapim planti gutpela sans tru long skoa insait long mak bilong Atoni Jenerel tasol ol bal i wok long abrusim gol mak na go antap.

Straika bilong Hom Afeas, Tim Gavot i mekim planti gutpela

ron i go insait long banis bilong ol boi loya tasol beklain bilong ol loya i strong tumas. Olsem na long nambawan hap bilong em, tupela tim wantaim i no skorim wanpela gol.

Long namba tu hap

bilong gem, tupela fowet bilong Atoni Jenerel i kisim bal long senta na mekim wolpas i go inap long gol mak bilong Hom Afeas na skroim nambawan gol bilong ol taim ol boi Hom Afeas i no redi yet.

Dispela nambawan gol bilong Atoni Jenerel i kamap kwiktait tumas long referi i statim pilai bilong namba tu hap bilong pilai. Skoa i kamap insait long 50 sekens bilong pilai i stat.

Dispela gol i mekim na ai bilong ol boi Hom Afeas i op na ol i stat long pilai strong. Peter Chalapan wantaim Jimmy na na Malan i bung wantaim long sapotim Tim tasol banis bilong Atoni Jenerel i tait tru inap fultaim. Klostu long pilai i laip pinis, na Atoni Jenerel i kamapim namba tu gol bilong ol na winim Hom Afeas 2-0 long ful taim.

Na olupela sempion bilong las yia, PNGBC tu i kisim bikpela skul long ol lain tisa bilong Edukesen long las wiken. Edukesen i skulim PNGBC na winim dispela gem wantaim 3-2 skoa long fultaim.

Pasin bilong senisim kosa olgeta yia no gutpela

PASIN bilong senisim kosa long olgeta yia i no gutpela tumas long pasin bilong kirapim tru spot insait long kantri.

Taim nupela kosa i kamap long kisim wanpela skwat long trening, dispela nupela kosa i mas mekim bikpela wok tru long lainim na trenim ol pilaia long save long stail na trening bilong em.

Ol pilaia i mas wokhat long lainim na klia tru long as tingting bilong dispela trening bilong kosa ya.

Sampela kosa i gat kain trening we ol i save lukim olsem piksa long tingting bilong ol taso! Ol bai tingim tasol bikpela rot bilong go long en tasol ol i gat save tu long ol sotpela rot bilong bihainim na kamap kwiktait long narapela stail.

Ol i save holim tasol dispela piksa long het bilong ol na tokaut long maus taim ol i holim trening



wantaim skwat long pilai graun.

Sampela kosa i save raitim ol plen na trening program bilong em long hap pepa na holim long han. Taim em i kamap long fil, em i lukim tasol long pepa na bihainim.

Ol dispela samting i soim tru wanem samting bai kamap sapos nupela kosa i kamap na kisim ples bilong lukautim wanpela skwat. Em i mas mekim bikpela wok tru long lainim na trenim ol pilaia na ol pilaia i mas luksave tru long gem plen bilong em.

Olsem na yumi ken lukim olsem olgeta pilaia tu bai wok hat long lainim na save long gem plen

bilong kosa ya we ol bai bihainim long fil taim ol i ronim bal long graun.

Long kamapim tru kaikai bilong dispela gem plen bilong kosa, yumi ken lukim bikpela wok i stap long kosa na tu long ol pilaia.

Sensim kosa

Taim narapela kosa i save kamap na kisim ples bilong dispela kosa husat i bin wok hat tru long pastaim i kam, nupela kosa bai bagarapim tru olgeta gem plen em ol pilaia i gat pinis long het bilong ol. Em bai putim nupela gem plen na stail i go insait long het bilong ol pilaia na dispela i no inap long stap gut long het bilong ol.

Wanwan kosa i gat narapela arapela stail na plen bilong ol long kosim ol pilaia long fil. Olsem na taim wanpela pilaia i traim long pilaim tupela o tripela kain stail

bilong pilai long wanpela gem, pilai bilong em i no inap long kamap gut na em i no inap long winim wanpela gem.

Bikos tim ya i paul long wanem stail o gem plen bai em i yusim long pilai. Pasin bilong sensim stail bilong gem na pilaim narapela kain stail insait long taim bilong gem tru i no gutpela tumas. Bikos taim gem i kamap pinis na taim tim i laik senisim gem plen, em bai bungim hevi long karamapim gen ol spes na eria we i no gat difens long en.

Hevi i go bek long kosa

Olgeta hevi ya i go bek long kosa bikos kosa inap stap wantaim tim na lainim ol gut tru long gem plen bilong em. Olgeta pilaia i mas kisim dispela piksa bilong gem plen ya long het bilong ol na taim ol i pilai tru long fil, lek i ken kikim bal i go i kam tasol bal bai

ron bihainim dispela piksa bilong gem plen we i stap pinis long het bilong pilaia.


Olsem na taim nupela kosa i kamap na kisim ples bilong narapela, em i no helpim tru long strongim dispela wok bilong kosa na trening bilong ol pilaia long kamapim gutpela pilai.

Skelim yumi yet nau

Papua Niugini Futbol Asosiesen (PNGFA) i gat dispela sistem bilong senisim kosa long olgeta yia. I no gat wanpela kosa i save stap wantaim skwat bilong em longpela taim na developim ol wantaim plen na stail bilong em.

Long narapela yia, ol pilaia ya i save go long han bilong narapela kosa long lukautim ol na dispela i save givim hat taim liklik long nupela kosa long lainim na save long ol pilaia. PNGFA i mas senisim dispela kain sistem.

WANTOK SPOTS



Sampela tim brukim lo - Kasau

KOMPLEN i kamap pinis olsem sampela tim insait long Mosbi Pablik Sevan soka resis i wok long yusim ol ausait pilaia long winim ol gem bilong ol.

Sampela klap insait long Pablik Sevan soka resis i no amamas bikos ol i lukim olsem sampela tim i yusim man na meri husat i no wok long gavman opis. Na tu ol ausait man na meri i wok long pilai tu insait long ol tim bilong ol gavman dipatmen.

Presiden bilong Pablik Sevan Soka Asoseisen (PSSA), Francis Kasau i tokaut long Sande apinun olsem em i no amamas long dispela pasin we i wok long kamap.

Kasau i tok lo bilong dispela Pablik Sevan soka resis i kamap long ol tim opisel bilong ol dispela klap. Nau ol i kirap na brukim gen lo ol yet i mekim na pulapim ol ausait pilaia i go insait long tim bilong ol.

Kasau i tok ol i ken mekim olsem long traime winim gem bilong ol tasol em bai holim ol dispela tim na rausim poin bilong ol o no gat bai em i rausim ol long resis.

Lo bilong dispela soka resis bilong ol pablik sevan em husat man o meri i wok long ol opis bilong gavman o bikpela steturori opis, husat tu i hap han bilong gavman tasol i mas pilai. Sapos ol man o meri husat i no save wok long gavman opis tasol man o meri bilong ol i pablik sevans, ol i ken pilai.

Lo i tambuim tu ol pikinini bilong pablik sevans long i no ken pilai.

Kasau i tokaut pinis olsem ol dispela tim husat i wok long yusim ol ausait man na meri long tim bilong ol i mas rausim ol hariap. Bikos em i gat nem bilong ol dispela tim. Na em bai kolim nem bilong ol ples klia sapos ol i no harim tok.

PUBLIC SERVANTS SOCCER ASSOCIATION (wk 2 Draw (Bisini Grounds))

Sat 26/11/94				Sun 27/11/94 (Div 2)			
Time	Div 1	Fixtures		Time	Div 2	Fixtures	
0800am	M	A/General vs IRC		0800am	M	A/Niugini vs PM	
0910	W	A/General vs IRC		0910	W	A/Niugini vs PM	
1000	M	Uni vs HAY		1000	M	Finance vs NBC	
1110	W	Uni vs HAY		1110	W	Finance vs NBC	
1200pm	M	POSF vs Works		1200pm	M	NCDC vs Invest. Corp.	
0110	W	POSF vs Works		0110	W	NCDC vs Invest. Corp.	
0200	W	Education vs PTC		0200	W	Deced vs DCA	
0250	M	Education vs PTC		0250	M	Deced vs DCA	
0400	W	Teachers vs PNGBC		0400	W	CMB vs Transport	
0450	M	Teachers vs PNGBC		0450	M	CMB vs Transport	
Div 2				Div 1			
0800am	M	Finance vs Transport		0800am	M	Teachers vs PTC	
0910	W	Finance vs Transport		0910	W	Teachers vs PTC	
1000	M	CMB vs DCA		1000	M	A/General vs NPF	
1110	W	CMB vs DCA		1110	W	A/General vs NPF	
1200pm	M	Deced vs Invest. Corp.		1200pm	M	Education vs Works	
0110	W	Deced vs Invest. Corp.		0110	W	Education vs Works	
0200	W	NCDC vs PM		0200	W	EPOSF vs HAY	
0250	M	NCDC vs PM		0250	M	POSF vs HAY	
0400	W	A/Niugini vs BPNG		0400	W	Uni vs IRC	
0450	M	A/Niugini vs BPNG		0450	M	Uni vs IRC	
BYE:	NPF	M1/W1	Saturday	BYE:	PNGBC	M1/W1	Sunday
	NBC	M2/W2	Saturday		BPNG	M1/W1	Sunday

10-pela tim soim pes long Nesenel Klap sempionsip

YAKAM KELO i raitim

BIKPELA soka resis bilong nesenel klap sempionsip bai kamap dispela wiken long Lae. Na 10-pela klap o tim i redi pinis long soim stail.

Resis bai kamap long Sir Ignatius Kilage Stadium we Lahi Soka Asosiesen (LSA) bai lukautim.

Long Mosbi, tupela biknem soka klap, Yunivesiti na Guria bai kamap. Na bai givim bikpela salens tru long klap bilong ol arapela rijon long pilai strong na winim gem.

Mosbi Guria

Guria bai go olsem olupela sempion bilong dispela taitel.

Guria i gat ol gutpela na biknem pilaia olsem, Simon Emmanuel, Eric Petrus, Adam Lema na Ronald Simon. Ol yangpela blut olsem Winta

Posing, Jacob Bejigi, Louis na Michael Sogoromo tu bai givim sapot.

Guria i gat bikpela eksperiens long pilaim difensiv gem. Na tu em i gat strong bilong brukim banis bilong buria na skoa. Olsem na Guria bai wanpela strongpela tim insait long resis.

Yunivesiti Mosbi tu em narapela strongpela tim husat bai givim bikpela hat taim stret long planti arapela klap.

Yunivesiti i gat ol gutpela na eksperiens pilaia olsem Steven Mune, Hanz Gewabing, Batman Furigi, Roy Karang, Desmond Waku, Joe Aisa na yangpela Onne Geno wantaim Michael Sigamata.

Ol pilaia ya i gat gutpela stail bilong opim gem na pilai insait long

spes. Ol i save gutlong holim bal long lek na skelim gut long olgeta seksen bilong tim.

Mitif soka klap bai kam long Lae Futbol Asoseisen (LFA) long soim tru stail bilong ol manki Lae. Na kain kik bilong ol manki long Gavman Kompau long Eriku bai holimpas ai tu ya.

Sampela gutpela pilaia olsem Jack Jonathan, Charlie na Aganda Gidigia bai go pas long ol manki Mitif long traime winim dispela gem tu.

Long Lahi, bai Morobe Yunaitet i soim pes long dispela pilai na em bai kisim bikpela sapot moa bikos long graun bilong em we bai i gat inap sapota.

MOA RIPOT LONG PES 33

Printed and published by Anna Bernadette Solomon, of Bittern Place, Gordons, at Allotment 2, Section 209, Hohola.




• Yangpela Michael bilong Paga Panthers ragbi ilg klap bilong Mosbi i kisim tropi long presentesen nait long Mosbi.



• Atoni Jenerel soka tim bilong ol man long Mosbi Pablik Sevan soka resis.

LUKIM INSAIT :

• Olpela Kumul kepten no klia long go bek pilai long Australia - pes 32



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.